

ლიტერატურული აღმსრულებელი

ხმისძვრა

სექტემბერი, 2021

№ 11

ზაზუნა მარჯანიანი
ნინო გომიჯანიანი
სახელოვნების ბაძარი
XVI ს.



რამ შეიქმნა ადამიანად

რამ შეიქმნა ადამიანად?
რატომ არ მოვედ წვიმად,
რომ ვყოფილიყავი მუდამა
ღრუბელთ გულ-მკერდის მძივად,
მიწაზე გადმოსაგდებად
ცვარად ან თოვლად ცივად?
არ გამწირავდა პატრონი
ასე თხრად და ტივლად!

ცაშივე ამიტაცებდა,
თან მატარებდა შეილად.
ასე არ დამჭირდებოდა
სულ მუდამ ყოფნა ფრთხილად.
მზის მოტრფიალე ვივლიდი
სიკვდილის გამაწბილად;
მალლა ცა, დაბლა ხმელეთი
მე მექნებოდა წილად.

გავინარებდი, მთა-ბარსა
ოდეს ვნახავდი მწვანედ,
მოწწყულსა ჩემის ოფლითა,
ყვავილებს შიგნით, გარეთა.
გადავუშლიდი გულ-მკერდსა
დღისით მზეს, ღამით მოვარესა.
სიცოცხლეს ვაგრძნობინებდი
მომაკვდავ არე-მარესა.

თოვლად ქცეულსა გულშია
ცეცხლად იმედი მრჩებოდა,
რომ ისევ ჩემი სიკვდილი
სიცოცხლედ გადაქცეოდა
და განახლებულ ბუნებას
ყელ-ყურზე მოეხვეოდა.



ვინა-
ვინაველა

160

„ხონისა უჯი“

სამედიუმური

დედოფლისწყაროს მუნიციპალიტეტის გამოცემა

2021 წელი

სარჩევი

იუბილე

თემურ ჩალაბაშვილი - 70	2
ლევან ალავერდაშვილი - 50	3

პოეზია

თამაზ წიკლაური	6
გიორგი ხორბალაძე	8
ზიზო ბურდული	10
მანანა დანგაძე	12

პროზა

ცირა ყურაშვილი	
მამას მარჯვენით ქაფხა უჭირავს	12
ბოთლით წყალი, სალესი ქვა, სვარცხელი	13

ახალი სახელები

სალომეა ლომინაძე	15
------------------------	----

პოეზია

ჯუმბერ უთრუთაშვილი	19
დავით დარბაიძე	20
ნატო ყაჭაშვილი-აფაქიძე	23
სოფიკო მეჭვინაძე	25

პუბლიცისტიკა

გიგი ხორნაული	
ილო ფხოველი - „ვინც გულს უკლავდა ანასა“	26

პოეზია

აკაკი სამუკაშვილი	32
ნინო მოდრეკილაძე	34
ნინო ალადაშვილი	36
ზაირა ფრუიძე	38
მამუკა ოჩიაური	40

იუბილე

აკაკი დაუშვილი - 60	41
---------------------------	----

თარგმანი

ელენა დოლოჰიატი	41
არზუ ქარადაღი	42
ნიზარ კაბანი	43
ემინ არ - რეიჰანი	44
ამარჯი	45
აბულ ფარაჯი	46

იუბილე

ნანი-85	49
ნანა ჭიჭინაძე	
ვაჟა აზარაშვილი - 85	50
ნოდარ მამისაშვილი - 90	53

ხელოვნება

მარია პოპიაშვილი	
გაზაფხული	55

ბასსენება

მაია წელაური	58
--------------------	----

ფსიქოლოგია

ნათია ჯიფაშვილი	
ფსიქოლოგიური შეხვედრები	59

დედოფლისწყაროს ისტორიიდან

ლალი ბასილაშვილი	
დედოფლისწყაროს ისტორიული	
წარსულის ნაკვალევზე	61



ალმანახის გამოცემაში ხელშეწყობისათვის მადლობას მოგახსენებთ დედოფლისწყაროს მუნიციპალიტეტის მერს ბატონ ნიკოლოზ ჯანიაშვილს, დედოფლისწყაროს მუნიციპალიტეტის საკრებულოს თავმჯდომარეს ბატონ ნუგზარ პაპიაშვილს და დედოფლისწყაროს მუნიციპალიტეტის კულტურის და ძეგლთა დაცვის ცენტრის დირექტორს ბატონ ილია მარტყოფლიშვილს.

რედაქტორ-გამომცემელი:
გიორგი ნატროშვილი

ალმანახის ქულის ავტორი:
სამარო ქართველიშვილი

გარეკანი გაფორმებულია:
დავით ჯინაშვილის ფოტოთი
და ხათუნა ბაბუსაძის ნახაზებით

ჩვენს სასიქადულო თანამემამულეს, სახელოვან პოეტს და ძვირფას მეგობარს დედოფლისწყაროს მწერალთა ასოციაცია „ფიროსმანის“ და ასევე მთელი დედოფლისწყაროს მუნიციპალიტეტის სახელით, ვულოცავთ საიუბილეო წელს. ვუსურვებთ ჯანმრთელობასა და დღეგრძელობას პოეზიისა და ქართული ტრადიციების მოყვარული საზოგადოების სასიხარულოდ.
 აქვე გთავაზობთ თავად ავტორის შერჩეულ ლექსებს:



აღსდექ, საქართველოვ,
 მართლმადიდებლო!
 ო, წმინდა გიორგის
 ხატებავ ნათელო,
 სანთლად დანთებულო
 მომავლის ქართველო!..
 ...ესე, სიყვარულის
 განმადიდებლო –
 ჩემო საქართველოვ,
 მართლმადიდებლო!..

ავტობიოგრაფია

ჩემო საქართველოვ, მართლმადიდებლო!

ილია II-ს

მუდამ სიყვარულის
 განმადიდებლო,
 ჩემო საქართველოვ,
 მართლმადიდებლო,
 ოშკო და ხახულო,
 ცრემლით ნაფერებო,
 ძუძუს მოწყვეტილო,
 ძმებო, ქართველებო,
 ზეცად აზიდულო
 ჯვარო და სამებავ,
 გვეყო ჩვენთა შვილთა
 უღმერთო წამება...
 მუდამ სათნოების
 განმადიდებლო,

ჰა, საცაა ვბერდები, გამითურდა თმა-წვერი,
 მტერი ბევრი ვიპოვე, ცოტა – გულის დამწველი.
 ვიღას უნდა ლექსები, მახლას, შენი ნაწერი,
 მუზაც არ მეკარება, ხდება თითქმის ცხრა წელი.
 ყველა გადასხვაფერდა – ლენჩი მხვდება სხვა ტონით,
 აღარც პრეზიდენტის მწამს, აღარც გუბერნატორის.
 ველარავის ვჩემულობ, გავცვდი, როგორც დედანი,
 ვკვდები, როცა საუბრობს პარლამენტში ცვედანი
 და მე ვხედავ, დღითი-დღე აღარავის ვჭირდები,
 არაფერი მარცხებს, არც არაფრით ვკვირდები.
 სულ სხვა ხალხი მომრავლდა, სხვა ყაიდის, სხვა რჯულის,
 სახეები მაგიჟებს – ათასობით ტანჯულის.
 აღარა ღირს სიცოცხლე, ვაგლახ, მივხვდი რა ხანი,
 ეს სასმელიც მომბეზრდა – სულთან ჭიქის ჭახანი.
 ვევედრები ღვთისმშობელს, შემიწყალოს ცოდვილი,
 მღლის ამ ჯოჯოხეთიდან ჯოჯოხეთის ლოდინი.
 ჰა, საცაა ვბერდები, სულს მიწამებს ფიქრები,
 როგორც სულ არ ვყოფილვარ, ისე, სულ არ ვიქნები.
 შემოაცვდი ცხოვრებას, თემურ, ნათელს აწ ელი?
 ხელთ გეცლება სამშობლო, მახლას, შენი ნაწერი...

საქართველოს მწერალთა შემოქმედებითი კავშირის და დედოფლისწყაროს მწერალთა ასოციაცია „ფიროს-მანის“ წევრს, ჩვენს მეგობარ პოეტს, ლევან ალავერდიაშვილს საიუბილეო წელი აქვს. 2021 წლის 2 ივლისს მას 50 წელი შეუსრულდა. ვულოცავთ მეგობარ პოეტს იუბილეს და მისი ლექსების მოყვარულთ კი ამ ნომერში გთავაზობთ თავად ავტორის მიერ შერჩეულ სხვადასხვა პერიოდის ლექსებს. ბოლო ორი კი ახალია და პირველად იბეჭდება. იკითხეთ და ისიამოვნეთ.



ან აქ რად მოხვევ

მე კარგად ვიცი შენი წარსული და მომავალი რადაც გაშინებს, რომ ვნებათხარჯვა წრეგადასული უმანკობას ვერ მივაშვილებს. შენთვის უცხოა გელის ოცნება, არ გელის ზეცა ცოდვიან სტუმარს, შენდობის დრო და პატიოსნება როცა შენს სახელს ეტყვიან უარს; ფეხქვეშ დალპება იმედის ხიდი, რას უზამ მერე სულს ასე სწეულს, როცა ერთ ღამეს მეც მომაციდი შენს უკვე ბევრჯერ გაყიდულ სხეულს. დამენანები, რა გზით მიდიხარ, დანაცრებული ღადარით თვალში, დღეს ველურ ჟინით რატომ მინდიხარ, როცა სათუთად მიყვარდი მამინ; როცა გიწოდე მუზის ასული, ეხლა ის გრძნობა რად გაიყინა სად გაიყიდა შენი წარსული, ან მომავალი სად გაიყიდა. ან აქ რად მოხვევ... რად გინდა ღმერთი?! ხატებს აჩვენო ცოდვები ქმნილი, რომ ხარ ლამაზი მარიონეტი სხვისი ვნებისთვის გამოგონილი... და გული ეხლა, ოჰ, არა იებს,

სულ სხვა საჩუქრებს შემოგთავაზებს მკერდში მძივებად ჩაგადნობ ტყვიებს და სისხლით მოვრწყავ ბოროტ დარბაზებს. მერე კი მაინც შეეუნდობ ცოდვებს, თვალებს დახუჭულს და ბაგეს მღუმარს, რომელნიც უკვე ჩემს მაღალ გრძნობებს ვეღარასოდეს ეტყვიან უარს.

დეკემბერები

დეკემბერების ლურჯი ფოთლები შემყვარებია სიცოცხლის ფასად, როს იკარგება ბოროტი წლები მიზანს აცდენილ ტყვიების მსგავსად. როგორც ყვითელი, საჭურჭლე თიხა, ახელილია სისხლში დარდები და რომ მკითხავენ – შენ პოეტი ხარ? დემონიურად ავხარხარდები. ზოგნი ვერ გრძნობენ, სანანურია, რაა მგოსანი. დაე იცოდნენ, ის მღუმარა, როგორც მუშია, მაგრამ მეტყველი როგორც სიცოცხლე... დეკემბერების ლურჯი ფოთლები აი, რად მიყვარს სიცოცხლის ფასად, როს ეცემიან მიწაზე წლები მიზანსდაცდენილ ტყვიების მსგავსად.

ვარდები

ვარდი მომეცით, ნამის ქარვებით, დაე, შემერგოს თუნდაც არამად... ისე მაჩუქეთ, ნუ დამზარდებით, პოეტი ვარ და ფული არა მაქ! ლექსზე გაგიცვლით, არ შემრჩა გროში, ვარდი ხომ ტრფობის გზა და ხიდია! ნუ დამაჯერებთ, ჩემს სამშობლოში რომ სიყვარულიც გასაყიდა!

მე, შენა და ქარი

შენს ფეხებთან აბეზარი ქარი გაიშრიალებს, ურცხვად მოგეპარება და კაბას აგიფრიალებს, აუჰ! თვალებს აგარიდებ, მაინც გამთქვეს თვალებმა, რადგან მზერა უნებურად შენკენ გამეპარება. უი, დედა! დაიმორცხვებ, კაბას იჭერ ხელებით

მარწვევის ბაგეს დაიშაქრავ დათაფლული წვევლებით.
 მიხაროდენ; წვევლით მლოცავ,
 ტოკავს გულის გალია,
 ეგე ქარი, ეგ დაწვევლე, ჩემი რაღა ბრალია?!
 მე რაც მსურდა აქამომდე, შენს თვალეშიც ვხედავდი,
 ქარს კაბა არ აეწია, რა, არ შემოგხედავდი?!
 ნეტავ ქარი კვლავ მოვიდეს, კვლავაც გაიშრიალოს,
 ურცხვად შემოგეპაროს და კაბა აგიფრიალოს,
 ნეტავ იმ წუთს, საფიცარო,
 თუ სხვა კიდევ მერჩიოს,
 უკვე დედა ყოფილიყავ, ხელში პირმშო გეჭიროს;
 უი, დედა! წამოწითლდე,
 ხელს რომ ვეღარ ახმარებ,
 თვალხუჭველა მოგაგნებ და კაბას ჩამოგაფარებ;
 შენ კი ისევ „დამწვევლი“ და ისევ დაიქუფრები;
 კარგი, ფეხებს თუ მიმალავ,
 თვალეებს რაღას უშვები?!

ობლონი ყინვაში

ჩემში დემონი ვინ ჩაასახლა?!
 რამ შეიწირა წარსული სახე?!
 ღმერთო! ბუხრისწინ რა მინდა ახლა,
 როცა ყინვაში ობლები ვნახე...
 ეს რა ასპიტი მეფობს ქუჩებში,
 ამდენი გესლი საიდან გერგოთ,
 რომ წინგამოწვილი, დამზრალ მუჭებში
 ბინდგარეული გულები გედოთ.
 მინდა თქვენს ფერხთით გავთავდე დღესავ,
 ვინემ ამ ცოდვის ბურუსი ვზილო;
 ვინ გაიანდერმათ ამდენი კვნესა!
 ამდენი ცრემლი საიდან, შვილო!..
 მაგრამ თავს რადღა დაუწამო ცილი,
 გავიავთვალო ძალისხალ დარი,
 როცა თქვენს ქუჩას ვერ გამოვცილდი,
 და ეზლაც იქავ ვაგდივარ მკვდარი.

ოჯდათი თეთრი

დღეს კაფეში ვკითხულობდი ლექსებს,
 გმადლობ, ღმერთო, მომეც წერის ნიჭი,
 პოეზიით რა სიმდიდრეს ეძებ?!
 დამცინოდა ვილაც „მამას ბიჭი“.
 თუმცა იგრძნო, შურითა და ჯიბრით
 ვერ დაცხრება მგოსნეული ჩანგი,
 მასაც მიხვდა, ცარიელი ჯიბით
 მასზე დიდი და მდიდარი ვჩანდი.
 სიხარულმა დამიცრემლა თვალი,
 მხრებთან მედგა ანგელოსთა გუნდი.
 ის თუ ამდამ, სულ გაძარცვეს მთვრალი,
 მე ერთ ლექსსაც ვერ მომპარავს ქურდი.
 ხიდზე შევდექე, ავიხედე მადლა,
 მთვარის სახე დამეაბა გულზე.

პოეზიით შეიძლება დაღლა,
 პოეზიას ვერ იყიდი ფულზე.
 რაა ფული?! ზიზღმა გამკრა თავში
 თუ არ, სულის უკურნელი კეთრი,
 და ხიდიდან გადავყარე მტკვარში
 შერჩენილი ოცდაათი თეთრი.

ქალბატონო

რატომ გგონიათ, ქალბატონო, თითქოს წუხელის
 თქვენით შეშლილი მივეძალე ასე კონიას,
 არა, ეს მხოლოდ ახირება იყო წუხილის,
 თქვენ კი გგონიათ,
 ქალბატონო, თქვენ კი გგონიათ,
 რომ მარტოდენ თრობისათვის უაზროდ ვსვამდე,
 ან სასიკვდილოდ შევიტოვე მეშიდე ტყვია;
 მე შემიძლია გიერთგულეთ იმ სადგურამდე,
 რომელსაც ბოლო, ან უბრალოდ, სიკვდილი ჰქვია.
 მიემინება ამ ვნებასაც დროის მირაჟში,
 მიემინება როგორც შზისგან ნაგმობ ფოლიანტს,
 თქვენ მომდიმარი დაბრუნდებით მყუდრო ბინაში,
 მე კი სად წავალ, ქალბატონო, როგორ გგონიათ?!
 ეს არც ფიცია, არც დაღადი, არც აღსარება,
 თუ თქვენს კდემა გავიხადე სიგიჟის ძეგლად...
 და ყველა მზერა, თუ უსიტყვო ამკენესარება
 იკმარეთ ჩემი თავხედობის მოსატყვევბლად...
 და ნუ გგონიათ, მარტოდენ თრობისთვის ვსვამდე,
 ან საფეთქლისთვის ჩავარჩინე ლულაში ტყვია;
 არა! უბრალოდ ერთგულეება მწამს სადგურამდე,
 რომელსაც ბოლო, ან უბრალოდ, სიკვდილი ჰქვია.

ლოლოიანში თათრის ასული

ყარა ცხენები ჯირითობდნენ ტყის განაპირას,
 ლოლოიანში თათრის გოგო ძროხას მწყემსავდა,
 ნაგუთნი მიწა სათოვარი ღრუბლის ნატირალს
 შავი ტუჩებით ჟინმოსული სვამდა და სვამდა.
 ბელტზე ჩამოჯექე, გულს მოაწვა მომწარო შური,
 აღსდგა წარსული წინაპართა მითის მთხრობელი;
 ნეტავ ამ ფურებს მომწყემსავდეს ქალი ხევსური,
 უფრო ამაყი, მშობლიური და მახლობელი.
 თათრის ასული, მომჩერდი ასე რისათვის,
 ფიქრობ მაგ თვალთა სიმუქეში ჩავიქარგები,
 ეჰ, შენ რა იცი, ერთი მუჭა ამ მიწისათვის,
 სისხლისგან როგორ იცლებოდნენ გურჯთა ძარღვები.
 თათრის ასული, მოზამბახე ბაგე რომ გიკრთის,
 თითქოსდა ჩემში დაეძებდე სუსტსა და უძლურს,
 არა! ამ სისხლში არ დამშრალა გენი დავითის,
 მე ქეთევანი მაწოვებდა დაშანთულ მუძუს...
 ვიჯექე დიდხანს, პანორამა სთვლემდა მეფური,
 არე ველური, ლურჯი ნისლით შემოგარსული,
 ლამაზი იყო, ღმერთო ჩემო, თექვსმეტი ფური,
 ლოლოიანში ოცნება და თათრის ასული.

შენა და ღამე ბეთანიისა

გეტყვი მშვიდობით, მერე დაგტოვებ,
 ოღონდ სურნელი შეგრჩეთ იისა,
 ოღონდ ავსებდეთ ჩემს სიმარტოვეს –
 შენა და ღამე ბეთანიისა.

გეტყვი, წუთები შენით ნაფერნი,
 როცა აშვებულ რაშებად ჰქრიან,
 რა გვიანაა სუყველაფერი
 და არაფერი არაა გვიან.

გეტყვი საუფლოს ღრმა დარბაზებში
 ხატად მოვძებნი შენს ძვირფას სახეს,
 სისხლისფერ ვარდებს დაფერი ბალებში
 და ლექსებს – შენი თითებით ნახებს...
 გეტყვი ნუ მოხვალ! მაგრამ რისათვის?!
 უკვდავ მოლოდინს მაინც გპირდები
 და იმ ღამეში წყენებისათვის
 ხელში ბავშვივით აგიტირდები.

გეტყვი, დემონურ წარსულს მათოვებს
 ნამი – უშენოდ მორცხვი იისა...
 ნუ მიმატოვებთ! ნუ მიმატოვებთ –
 შენა და მწუხრი ბეთანიისა.

გეტყვი, შვებაა შენს ხელში კვდომა
 და რომ შენს შხამსაც ტკბილი აქვს გემო,
 ღმერთმა შეგინდოს ცოდვა – შეცდომა,
 მოურჩენელო ტკივილო ჩემო.

გეტყვი, დამთავრდა! ეხლა მშვიდობით,
 ოღონდ სურნელი შეგრჩეთ იისა,
 ოღონდ ნუ მომკლავთ უამინდობით,
 შენა და ღამე ბეთანიისა.

შუამთის შუაღამე

შუადამისას შუამთას,
 შუქი შეადნა შორით,
 შემომეშენენ შინდები,
 შრიალით, შარა-შურით.
 შემოდგომისას შიმველი,
 შამბში შეეხვა შარა,
 შველს შიგ შავარდნა ვუშალე,
 შველმა არ დაიშალა.
 შორი-ახლობით შავყევი,
 შეინავარდა მშვენად,
 შევნიშნე შურმა შემიპყრო,
 ვშობილიყავი შველად.
 შვიდჯერ შავობამ სიშავის,
 შემომავება შიში,
 მემშურნებოდა შუამთის
 შველის შეშლილი ჯიში.

ლოთი მხატვარი

(ზიროსიანს)

ბნელი სარდაფი, ღვინის ჭიქები,
 მხოლოდ გოლგოთა, აღარსად მდელი,

და როცა შედგა იგი მწვერვალზე,
 მაშინ იხილა ის საქართველომ.
 თორემ, ვინ იყო, ვინ სცნობდა ნიკოს,
 სარდაფში ობლად დუღდა მაჭარი
 და მოგონებებს შემორჩა ცოცხლად
 მირზაანელი „ლოთი“ მხატვარი.
 ნიკო მოკვდაო, იქ, კიბის ძირში,
 საღებავების ცრემლი სდიოდა,
 რას ქვია მოკვდა! მან მიატოვა
 ეს უსუსური კაცობრიობა.

გული დამთვრალი და დაფლეთილი
 სიობლისაგან ჩუმად კვნესოდა,
 შველას ითხოვდა თურმე ნიკალა,
 მაგრამ მისი ხმა არვის ესმოდა.
 ბოლო ფერები გაკრთა ტილოზე,
 მიმქრალ თვალებში მწუხრმა იძალა,
 ღვინის რუმბები ჩაიკრა გულში,
 დაემხო პირქვე და მიიცვალა.
 არსად არღანი, არსად დუღუკი,
 არც განბანება ცრემლთა მორევში,
 ვიღოდა ქვეყნად კაცი ობოლი
 და მიეძინა სიმარტოვეში...
 მერმე უეცრად განათლდა ბნელი,
 ფრთები აეშვათ დაბმულ არწივებს
 და კიბისძირში მკვდარი ნიკალა
 ანგელოსებმა გამოაცილეს...
 ვინ სთქვა სიკვდილი უკვდავებისა,
 ნეტა ვინ ეძებს ნიკალას საფლავს,
 ის ეხლა ისევ მთვრალია ღვინით
 და მარგარიტას წამწამებს ხატავს..

ყვავილეების ერთავ, ნლეების შემდეგ

(ჩემს შვილს იასთაშვი ალასგურდაშვილს)

ისე მღვრიე, მაგრამ კანდელადანთებული,
 როცა წამწამებზე ნამი მოგესია,
 სიღრმით ჩაძინებულს,
 ღვთივდანათლებული,
 მოგეიაფარდა მამის პოეზია...
 თუკი მიცვალების ხელებს გაუქარდი,
 ღიმილს ნუ მიუსჯი ურვას ნურავისას,
 ლოცვით მარიამთან,
 ნატვრა-ნაჩუქარი
 პირმშო ჩააშენე ციხეს სურამისას...
 ზეცაც შენეულობს,
 ნულარ გეშინია,
 ყორანს ფრთა მოეჭრა
 მაცნეს დაბინდების...
 უწინ „მზე გარეთა“
 უკვე „მზე შინაა“,
 მამაც უკეთაა,
 ერთავ ყვავილების.

ასე თუ ისე

ასე უბრალოდ და გასაგებად
 თავს გაიმართლებ წყევლისგან მყისვე,
 თუ მოსახდენი დღეს არ მომხდარა –
 ხვალე მოხდება ასე თუ ისე.
 ალბათ რამდენჯერ, მუზამტკივანმა,
 უძილო ღამით თვალი აივსე,
 მერე კი მაინც, გინდა თუ არა,
 ჩაგძინებია ასე თუ ისე.
 ჩაგძინებია, მაგრამ უმაღვე,
 სიცხადის ეტლი, ცრუ და მერყევი,
 შეგატორტმანებს და ბურანიდან
 ასე თუ ისე გამოერკვევი.
 გამოიღვიძებ, ზეცის ანთებას
 იგრძნობ და გრძნობაც იყოს დღევრძელი,
 რომ სინანული და პატიება
 ასე თუ ისე მაინც შესძელი.
 არ გამიჯავრდე, არა ღმერთმანი
 თუ ამ სიტყვებით გაგაგულისე,
 არაფერია, ჩვენ ერთმანეთის
 ბევრი რამ გვესმის ასე თუ ისე.
 ასე თუ ისე შენ ხომ ქალი ხარ,
 ამაღ ვჩუძდები ისევ და ისევ,
 სულის სიღრმეში შენც მართალი ხარ
 და არც მე ვტყუი ასე თუ ისე.
 ღმერთმა გიშველოს! უღრუბლო სახით
 სულ იზამბახე და იმაისე;
 ასე თუ ისე ხომ მაინც მოველ,
 ხომ მაინც შევხვდით ასე თუ ისე.

გულის ჭრილობა

გოგონას თვალში ცრემლები გალღვა,
 მშობლის გულში კი შეიჭრა ელდა...
 სათუთი თითი გაიჭრა ბაღლმა,
 მოვა და ფრთხილად შეუხვევს დედა.
 მიეფერება თვალთა სილურჯეს,
 რბილად ჩაუშლის კულულს აფრებად,
 ამოუკოცნის გაბუტულ ტუჩებს
 და თითის ტკენაც სადღაც გაქრება...
 და როცა წლები გავიდა მკაცრი,
 ეწვია რაღაც საოცრად ურჩი,
 მას შეუყვარდა ყმაწვილი კაცი
 და სულ სხვაგვარად დაიჭრა გულში.
 თუმც ადარ იყო ის გულჩვილობა,
 არც იმ გოგონას ნაცნობი ელდა,
 ეს იყო ისე მძიმე ჭრილობა,
 რასაც რომ ვეღარ შეუხვევს დედა.

სიზმარეული თოვა

(ქ. ლ.-ს)

მაშინ მთელ ღამეს არ გადიოთვა,
 გულის ღვთაებად რომ გარდაგსახე
 და სულ არ იყო შემთხვევითობა
 სიზმრად ზაფხულის ბაღში რომ გნახე...
 ცამ მოწყალების სხივით დამხედა,
 მაშინ წუხილნიც ქარად ქრებიან...
 მე შენ ზაფხულის ბაღში გნახე და
 მას შემდეგ აღარც დამზამთრებია.



თამაზ ნიალაური

დიდი მოურავის მონოლოგი

გემშვიდობები ნოსტეს ფუძეო,
 გტოვებ უიღბლო ერთგული შვილი.
 მე ყოვლისშემძლე დავრჩი უმწეო
 ძმათა ღალატით გულდაკოდილი.
 მომიძულეს და აღარ დამინდეს,
 მტრად მომეკიდა ერი რჩეული.
 წავიდე, მაგრამ საით წავიდე
 შენს უნაპირო ცას შეჩვეული?!
 ვიცი უჩემოდ გაგიჭირდება
 ხორცშესხმად ვერ ვქმენ აზრი შიშველი.
 მივდივარ... მიცდის უცხო დიდება,
 მაგრამ ვაი, რომ ვეღარ გიშველი.

* * *

„რა ვქნისა ციხე“ ახსენე,
 სიბრძნის შაირი მითხარი,
 სუფრაზეც არ მომასვენე,

ამაბუბუნე, ვით ხარი.
 მამ-პაპის სისხლი ამენტო
 გულში მამულის მცველების,
 მესროლე საალაფერდო
 მტრის ჯავრის არ შამჭმელების.
 ვერც ლექსის ღვარი ვაგუბე,
 ვერც წყალს ჩაყევი ტივითა,
 ეხლა, თუ გინდა, დამბუგე
 და დამწვი სანთელივითა.

ხედავს ჩემი თაობა

*ჩემს ინტორიის მასწავლებელს
 ქ-ნ ლამარა თსრაშვილს*

დღემდე რაც უნდა მეთქვა,
 სიტყვებს ვარჩევ და ვეძებ,
 ალბათ, მოვალ და თქვენთან
 მაღლობის მოხდას შევძლებ.
 ქრებოდა დროის ზღურბლზე
 საგალი სკოლის გზისა
 და თქვენს ფიქრიან შუბლზე
 ჩანდა ნათელი მზისა.
 იმ წლებს ოცნებით ნაქსოვს
 მართმევედა დრო ძვირფასი,
 მე არც ღიმილი მახსოვს
 თქვენი ღიმილის მსგავსი.
 თქვენი თვალებით ვხედავ
 იმ გზებს, რაც უნდა ვეკალოთ,
 მასწავლებლო, დედავ,
 ჩემო ქართველო ქალო.
 ხედავს თაობა ჩემი
 ამაგს, ღვაწლსა და შრომას,
 კურთხეულია თქვენი
 მერხთან, დაფასთან დგომა.

გზაში

სალამო გზაში წამომეწევა,
 მოვდივარ... ირგვლივ დამის ჩრდილია.
 რა ვქნა, ყოველთვის შენსკენ მეწევა
 ფიქრი, ოცნება და იდილია.
 შენსკენ მოვდივარ მზისფერო ქალავ,
 მზედ და იმედად ნუ ჩამიქრები.
 ოცნებას მაინც ვერ ამიკრძალავ,
 ოცნებით მუდამ ჩემთან იქნები.

პირისპირ

მზერას დავენებდი ვენებიანს,
 ასი მზე გიზის წამწამზე,
 რამდენი მიოცნებია
 ამ წუთებზე და ამ წამზე.

რა ნატვრა აღარ მქონია,
 შენზე და ცისფერ ღრუბელზე,
 კვლავაც ვლოცულობ მგონია
 ჩემს მკვლელზე და დამღუპველზე.

* * *

ხან ვფიქრობ, რისთვის გავწამდი,
 ეს სული რისთვის აენტო,
 სალოცავ ხატად რად მწამდი,
 გზა თუ არ გვქონდა საერთო.
 ვარდის ბუჩქს გავდი გაუშლელს,
 ვერც დაგივიწყე, ვაი, რო,
 ტკივილს რა ვუყო წაუშლელს
 ჩემი სიზმრების ნაირი?!
 სიზმრების ფრად რომ დასრულდა,
 ეხ, რა დრო იყო იგი დრო,
 სად გნახო, რომელ წარსულთან,
 ან სული სად დავიმკვიდრო?!
 შენს მონატრებას არ ვიშლი,
 გულსაც შენ გიძღვნი შენს წილსა,
 ჩემს დარდებს ფეხქვეშ გავიშლი
 ლექსებად გამოძერწილსა.

* * *

გზა-გზა სურვილთა მზე მწვავდა,
 ფერთა სიუხვე, სიმწვანე,
 ვიცოცხლე, როგორც მეწადა,
 სიცოცხლის ნატვრაც ვიწამე.
 აქ სულს ლექსებით ვიოკებ...
 ბევრჯერ მწარედ რომ მტკიოდა,
 სულეთს იქ ავაწიოკებ,
 რომ მივალ საიქიოდა.
 არა ვარ რწმენაჩამქრალი,
 რა მონატრება დამდლიდა,
 რომ არა ლექსი და ქალი
 სიცოცხლე ჩალად არ ღირდა.

ზოლოთქმა

რაც მახსოვს, ლექსად ვდადადე
 საკუთარ სათქმელს სულისას,
 სიმღერით უნდა დავღამდე
 სიცოცხლის დასასრულისას.
 სიმღერით ცის შვიდ კარსა ვხსნი,
 შვიდ ცას გიტოვებთ მზიანსა,
 ღმერთო, საფლავეშიც ნუ დამხსნი
 ლექსსა და პოეზიასა.

გიორგი ხორბალაძე

ზამთრის სიუჟეტი

ალბათ ყინულებად იქცა ბაიკალი...
სპორტული ტერმინით – ზამთარი ფორმაშია,
გახსოვს? – ჩემი გული ხელში ჩაიკალი
და ეს უცაბედი ლექსი მომაშიე...

ახლა გვიანია მკერდზე ვაბრაგუნო,
მჯიღი, დათვისა და ლომის ტორის ტოლი,
რადგან პირთამდეა დარდის საბარგულიც,
დარდის ჩემოდანიც – ბრგე და ტურისტული.

მგონი აღარც მომწონს ზამთრის სიუჟეტი,
ქალაქს გამუდმებით ათოვს გარე ფლანგზე...
ჩემი სიყვარულის დიდი ბიუჯეტი
ერთი ხელის მოსმით ისე გამოფლანგე,

მარტო ლექსისხელა დარდსლა მივაგენი
უკვე ამოწურულ რეზერვუარებში,
იცი, ყველა ტანჯვა არის მონაგონი
(როცა არა მწამხარ) შენზე უარესი...

ალბათ ყინულებად იქცა ბაიკალი,
მე არა, თუმცადა ზამთარი ფორმაშია,
გახსოვს? – ჩემი გული ხელში ჩაიკალი
და ეს უცაბედი ლექსი მომაშიე!

* * *

თავზე შემომადნა შუქთა ილუზია,
ღამე სადაცაა თვალწინ დამიჯდება,
შენზე გაგიჟება იქნებ ვირუსია?!
იქნებ ვირუსია შენით გაგიჟება?!

ყინვამ დააკაწრა სარკმელს ყველა მინა,
ტკივილს უღრტვინველად იტანს დარაბები.
მე დღეს აუად ვარ და მე დღეს შველა მინდა,
შენ კი ისე ცხოვრობ – ვითომ არაფერი...

იქნებ ჩემი სენი ცოტა გადაგედოს,
თუნდაც ნახევარი, თუნდაც მესუთედი,
თორემ ვედარ მშველის ლექსად ქადაგება,
როცა შორსა ხარ და სულში მესუთები...

მოდი, გამიბრაზდი თუ არ მეფერები,
მოდი, სიძულვილი გულში დამახალე...
ერთი გაღიმება თუკი გებევრება,
ერთი ღიმილითაც თუკი არ მახარებ...

თავზე ჩამომექცა შუქთა ილუზია,
დილა ფანჯარაზე როდის დამიჯდება?
შენზე გაგიჟება მართლაც ვირუსია,
მართლა ვირუსია შენით გაგიჟება...



* * *

ჯერ არც სიყვარული გამქრალა და
ჯერ არც გულის კარი ჩარაზულა,
ვნების ჩანავლება მერეც კმარა,
როცა ცივი ხარ და თარაზული...

ვიდრე გარშემოა ზღვა და მიწა,
ვიდრე ღრუბლებია ზოგჯერ ცაზე,
ვიდრე უშენობა გადამიცდა
ვზრუნავ გადაცდომის მორჩენაზე...

უნდა დაგიწვილდე, თქმა რად უნდა?!
ხელი აღარ უნდა გაგიშვა და
ფიქრი ათასგვარად გადაბრუნდა
ლამის ოცნებებიც გამიშავდა.

არ ვარ რაინდი თუ შევალიე,
მაგრამ ვცხოვრობ სრული შემართებით,
ნაცვლად იმისა, რომ შემელიო
შენდა უნებურად მემატები...

ჰოდა, მე წლები ვერ მაშინებენ
და გული არა მწამს ჩარაზული,
არის – რაც გრძელდება მაშინაც კი,
როცა ცივი ხარ და თარაზული!

* * *

შეეშვი ამ ტვინის ჩახვეულ ლაბირინთს
არევა აკმარე გონებას, ყოფა,
აბრუებს ეგ ტანი პირდაპირ ბანგივით,
კაცები საშენო მხერასაც ვერ ვიყოფთ...

მე უკვე მიყვარხარ საზღვრამდე სიგიჟის,
დამითმე მაგ გულის სულ ერთი კუთხე და
გულს გარეთ არ ვეძებ ანგელოსს – შიგ მიზის,
რომ ვხედავ შენს ღიმილს ზეციურ კურთხევად.

კრიალა ზეცაზე ვარსკვლავთა ჭორფლია...
იქნებ მთვარის ნაცვლად თავადვე აენტო...
ვის რაში სჭირდება უშენო მსოფლიო?
უშენოდ რად გვინდა სამყარო საერთოდ?

საგრძობლად გამოდი გრძობებით კავშირზე,
თორემ გათენებაც პრინციპში ღამეა,
ბარემ მოექეცი ღრუბლების თავში მზედ,
მიწაზე ზომ მაინც ვნებები ბლაჟიან...

იქნებ მთვარის ნაცვლად თავადვე აენტო...
კრიალა ზეცაზე ვარსკვლავთა ჭორფლია...
უშენოდ ვის უნდა სამყარო საერთოდ?
ვის რაში სჭირდება უშენო მსოფლიო?!

ნერტილი

სულ ვეძებ შავ-ბნელი ფიქრების სანათურს,
ვერ ვიტან არაფრით სხვანაირ სუიციდს,
არადა, თითქმის არც მახსოვხარ, არა თუ
მტკიოდე, ისე, რომ დაეუთმო სული ცას...

ღამეა რაღაცით მთლად ჩვეულებრივი,
მერე რა, თუ დილას იმედი ვერ მოაქვს,
მომავალ ლექსების ამ რვეულ-ემბრიონს
ჯერ ისევ არაფრის სუნი და გემო აქვს...

ხო, ჩემი გულიდან როდესაც ფეთქავდი,
ფეთქებადსაშიში ვიყავი მე უფრო
და ლექსიც, რომელიც ოდესღაც მეთქმოდა,
მეთქმოდა სხვა რიხით და თითქმის მეფურად...

ახლა ფიქრს ვადვენებ ხედებს ქარაფების
და წამით გითხოვე ხსოვნის არქივიდან,
თუმცა აღარ მინდა შენგან არაფერი,
რატომღაც ეს ლექსი შენთვის კარგი მინდა...

და მახსოვს, ერთ დროს, რომ ბევრს ვწერდი უზომოდ,
ის კი აღარც მახსოვს ამდენჯერ ვწერდი რად?!
დღეს ხსოვნას სევდიან სტრიქონებს ვაზომებ
და გნიშნავ ამ ლექსზე, იმ ხსოვნის წერტილად.

გულის ფასი

მებრძვიან დარდთა გარნიზონები
ილუზიებით თუ რეალობით,
გულო, ფართობით არ იზომები,
არამედ ნაღდი გულიანობით.
გამხადეთ ტანზე ჭრული სამყარო,
ქაოსის ბული მადრჩობს და მთანგავს,
ის ჩინ-მედლებიც სრულად ამყარეთ
სინამდვილეში სულაც რომ არ მაქვს.
დამტოვეთ მარტო გულის ამარა,
გულის ფეთქვას კი ხელი არ ახლოთ.
ქარს გაატანეთ მომცა ქარმა რაც,
ის ოცნებებიც თან რომ მაახლეთ,
დამძიმდა, როგორც რკინის ზოდები
და ლოლოსავით ფიქრებს ჰკიდია

გადამაყლაპეს დარდი ზონდივით,
არადა, დარდი ზონდზე დიდია
და მებრძვის დარდთა ასეულები,
ილუზიებით თუ რეალობით...
გულის ნამდვილი ფასეულობა
დგინდება მარტო გულიანობით!

* * *

ახლა პოეზია ფიქრებს მოესია,
ლექსი ძარღვიანი, სულის საყვირია!
ვიდრე მშვიდადა ვარ, მითხარ ხო ესეა?
შენს თვალში მოგვაგარ მერანს აღვირიანს.

ფიქრებს მოესია, რადგან პოეზია,
გაქრა აღვირები ხელსა და თვალს შუა...
ყველა კიდობანი განა ნოესია,
ან კოჭი, როგორც ზის, განა სულ „აღჩუა“...

არა, ჩემო კარგო, სულს რაღაც აფიცხებს,
შედეგად ხდება რომ რაღაც შეგემლება,
ამიტომ ვნებები როგორმე ჩამიცხრე,
თორემ არც ლექსებს და არც შენ შეგემვები...

ლექსი ძარღვიანი სულის საყვირია,
სულის უღრანიდან სიოდ მონაბერი,
ჩემი ყველა ლექსი წყალში ჩაყრილია,
ახლა ცოტა მაინც თუ არ მოგეფერე!

* * *

სიკვდილი ძალიან მარტივია,
რამეთუ ლაჩრებმაც მოახერხეს!
სიკვდილმონხდილები არ ტირიან,
ესროლეს, თუ, თავი მოახერხეს.

როული ვერ იქნება, რაც გვარდება,
თავისთავადა და უეჭველად –
არ აქვს მნიშვნელობა რა გვარს ებმი,
მერანს რა სისწრაფით მოაჭენებ...

ძნელი ვერ გახდება, რაც მოგეცა,
ავანსად, სრულიად გაურჯველად,
გზას ყველა სწორედ იქ ამოკეცავთ,
სადაც არ არსებობს საუნჯენი!

ძნელი ღირსეული სიცოცხლეა,
რადგან რჩეულების ხვედრი არი.
ფუჭი არსებობა თითქმის მთხლეა,
ისიც მდინარეში ჩამდინარე.

სიკვდილმონხდილები არ ტირიან,
ეს ჯანზე გახლდათ, თუ ის სნეული.
სიკვდილი უთუოდ მარტივია,
როული – სიცოცხლეა ღირსეული!

ზიზო ბურღული

დაყვინყარო

არა, არ უჩანს არც ბოლო ლოდინს,
 აღარც დასრულდა ეს მკვლელი სევდა...
 მოდის და მიდის, მიდის და მოდის,
 ელდა და დარდი, დარდი და ელდა.
 ფათურობს ქარი, სულის იარა
 რომ დამიამოს ხელით, შიშველით,
 მე კი, უშენოს, ქარი კი არა,
 თვითონ უფალიც ვედარ მიშველის.
 ჩამოიბებრტყავ მხრებიდან ლექსებს,
 და გარეთ გაყვრი მთვლეშარ იმედებს,
 გულს უშენობის დარდი თუ შევხსენ,
 დასავიწყებლად თუ გაგიმეტე!



თორელო

თორელო, ახლა ისე ქრის გარეთ,
 ძალსაც არაფინ გააგდებს კარში,
 შენ კი სადა ხარ, ქისტეთის მხარე
 ამ გულში რამდენ საფიქრალს აშლის.
 აი, გაკრთება ტკივილად ის დღე,
 შენ რომ იები მაჩუქე გზაში,
 და აქამომდე ჩუმად რომ ისხდნენ
 მოლოდინები, დარდს ფაფარაშლილს
 ჩემზე გეშავენ, ნაბიჯით ჩქარით,
 არ მომეახლე ჭიმდაში რადგან.
 ვინ იცის, ეგებ მაშინაც ქარი,
 ვით ბედისწერა, შენს გზაზე ადგა.
 და დაგამგზავრა აბეზარ ავდრებს,
 სად მიმავალი, მოსული სითგან...
 ჯოყოლა მაინც თუ შეგხვდა სადმე,
 აღაზამ ტაბლა თუ გადმოგიდგა.
 ქრის... დასასრულიც არ დადგა ზღაპრის,
 ჯადოქრის ქოხს ჰგავს უშენო ბინა...
 შორს გარდასული ბალღივით გარბის,
 გულში კი ათას კაემანს სძინავს.

ცყა ჩიტი

არსაით სწყდება ცის კიდეს თვალი,
 ლაყვარდებს ელტვის გული ნაკლული,
 ნატვრად ქცევია ფრენა ფრთამალი
 და მთები, დილის მზის სხივდაკრული.
 გალიის კედლებს მკერდით ასკდება
 (ვინ გაიმეტოს მისთვის წყალობა...),
 გული შეუკრავს მძიმე დარდებად
 და ხმით ტირილს ჰგავს მისი გალობა.

მონადირის სახლიდან

აქა – იქ ჩამკვდარი სახლები,
 დარდები, ფიქრები ახალი...
 ბუხართან გამხდარი ძაღლები,
 სუფრასთან აზრები მაღალი.
 სარკმელთან მიმინო გამხმარი,
 ფიტულად აწვდიან თამადას...
 დღეს ჩემი სიზმარი, ამხდარი,
 მიმქრალხარ დაისის დარადა.
 თვალს გამოუკრთები წამიერ,
 მიხვალ და... კვლავ ვედარ გაბრუნებ
 და მგოსნის ღიმილის მაგიერ
 ოფიცრის ღიმილი მაბრუნებს.
 მკლავს ჩავლილ დღეების ხსენება
 და შენი ლექსები, მწველები,
 შენ კი არც ბინდი, არც თენება,
 არ გამდვრევს, არ შემეშველები
 და ასე... ტრფიალის ნაპირთან,
 ვზი შენგან სამუდამოდ წასული, —
 ელოდე, უთუოდ ზღაპრიდან
 გეწვევა მზისფერი ასული!

შენს მერე

გადავიღალე ქარებით, წვიმით
 და შორს გავექეც დანისლოლ თვალებს,
 ვერ დავემალე მარტოდენ ღიმილს,
 შენს დაღლილ ღიმილს ვერ დავემალე.
 არადა, აბა რა თავში ვიხლი,
 შენი ღიმილის ანთებას გზაში,
 გულს უშენობის ედება ჭირხლი
 და მარად ხედნის დარდს, ფაფარაშლილს.
 არ მსურდი ნახვად, სად არ ვიარე,
 ხან ცაში აველ, ხან ქვესკნელს ვეცი,

ვერრა ვუშველე სულის იარებს,
ვერ ჩავანავლე სურვილის ცეცხლი
და დავიდალე... მიჯნურად ხელად
არ მინდა მთვლიდეს უაზრო ხვალე...
მე გავექცევი ამქვეყნად ყველას,
შენს დადლილ ღიმილს თუ დავემალე.

შემოდგომა

დღეს ფოთოლცვენა ისე დიადობს...
დგას შემოდგომა გრილი და ჩუმი...
ჩამოიხედე სულში, წყვიდადო
და შემოდგომის გადაჰყევ დუმილს.
მე უშენოდაც მგვემენ ქარები
და სიცოცხლისას ვერ ვიკლავ წყურვილს,
დანისლულია ცრემლით თვალები,
დაბზარულია კედლები სულის.
დაჰქრის ველური ლექსების ჯოგი,
ზოგი უმიზნოდ გრიგალებს უხმობს,
თუ ეს სიშლეგე დღეს ღიმილს მოგგვრის,
ხვალ უსათუოდ გატირებს უხმოდ.
დღეს ფოთოლცვენა ისე დიადობს...
დგას შემოდგომა გრილი და ჩუმი...
მე ესეც მომკლავს, წადი, წყვიდადო
და მოწყენისფერს გადაჰყევ დუმილს.

ალიარება

სიზმარ-ცხადებს ერთნაირად შეენი,
ამაშია ერთადერთი ხსნა, —
მე თუ მომკლავს, სიყვარული შენი,
ვერაფერი მომერევა სხვა.
...
სიზმარ-ცხადებს ერთნაირად შეენი...

მე მოვალ

მე მოვალ შენთან, როცა იქნება
ათენგენობის ორომტრიალი,
არ გავწვალდები, ნუ გეფიქრება,
მოვალ „ლურჯაის“ ნალთა წკრიალით.
გზებს გამოფეხები დარდის ამარა,
ღმერთო, ჯვარს მაცვა შენმა მღურვამაც...
გეტყვი, რომ ლამის დამასამარა,
შენმა ტრფობამ და შენზე ურვამა.
შემოვადგები არხოტს ღამეში,
გადმოვჭრი მინდორს ღამისმთევლების,
გიპოვი სადმე ლექსით გალემილს,
მოვალ და თავზე შემოგველები!

ღელა

ხან გარიჟრაჟი, ხან დაისი, ხანაც რა ვიცი,
ხან მზის ლაციცი, ხან ღრუბლებით მოქუფრული ცა,
ხან სავსე მთვარე, დედოფლად რომ აღარ დაიცდის
და საბრძანებელს ქვეშევრდომებს გადაულოცავს.

ხან შორეული ვარსკვლავების შორი ნანინა,
ხან უტკბესი ხმა, ჩამობმული ფანდურზე სიმაღ,
ხან რამ ფრთოსანი, მოფრენილი უცხო მხარიდან,
ხან ადრიანი გაზაფხულის შხაპუნა წვიმა.
ხან რეალობა... ხან ზღაპარი ნათქვამი ძველად,
ხან ფერდაკარგულ გარდასულზე ჩუმი წუხილი,
ხან მზის ლაციცი, ხან გრიგალი, ხან ცისარტყელა,
ხან მარტის სულელ ამინდების ჭექა — ქუხილი.
ხან გარიჟრაჟი, ხან დაისი, ხანაც... რა ვიცი,
ხან ხმა უტკბესი, ჩამობმული ფანდურზე სიმაღ,
ხან სავსე მთვარე, დედოფლად რომ აღარ დაიცდის,
ხან ადრიანი გაზაფხულის შხაპუნა წვიმა.

მთვრალი ქარი

ღულის ჭალაზე ქარმა იები,
მომაბნია და გადიხარხარა...
გაოცებით და ცრიატ ღიმილით
მისჩერებოდა წყარო ანკარა.
მცირე ხანს შედგა ბებერ ფიჭვებთან,
ცნობისმოყვარედ შემავლო თვალი,
ჩამოიარეს უცხო ბიჭებმა,
დაუბრიალა თვალები, მწყვრალი.
ენის ბორძიკით მითხრა: — მიყვარხარ!
საარშიყოდაც მხარს გამკრა მხარი,
თურმე ნუ იტყვიო, უქეიფია,
დაულეგია, დამთვრალა ქარი.

გაქნავა

შენ ალბათ უზიხარ მაგიდას,
და კიდევ ლექსებთან საუბრობ,
ჩემთან წვიმს, მანდ მზეა, რა გინდა,
და მზისფერ მუზების საუფლო.
წვიმს, წვიმამ ჩავლილი მასტუმრა,
მგონია კიდევაც გინატრე,
წვიმს, დარდი იშლება სასთუმლად
და თვალებს გაურბის სინათლე.
ჩემს ფანჯრებს ასკდება გრიგალი,
კართან წვეს ელდა, ვით სახადი...
და უნდა გავიქცე — ის ქალი,
შენ რომ მწედ, იმედად სახავდი.
წვიმს, წვიმამ ჩემთან მზე დალაშქრა,
კვლებიან როგორც მზე, სიტყვებიც
და სადღაც, შორს სადღაც, სადღაც შორს,
ცეცხლისფერ ქიმერებს მივეყვი.

* * *

მიდიან წლები ასე, კენტად
და შორით ცივად მიღიმინ...
ეს შენზე ფიქრი მფარავს, ნეტავ,
თუ... პოეზიის გვირგვინია?!
...
მიდიან წლები ასე, კენტად...

მანანა ლანგაძე

პოეტი

ნუ იტყვით... ნუ იტყვით: „საწყალი პოეტი!“
 რადგან დაძენილი ქუროთუკი აცვია...
 პოეტი ამქვეყნად ყველაზე, ყველაზე,
 ნამდვილად ყველაზე მდიდარი კაცია.
 არა სთქვათ... არა სთქვათ: „ბოროტი პოეტი,
 დამრეცი, წამგლეჯი, მგელივით ტაცია...“
 პოეტი ამქვეყნად ყველაზე, ყველაზე,
 ყველაზე კეთილი და სათნო კაცია!
 რაკი წერს, ნუ ჰკადრებთ: „უნიჭო პოეტი“,
 რითმა თუ გახედნა და დაუმარცვლია,
 პოეტი სულია... უბრალო სულია,
 პოეტი უფლისგან რჩეული კაცია!
 ნუ შესძრავთ, როდესაც მღუმარებს პოეტი,
 რამეთუ კრძალულის მანთია აცვია...
 პოეტი ამქვეყნად ყველაზე ღარიბი
 და სულით ყველაზე მდიდარი კაცია!



ცირა ყურაბვილი

მამას მარჯვენით ქაფჩა უჭირავს

მლაშე წვეთები გარუჯულ მაჯებზე ეღვენთება. მზის სითაკარე მხრებზე ცხელი კეცივით აწევს. ხარაჩოზე დგას. მარჯვენით ქაფჩა უჭირავს, რომლითაც აგურის ნაწყობზე დულაბს შლის და ანაწილებს, მარცხენით კი აგურს – ტუკ, ტუკ, ტუკ, ტუკ – ასე მიდევნებით დულაბის ფაფაში აწყობს. თან ზედ ქაფჩის ტარით ურაკუნებს, ან წერაქვ-ჩაქუჩს ჩაქუჩის პირით მორიგეობით, მოზომილად დაპკრავს—აგური მყარად რომ დააჯდეს დულაბის ბუდე.
 თვალს ვერ მოსწყვეტ, ისე ლამაზი სანახაია— როგორ გრძელდება თეთრი აგურის მწკრივი: მწოლელა, მწოლელა, მწოლელა – ჩხირა, მწოლელა, მწოლელა, მწოლელა-ჩხ-

ირა. ეს ჩხირა პორიზონტალზე, კედლის გრძივი მიმართულებით წაწოლილი აგურების განივი ჩამკეპტია, განივად ჩაჩხერილია და ჩხირაც ამიტომ ჰქვია ალბათ.

პირველი მრავალსართულიანი სახლი შენდება ბაღდათის ცენტრში.

მამა ამბობს, რომ შენობა ხუთსართულიანი იქნება და იქ ბევრმა ოჯახმა ერთად უნდა იცხოვროს და ვფიქრობ მაშინ, ვის გაუგია ამ სიმაღლე სახლი და მასში, თუნდაც ძალიან დიდში ამდენი ხალხის ერთად ცხოვრება?! ვის გაუგია ერთ დიდ ჭერქვეშ ამდენ ოჯახის სიცილ-ჟივილი?!

ეს საკვირველება ისე მიზიდავს, გაკვეთილები დამიმთავრდება თუ არა, სამშენებლო მოედნისკენ გავრბივარ, გაფაციცებით ვუცქერი, როგორ აგებენ ხარაჩოებს, ან ფიცარნაგებს როგორ აწყობენ.

მამა მარტო არ შრომობს, აქ შრომა ნაკადურია, ზოგი ხსნარს ზელს, ზოგი ტვირთავს, ზოგი ციცხვებით, ან აქანდაზებით აწვდის, მამა მეოთხე თანრიგოსანი კალატოზია და ის აშენებს, საძირკვილიდან თანდათანობით ამაღლებს კედელს. სხვებიც არიან მშენებლები, მაგრამ მე მარტო მას ვუყურებ. მზიბლავს, რომ ის აშენებს თეთრი აგურით. აგურს იტაცებს მონატები, მაჯაში ბრუნდვდ შეხორცებული მარცხენა ხელით, მაინც კოხტად მიუჩენს ადგილს, თუ კედლის ბოლომ ნატები აგური დაიჭირვა, ჩაქუჩ-წერაქვით აგურსაც გატეხს, წერაქვით კიდევ კოხტად ჩამოთლის და ზუსტად ჩასვამს.

ლარი სისწორისთვის გაჭიმული აქვს, თარაზო და შვეულიც მეგობრებად ჰყავს. ერთნი პორიზონტალის სისწორეს ადგენენ, მესამე – ვერტიკალის.

შვეყურებ შვეულს, კაპრონის ძაფზე დაკიდებულ კონუსისებურ, ცხვირჩამოწვეტილ ლითონის ცილინდრს და იმედინანად ვარ, მამა აქ არ შეცდება, არ შეეშლება, თან კედელი ორმაგია, მტკიცე იქნება და თან კიდევ დულაბს სხვები აწვდიან.

ჩვენს ეზოში კი, როცა მამა დულაბს მარტო ზელს, სულ

მეშინია სილას ცემენტი არ დააკლოს, სუსტი იქნება კედელი და ჩამოიშლება. მით უფრო, თუ სილაც არ არის ეს სილა და დაშლილი კედლის ნაცარტუტია... ეს შეიძლება პატარა ბავშვის საფიქრალი იყოს?! მაგრამ ასეა...

თვალსაყვირო ამბავი კია და ბავშვებიც ირგვლო შემოვჯარვივართ, როცა მამა შინ აშენებს. სანამ იგი დულაბს მოხელდეს სილისა და ცემენტის ნარევისგან პატარა გორაკს წამომართავს, თოხის პირით გულს ამოუღებს, შიგ წყლიან ლაგვინს ჩაუპირქვაებს. გორაკს ყელზე ცემენტნარევი სილას შემოაფენს, ყელს დაუვიწროებს, გასაფურჩქინი კოკორივით გაალამაზებს, მაგრამ ამ კოკორს უეცრად მოერღვევა ნაპირი და წყალი გველივით გამოსხლტება, გაიკლაკნება.

ოპ, ოპ... – მზადმყოფი გადაუხტება, მიედევნება მამა თოხით და იქვე ახელს.

...
ვდგავარ ქუჩაში სულ პატარა და ავეურებ, როგორ ამალღებს კედელს, თავდაც როგორ დიდდება და მალდება მამა. წავა სულ ზევით, აგურების მწოლელა რიგებს გაჰყვება და ალვებს ქვემოთ ჩამოიტოვებს.

მის სიახლოვეს მერცხლები ჰქრიან, მათი ფრთები შავი მარაობევიით ირხევა. მამის მონატები და ბრუნდელ შეხორცებული ხელი შეჩერდა, აგურს აღარ სვამს, არც მარჯვენა უფენს დულაბის ფაფას. მზერა სამშენებლო მოედნის გადმოდმა, დაბალი სახლისკენ აქვს ჩამოპყრობილი და მერე იმგვარ ბრანზიანი ხმით, გულს რომ გადამიციებდა ხოლმე, სულ სხვა ბავშვებს დაჰყვირის თავზე – „ბავშვებო, მერცხლებს რატომ უნგრევთ ბუდეებს? მიხედეთ თქვენთქვენს დაფანტულ სათამაშოებს, არ დაუნგრით ალალ ფრთოსნებს ნაცოდვილარი!“

აქედან ბევრი წელი გავა და მამის რვეულში ზუსტად ამ დღის ჩანაწერს ვიპოვი. ბუდეაუქმებულ მერცხლებზე წუხს, მათ მიწით ხუროებს უწოდებს, ძველ ბუდეებში რომ თავიანთი ბარტყების ბუმბლი ჩატოვებს, შემდეგ გაფრინდნენ, გაზაფხულზე კი ვერ მოიწამეს ეს ადგილი, ვეღარ მოაგნეს, ანდა დაღლილნი ჩაიკარგნენ ოკენეში...

ვდგავარ, ავცქერი მამას ფართო მოედნიდან, ქუჩის ფერადებიდან... ჩიხებიდან გამობიან ალისფერ ყელსახვევიანი, ყავისფერი შალის თეთრმანუქტიანი და თეთრსაყელიანი კაბებში გამოწყობილი, თეთრწინსაფრიანი გოგონები, კეკლუცად გაივლიან ქალები, სინთეტიკის წელვად, უცნაურად დამოკლებულ და ფერად კაბებში მჭიდროდ, პრუსკუნა ტანით გამოკვალთულნი... დრო გავა და ექნებათ ჩქარი, კაცური ნაბიჯები, მაგრამ ამგვარი დუნე, მოშვებული სიკეკლუცე აღარ ექნებათ.

მიმოვდივარ კანტიკუნტად მიმავალ ავტოთა შორის და მამას ავეურებ, სულ ის მყავს ხედვის არეში, ხან სათამაშოთა გაბჟღვიალებული მაღაზიიდან, სადაც ლალიმ, ჩემმა პატარა კლასელმა და თანაც დაქალმა თეთრი ღრუბლის შავზოლიანი, მინიატურული ვეფხვი მიყიდა; ხან წიგნებისა და სასკოლო ინვენტარის მაღაზიიდან, სადაც დედას ძალით ვაციდინე სასკოლო ჩანთა – მანამ ვიტირე, იმ ადგილს ფეხი მივარჯე და არც მოვიცვალე. ალბათ თანაკლასელების წინაშე მრცხვენოდა მამის ტყავის საქაღალდით წიგნების და რვეულების დიდხანს ტარება, ანდა უბრალოდ, ბავშვურმა სიხარბემ მძლია, როგორც მერე მთელი ცხოვრება; ხან კიდევ ბაზრის მუდამ სველ

და ჭუჭყიან ფილაქანზე მდგარი ავეურებ.

მამა კი თეთრი აგურის მწკრივებს მიუყვება. აღარც ხელები, აღარც ტანი, ზემოდან მხოლოდ თავი უჩანს.

დიდება და სრულდება სახლი, მეც ვდიდება და თანდათან პატარავდება მამა, სანამ თვალს არ მიეფარება...

ამ გოდლების კადნიერი დანიშნულებაც ზომ ესაა – ადამიანმა ღმერთს სახესთან სახე ახლოს მიუტანოს, ეს სახეები ერთმანეთს დაატოლოს, დაამეტოს კიდევ...

გავიდა დრო და უფრო მაღალ სახლშიც ვიცხოვრე. ღრუბლებიდანაც გადმოვიხედე, ცათამბჯენებიც ვათვალიერე, მაგრამ იმხელა სახლი, მამა რომ აშენებდა, ოფლი წურწურით ჩამოსდიოდა და ბოლო აგურს აწებებდა თავისფერი დულაბის ფაფას, მერე აღარსად აღარ მიგრძენია...

დროდადრო ერთი სიზმარი მსტუმრობს: ისევ ბავშვი ვარ, ავდივარ მამის მიერ აშენებულ იმ მაღალი სახლის საფეხურებზე, ბოლო სართულის ერთერთ კართან ზარს ვრეკ, ტილოზე ფეხს რამდენიმე გასმით ვიწმენდ და სულმოუთქმელად ველოდები კარის გაღებას, თან სიზმარშივე ვგრძნობ, რომ ზღურბლს იქით რაღაც უთქმელი უნდა დაიწყოს...

ბოთლით წყალი, სალესი ქვა, სავარჯხელი...

გაცეცხლებული მამა ჩამორბის ფერდობზე, გზადაგზა შიშველი ხელით დაურიდებლად წაწყვეტილ და მერე ერთ კონად მომუჭუნულ ჭინჭრის თაიგულს მოაქანებს ჩვენი კანჭების დასასუსხად, ჩვენ კი პატარა ბრიყვები ფეთხებით ველით, როდის მოინაცვლებს ცხენი ადგილს, რომ დელესთან მის მიერ დაკავებულ ვიწრო ბილიკზე გასვლა შეუძლოთ და წყაროს წყლით სავსე ბოთლები მშობლებს აუუტანოთ.

იმ დღეს მშობლებმა ყანა დიდხანს მარგლეს, მარგლისას მოსწყურდათ და წყაროზე გაგვგზავნეს. წყარო გაღმა, დელის ზემოთ, დიდი ლედვის ხის ძირას ამოჩქეფს. დელესთან ცხენია გრძელი ბაწრით ჩაბმული. გზის იქით ძოვს და ჩვენც შეუფერხებლად შუშის ბოთლებს წყაროს წყლით ვავსებთ, სწრაფად ვეშურებით უკან, რომ მშობლებს დროულად აუუტანოთ, მაგრამ ცხენი ახლა პირდაპირ ბილიკზეა გაბოხირებული, გასწვრივ ბალახს წიწნის და ფეხს არ იცვლის. გვერდის ავლა შეუძლებელია, თან გვერდით შამბია, ჭინჭარი, რას გავადწევთ, შიგ ყელამდე დავიმალებით. ხომ დიდია ცხენი, ჩვენ ბევრად მეტი, უზარმაზარი გვეჩვენება, მისი თვალები გველემპაპის თვალებით კვესავენ.

უღონოდ ვდგავართ და წინ ნაბიჯს ვერ ვდგამთ.
– ჰეი, რას ელოდებით?! – გვიყვირის მამა ყანიდან, თაკარა მზეში მომუშავეს, ხორხი უშრება ალბათ წყურვილით...
– მორჩით თამაშს, ამოდით ჩქარა! – გვიყვირის დედაც, რომელიც მამის გვერდით თოხს არ აცდენს და ხმაშიც უჩვეულო მოუთმენლობა ემჩნევა...

ვერც მშობლებს ვაწვდენდით ხმას და არც ცხენს ესმის ჩვენი ფეთხება, ეტყობა სულ ტყუილია, თითქოს მის თვალში პატარა ადამიანებიც დიდებოდ ჩანდნენ, არხენად ძოვს დელის ძირას, ზედ ბილიკთან და ფეხის აჩქარებას არც აპირებს.

რამდენ ხანს ვდგავართ ასე?!

სანამ ბავშვს შეუძლია ელოდოს ბილიკზე უხიფათოდ გავლას, სანამ შეიძლება უფროსმაც ითმინოს წყურვილი...

და ამის მერეა, გაცეცხლებული მამა რომ ჭინჭრის კონით ჩამორბის ზემოდან. დღეში ცხენი ფეთდება და ადგილს ინაცვლებს, ჩვენც ვფეთდებით, ბოთლები ხელიდან გვიცვივა და მაყვლის ბარდებში მიგორავს...

...

იმ დღით, ყანის მარგვლამდე შინიდან წასულებმა რაც ძაღლების დავდავსა და ორღობეში დორების ჩლიქით გათქვეფილ ფაფას გავაღწიეთ, რომელიც ვარდისფერ საფენიან და შავად მოკრიალე ფეხსატუცაებს ზემოდან გადაგვდიოდა, სულ სხვა, გაშლილ სივრცეში, გიგანტური ფიალის ფსკერზე ვიარეთ.

– ეს ზღვის ფსკერია, – ამბობდა მამა, – ადრე ამ ადგილას ზღვა იყო... ნახეთ, რაგვარი ნიადაგია, ჰომუსის ქვეშ ნაცრისფერი ლიპები...

ხელის ერთი შეხება, გადასმა და ჩამოფატრულ კლდე-თა დამრეცი ზედაპირიდან ნაცრისფერი ნაშალი ხვინჭკაცვია... ნიჟარებიც იყრება, ოღონდ ისინი იმ ბალახთა ღეროებიდან, რომლებიც ერთი მტკაველი სისქის ჰომუსზე აღმოცენებულა. რა დრო, რამდენი ათასი წელი დასჭირდა ამ ნაცრისფერი ქანების ზემოთ მიწის პატარა ფენის ჩამოყალიბებას, ზღვის გაუდაბნობელი კლდეების მზის ყვაილებით და ბალახ-ბულახით თავის შემკობას. ჩვენი თმების დასამშვენებელ სამყურა ბალახთა ვარდისფერ ბურთულა ყვაილებად გადაბიბინებას.

ადრე, ხომ შავი და კასპიის ზღვა გაყოფილი არ იყო, ღმერთმა გახსნა თავისი მწყალობელი პეშვი, წყალი დასავლეთით და აღმოსავლეთით გადაღვარა, გამოათავისუფლა კიდევ იმხელა არე, სადაც ერთი დიდი ზღვა თავისუფლად დაეტეოდა, მაგრამ მან წყალი კიარა, ხმელი ისურვა, ეს მიწა ჩვენ დაგვითმო...

ყვაილთა უთვალავ თაობებად მზისქვეშ აქ უნდა გვეშრიალა, რომ განძარცვული ფოთოლ – ძვალი ამ მიწაში მტკეროვით ჩაკვეცრა და სამომავლო აღდგომები ერთმანეთისთვის გვეხარებინა...

გაღმა მთები ჩანს. მის ქვემოთ ოთხკუთხა, მწყობრად მოხაზული ნაკვეთებია სიმინდის ყანებად მწვანედ აღადანებული.

გაღმა სხვისი ყანები, გამოღმა ჩვენი, რომელიც ალბათ ზუსტად ისეთივე დაკუთხვილი, მწვანედ აღადანებული ჩანს გამოღმიდან, როგორც მათი – გაღმით, იმ განსხვავებით, რომ ჩვენს ყანებს თავზე მთები არ ედგმის.

მოვა მზიანი, ცხელი, ზაფხულის თვეებისგან განურჩევი ოქტომბერი, დიდი თუ პატარა ნამგლით შევესევით და ავჩალავთ ამ ყანას. ჩაღის ქაღებს იღლიებთან მიკრულ ზრდასრულ ბაღებს ავართმევთ, გაფურჩქნით და სამოსს გაუხდით, ყანის აქა-იქ მონიშნულ ადგილას მოვისვრით, ადგილ-ადგილ თეთრი ბაღლების გორებად წამომართავთ და მზისგულზე აელვდებიან, მხიარულად გაიცინ-გაიკრიჭებიან ეს სიმინდის ბაღლები, ზოგი წვრილი კიჭებით და ზოგიერთნი მარმარილოსფრად ჩარიწკინებულ ფართო კბილებით. ამ ჩაღის ქაღებს კი მზისგულზე დააწვენთ და ტირიფის წნელებით შეეკონავთ, მერე, წვიმამ რომ არ დაალტოს, კონებს აღემართავთ, ქოჩოჩით ზემოთ, მჭიდროდ მიგაკრავთ ერთერთს, ამ სიმჭიდროვეში ჩვენც ვეტნვიით,

ჩვენც ვეკვრით და ვწებებით ჩაღის კონებს, ნორჩ კანს გვისერავს, გვიშაშრავს მზით გაფიცხებული ჩაღა, მაგრამ ვინ დაეძებს, ოღონდ კონას კონა მივუმატოთ, კონებს ფეხი ძლიერად გავადგმევინოთ, ნამგლით ცერად ანასერი მუხლი მიწას მყარად დავაბჯინოთ, წვიმას ძლიერი ზვინის დადგმა დავასწროთ, ქარმა რომ ვერ გაფანტოს და ქარიშხალმაც ვერ წააქციოს...

სალესი ქვა აგდია საღდაც, და ის ნატეხი ახლა აღარავის ახსოვს, ვალმოხდილი, შრომის იარაღთა პირმოძპირავი, ჩვეულებრივ ქვას ჰგავს და ეს კლდის ნატეხი იკარგება, სულ იოლად აირევა, გაიცვლება უბრალო ქვაში... ან ამ კლდის თავზე ნაცრისფერი ქანების ზემოთ მინდვრის სიმწვანე გადაუვლის.

...

– დეეე, დელუა... არც დედი, არც დედიკო... – დელუა... ეს „დელუა“ და მერე შედერებულზე, სიცილ-ტკრციალით: „უიმე, დედაია!“

ვარდისფერ ყვაილთა გვირგვინი უკვე აღარაფერს ნიშნავს, თმაში ჩასამაგრებელ სავარცხელზე ოცნებას აიკვირატებს გული, ამ მორკალული სავარცხლით შუბლიდან ტაღლა თმას წაიღებ და თხემის შუაში ჩაიმაგრებ, ტაღლად მოწოლილ თმებს შეაკავებ...

ასეთი სავარცხელი ლითონისაც იყიდება – ვერცხლისფერი, მაგრამ მასზე ვინ იოცნებებს, შავი პლასტმასისგან დამზადებულიც კი დიდ ბედნიერებად ჩანს.

დელა ბებიას მიმადენის, პენსიას ის ელის... ბებიაც პენსიას აიღებს – 18 მანეთს და 80 კაპიკის ზურდას მუჭში ჩამიყრის, რომ უნივერსიტეტის ზედა სართულზე, სადაც გაღანტერეაა, მოკრიალებული პარკეტი, დიდი სივრცე და პაწია კომპიუტერით ჩამწკრივებული სუნამოები ერთი დიდებული სუნთქვით სუნთქვენ, იქვე, პატარა სექციაში შავი პლასტმასის მორკალული სავარცხელი ვიყიდო.

სულ რამდენჯერმე დაუიმაგრებ თმაზე ამ სარჭს და ბოლოჯერზე მეტს ვედარ შეძლებს მისი სიმყიფე. გატყდება სავარცხელი ორად.

ცოცხალი თავით არ მინდა მისი დათმობა, იქნებ შეწებდეს...

დავადვენთებ სანთელს, არ შეწებდება, ასანთის ცეცხლზე მოვუღლობ განატეხ პირებს – დავატყუებ, მაინც არ შეწებდება, მხოლოდ გაიბღღალება...

წყალი გადაღვრილია, სალესი ქვა გადაგდებული... გადავადებ სავარცხელსაც...

გავა დრო და იმ ადგილას, სადაც სიმინდის ყანა ქარში მწვანე ზღვად დელავდა, ნამგალთა სალესი ქვით მოპირული ფხები მცხუნვარე მზეში ელვარებდა, მშობლებს ჩაღის აქუბაში ვეხმარებოდით, ტირიფის წკნელებს გარსვავლებდით მოკონილ ჩაღებს, მარმარილოსფერ ტაროების გვედგა გორები, გაჩნდება ტყე – აკაციის...

– გაჩჩნით დელა ეს ტყე, აკაცია მარგილებად გამოვიყენოთ, მორღვეული ღობეები შემოვზღუდოთ, სახლვარი გავამაგროთ, თუ სიმინდის ყანა არ გვინდა, ხორბალი დავიბრუნოთ, ჩვენი პური მოვიწიოთ, უკეთესს რას ვინატრებთ... სასჯელია უშუშვერად მოცდენილი მიწა, ველურ კოლტოვით გადმომამთბარებს ღმერთი უცხო ტომებს და ამ ჩვენს მიწებს დაუსაკუთრებს...

– ვის აქვს ამის ძალა, შეილო, გამოიფიჭა ადამიანი... შრომა აღარავის უნდა, მის სიმძიმეს ყველა გაურბის...

ყველას გასაქცევად უჭირავს თვალი...

...
დამბადებელი, ამ ნოყიერ ნიადაგზე ჩვენო დამრგველო, შეგვინდე ეს მცონარობა და ნუ აღმოგვფხვრი, ამოგვიძრკავ ამ წალკოტიდან.

და როს ღრუბლიდან გარდამოხვალ შენი დიდებით, ანგელოზთა საყვირები ცელიან ჩონჩხებს კაცთა მკისკენ უფრო ძლიერ გააქეზებენ, სტიქიათა ხანძრები კი მთვრა-

ლი კაცივით იბორებენ და ენებს ჩვენი ქალური, განმკითხველი ენებივით მიმოდასდებენ,

ამ მიწიდან გამოგვიხმე, ჩვენი ფერფლი წამოკრიფე, ხელმეორედ გამოგვიძრე სველი თიხისგან, ხელმეორედ ჩაგვითქვი სული და კვლავ მიწაზე დაგვადგინე, ამ აყვავებულ ხეების ქვეშ, სად გამთენიის ჩიტები გიგალობენ გიჟურად და გადარეულად...



სალომეა ლომინაძე

გამარჯობა, მე ვარ სალომეა ლომინაძე. ... დავიბადე 1993 წლის 12 ოქტომბერს ქალაქ ოზურგეთში. ვარ საბანკო საფინანსო, საბუღალტრო, საბირჟო და საფონდო საქმის სპეციალისტი. მყავს ორი შვილი, თეკლა და დანი. ორი წელია რაც პოეზიის გზას შევეყვები, პოეტის გზა არაა იაფად ფენილი და არც ის ვიცი, სად მიმიყვანს, მაგრამ არ ძალმიძს გადავუხვიო. ჩემს შემოქმედებას, აღმანახ „ხორნაბუჯის“ ხელშეწყობით, ღღეს პირველად წარუდგენ მკითხველს.

შენ, მამაჩემო!

შენ, მამაჩემო ჩემზე რა იცი?
არც არაფერი – ობოლი მქვია.
და არ იღარდო... თბილად ჩაიცვი,
„გამიცვილები“ ადრე თუ გვიან...
მა, შევიყვარე უშაქრო ყავა,
გაძლებას ვსწავლობ თითქოს მე ასე,
პირველად კაცმა რომ დამიყვავა,
გაბრაზდი, ღღეს კი უკვე მეასე
კაცი მამშვიდებს...ჰო, მიაღერეს.
გული მიმდის და ვერსად წამივა,

ვწერ „მორზეულად“ უაზრო ლექსებს,
ხან საუკუნე, ხანაც წამი ვარ...
აქ ყველა ჭორი შენს შეილზე დადის,
აქ ყველა ქალი მე მწვევლის, მამა,
რომ გვაძლიერებს, ერთიც იმ დარდის,
შენ რა გითხარი, დალაი ლამა...
როცა ქალაქში შხაპუნებს წვიმა,
შავი ფარდებით ვაბნელებ ოთახს...
ვინიშნავ ყველა „უზომო“ წერილმანს,
რომ მერე ასე, ლექსებად მოვთქვა...
ხან ცისარტყელას ვხატავ, ორზოლას,
ის ხუთი ფერი ზღაში წვეთია.
არ შემიძლია იმის მოზომვა,
რაც საარსებოდ გადამწვევტია!!!
ჩემს თავს გაუხდი მემატიანედ
რაც კი დაუწერე, ნელ-ნელა ხდება.
ზოგჯერ სასმელი გამატიალებს
და შენი გოგოც ხიდიდან ხტება...
მინდა შემოგვკრა, ავაფაფხურო
ფრთები ჩემს მხრებზე, ჯერ დაუცდელი.
მამა, სუდარა არ დამახურონ,
არ მინდა რომ თქვან, ვერ გავუძელი!...
მაგრამ როდესაც შიშით ღმერთებზე,
საუბრობენ და ჯვარცმას უცდიან,
ძნელია, იყო მათთან მეთევზე,
ბადეში ყოფნა რომ განუცდია...
ჩემს ღმერთს არ უყვარს შუამავლები,
არაზინ იცის, რომ მე მაგი ვარ.
აყვილებიან, ვიდრე მამლები,
საფლავებს შორის კვერთხით დაგდივარ!!!
მამა, შენს შეილზე, რა იცი შენ და
რა იცის ღეღამ? რატომ ან როდის?
ჩემში საყდარი ისე აშენდა,
რომ სალოცავად არაზინ მოდის...
ასეა, როცა მოყვარედ გზრდიან,
„მტარადგამოზრდილებს“ ვერ ეგუები!?

არაფერი არ მაშინებს საკუთარი ჩრდილის გარდა!

არაფერი არ მაშინებს საკუთარი თავის გარდა,
ვერც ის გოგო მომერევა წარსულში რომ ასე მგაფდა...
ხშირად მოდის გვირილებით, თავზე აზის ბაბთა ჭრელი,
როგორ მინდა გადაუხსვა სულელ ყელზე დანა მჭრელი...

პო, მინდა რომ ზუსტად „იგი“ ... ოღონდ მკვლარი ჰყუდეს აწმყოს, მაშინ ვეღარ მოვიდოდა, რომ დამცინოს, როცა აწყობს... მოიღერებს ყელს და, ზოგჯერ, გამიშტერებს ისე თვალებს, მერე ვფიქრობ, თუ არ ვესვრი, ისე ეს არ დაამთარებს... არ მორჩება ჩემს დაცინვას, სიცილ-ხარხარს, ვტირი როცა, ყველა სიტყვა როგორ ახსოვს, ყველა რჩევა, ვინ რა მომცა... როგორ ახსოვს ყველა, ვინც კი ამ გზის მითხრა მისამართი, ყველაფერი გამახსენა, ვის ვაჩუქე, ვის წაერთვი – ასე როგორ დაგიცლია – შემეკითხა – ღვთისგან სახლი?! მერე ისევ ახარხარდა – ჯვრისწერაზე მეც ხომ გახლდი! ასე როგორ გაგირყენია ყველა ნერვი, ყველა ძარღვი?! ახლა ისე დაცლილი ხარ, ვენებს იჭრი და სისხლს არ ღვრი. როდის იყო სიყვარულს და ერთგულებას ვინმეს სთხოვდი?! ასე როგორ დაემევი და ასე როგორ გამათხოვრდი?! სად წაიღე შენი რწმენა, იქნებ სადმე დაგრჩა კიდევ, ლილიტს ისე დაემსგავსე, ხელს არაფერ არ ჩაგკიდებს. ალბათ ახლა, რომ შეგეძლოს, ცხრას გათხრიდი ერთად საფლავს, სულელებს ისე შეთქვლიყვდი, როგორც ძალი თქვლიყვს სალაფებს. ნუ მიყურებ ისე, თითქოს შუა გზაზე მიგატოვო, ეს შენ თვითონ აირჩიე – ამდენ ხალხში სიმარტოვე... მოდის ასე, წარსულიდან, ჭრელი კაბით თხელი გოგო, და დაცინვით მეკითხება – მოახერხე, მაგრამ როგორ?! და ვპასუხობ – პო იცინე, იხარხარე, მოდი ხშირად, უფრო მეტი გამახსენე, აღარ მიღირს „არცა ჩირად“. არაფერი არ მაშინებს, საკუთარი ჩრდილის გარდა, ერთად გუთხრი ცხრა საფლავს და ყვეგილოთ ყველას დაურგვ, ვინც მიყიდა, ვინც გამყიდა, ვინც ითვლიდა ვერცხლებს მერე, მეც მმარხავდა ცოცხლად, აბა, ეს ლექსები როგორ ვწერე?!

დორიან

წავიდეთ აქედან მე და შენ,
დორიან!
აქ ჩემთვის ცხოვრება ზედმეტად მდორეა..
წამოდი,
მთებს იქით ვიპოვოთ ფლამინგო,
მისმინე, დორიან, გთხოვ, უნდა გამიგო...
ეს უშნო ქალაქი არაა საჩემო,
წამოდი,
ის შავი ფლამინგო გაჩვენო...
ვიცი, რომ ფლამინგო სიღინჯეს მასწავლის,
რომ რისხვა არასდროს ვაჩვენო – არავის...
წამოდი,
წამოდი,
წამოდი დორიან!
ნუ უსმენ ნურავის, ეს მხოლოდ ჭორია...
რომ მე ვარ პოეტი, მაიმახს მადრიან!
არ მძინავს ღამე და ვწერ დილაადრიან..
მაიმახს რად უნდა ლექსები, დორიან?
ჩაბარუხს მიყვება ნაფოტებ-მორიან....
რითმები, რომლებზეც როკავენ ბოშები...
ბაბაჯანს რად უნდა, დორიან, ქოშები?
მე მართლა არ ვიცი, შენ მითხრა ეგება,
რად მინდა ლექსი და სტროფებით ვედრება?
რად მინდა რითმების გრძნობათა საუთი,
თუ ისე ამტკივდა, თავი ვერ გავართვი?

რად მინდა ქუჩაში გამოსულს ფარაჯა?
შენ თუ არ მეყოლე, დორიან, დარაჯად?!
ოღონდაც აქედან წამოდი, დორიან,
სასახლე ავგოთ, სადმე მთა-გორიან
ადგილას, ოღონდაც ვნებების სასახლე,
წამოდი, დორიან და მთაში დავსახლდეთ...
გავხარდოთ გრძელფეხა და შავი ფლამინგო
წამოდი, დორიან,
გთხოვ,
უნდა გამიგო!!!
არ მინდა ლექსებით გრძნობათა თამაში,
არ მინდა, დაუთულო იმ სიძვის ყანაში,
სადაც არ იციან, პოეტი ვინ არის;
სადაც არ ეძებენ სათავეს მდინარის...
სადაც არ იციან, ლექსად რომ ირთვები,
რას გრძნობენ ჯერ კიდევ უთქმელი რითმები...
გავრბივარ აქედან, თუმცა არ მღვენთან,
არ მცნობენ პოეტად და ვძულვარ მტვენიან,
მაჯიან, კალმიან, რითმიან, მეღნიან...
და ვჩქარობ, მერე რა! –
თუ კი არ მეღნიან...
წამოდი, აქედან წავიდეთ, დორიან,
აქ რასაც გეტყვიან, ნუ უსმენ, ჭორია...
მე გულით ვამბობ და არ მისმენს არავინ...
აქ უფრო იციან თაბატ შარანი...
არ მცნობენ და მაინც,
და მაინც მღვენთან,
არ მცნობენ და ვძულვარ კალმიან, მტვენიან
მაჯიან, მკლავიან, მკერდიან, თმებიან...
არ მცნობენ და მაინც მოდიან,
თბებიან...
და უნდა დავტოვო ქალაქი, დორიან,
უკვე ეს ჭორებიც ზედმეტად მდორეა...
წამოდი ძვირფასო, ლამაზო დორიან....
წამოდი
...
დორიან...

ჩემზე იტყვიან...

ჩემზე იტყვიან, გადახტაო ღელამიწიდან,
სხვები იტყვიან ამას, თორემ ღელამ იცის და...
მას ჰკითხე, როგორ გამოვადე ზეცის სარკმელი,
რომ არაფერი არ წავიდე ღმერთთან სათქმელი...
თავს დავიმუნჯებ, გენიოსებს როგორც სჩვევიათ,
ჩემი ლექსები, ისედაც ხომ განაჩენია...
მაგრამ ვაი,
რომ აპრილია, დასკდნენ კვირტები...
მაგრამ ვაი,
რომ წავალ-მეთქი ვეღარ გპირდები...
ისევ თამამად დაგუწერდი ატეხილ კერტებს,
აღვზნებულაო ხეებზეო, ვეტყოლი ღმერთებს...
ჩემსავით, აბა ვინ შეუთხზავს ჭვავის თავთავეს,
მზეკაბანის დროს ჭვავის ყანა როგორ თამთამებს...
რომ ინავლება, ინანება ქალი ყანაში,
ვის შეუძლია დღეს ჩემსავით რითმით თამაში?
ვინ შეადაროს ჩაბარუხი საყვარლის ტორებს,

ჩემი ლექსია, წყაროსთნ რომ პირგამშარალს გტოვებს...
 არ ეშინია ჩემს სტროფებში არაუის წარღვნის,
 მუზა ისეთი ოხერია ამასაც წარყენის...
 როცა ქარია, ზეცას წვდება და ღრუბლებს არწვეს.
 ისე ვწერ, თითქოს ქარს უნდა, რომ ღრუბელთან დაწვეს.
 ახლა, ძვირფასო, აპრილია, დამსკდარ აღუქას
 ღილებს ვხსნი ისე მოწინებით, კერტი არ უჩანს...
 ახლა, ძვირფასო, რძის კაბაა ხეთა საფარდე,
 შევევები წერას გაზაფხულზე, მაგრამ სადამდე...
 უკვე ის დროა, თქვან, გადახტა დედამიწიდან,
 შენ სხვას არ ჰკითხო, სხვამ არ იცის, დედამ იცის და
 მას შეეკითხე... სამიძმარზე სიტყვა არ დაძრა!
 დედამ იცის მე, რად მინდოდა შენში ატამერა...
 ახლა, ძვირფასო, პაემანი შაითანთან მაქვს,
 კანი ავიძერე, ხორციანად და თან არ დამაქვს...
 მანდ დაგიტოვე, ის ღალატი, დედამიწაზე...
 ზეცის სარკმლიდან გადავეშვი...
 ვეღარ გიწამე...

**და მაინც ვწერდი, როგორ ვიქცე
 ადამიანად!**

დაცლილ მკლავებზე შუა ღამემ გადამიარა,
 ისედაც ვიწრო და გამხდარი თითები ვიღრძე...
 დიღამდე ვწერდი, როგორ ვიქცე ადამიანად,
 როცა ამ ლექსის ტოლიც არ ვარ,
 არც მისი სიგრძე...
 სხვების ქუჩაზე – სხვებთან ერთად როგორ ვიარო?!
 ჯოჯოხეთია აქ ცხოვრება – სხვების ქალაქში...
 ყური მოუკრავთ, რომ არასდროს სჯობსო გვიანო
 და მერე მორალს მიკითხავენ,
 გვიან გადამლილ
 წიგნებიდან ტაძრის ეზოში,
 ერთი გვეყვს მღვდელი.
 ჩვენ აქ ბაზარიც საერთო გვაქვს, მისი ვაჭრიან.
 ამ ორს შორიდან ვაკვირდები, ეზომავ და ველი.
 ჩემს ასჯერ ნაზომს „წმინდანები“ როგორ ვაჭრიან...
 ამასობაში დღე ილღვა, დღესთან რა მინდა?!
 რა იცის მზემ სხვა – რომ ამოვა უნდა ჩავიდეს...
 როცა საერთოდ არ გავსულვარ დედის სახლიდან
 – ახალი ჭორი წიგნში ზუსტად იმ დღეს „ჩამიღეს“.
 განა რა არის გასაკვირი, გასაოცარი,
 ჯვარზე თუ აცვა უკვდავება ქვეყნად მოკვდავმა.
 მე არ მაქვს ჯვარი, არც ხატი და არც სალოცავი
 და მაინც ვფიქრობ,
 ქვეყნად ღმერთმა რომ გამომგზავნა...
 უბრალოდ ის ვერ გამიგია, რა უნდა ვწერო.
 როცა უკვე თქვეს „რამ შემქმნაო ადამიანად“
 ვიტყუებ თავს, რომ მომიყვანა ამ ქვეყნად წერომ,
 მაგრამ მამა ვარ,
 ხასიათი,
 სახე,
 – მთლიანად...
 აქ რა მინდოდა?! ვეკითხები მერე მამაჩემს.
 მიწიერება სხვების გვერდით, უსამართლოა...
 მამა წუხილით იმეორებს – შვილის განაჩენს.
 „ეჭ ჩემი შვილი ამდენ ხალხში მართლა მარტოა“...

მე კი ვწერ,
 ვწერ, რომ შეიცვლება ადამიანი...
 მერე ვიქნები მათი მსგავსი მოდგმიდან ევას,
 სულ ნუ გამიცნობთ, არ გაუხდები, არა, რქიანი...!
 რაში სჭირდება სხვის ქუჩაზე ძველი ჩემს მტევანს?!...
 უკვდავებისკენ სიცოცხლეში დგამენ ნაბიჯებს,
 მე თვითონ დავდგამ ჩემს საფლავეზე პოეტის ელას,
 ოღონდ არ უთხრა მამაჩემო, არა, ძმა-ბიჭებს,
 რომ მოგიკვდი და მითუმეტეს ნუ ეტყვი დედას,
 რომ მე ვცდილობდი სხვების მსგავსად, სხვების ქალაქში,
 სხვების ქუჩაზე ავყოლოდი სხვების ამინდებს...
 მე არ ვიქნები, ჩემს კაბადონს როცა გადამლი
 და წერტილ-მძიმე გიკარნახებს როგორ ამიგდეს...
 პო, სწორედ მაშინ, რომ ვიხილდი ღამეს სათუვად,
 პო, სწორედ მაშინ, საღამოსფერს რომ ვერ ვიტანდი!
 როცა იმ სხვებმა დამიმგვანეს სადღაც ნახევრად,
 როცა მეგონა სულს დიღამდე რომ მივიტანდი –
 ჩემი სამეღნე სწორედ მაშინ გადავირავდა...
 სხვების ქალაქში, მაგრამ მოგკვდი საკუთარ თავში,
 ზამთარი იყო, დეკემბერი, თოვლა, ყინავდა
 და როგორც „მტკვრში წაქცეული ნუკრთვალა ბაუში“
 მეც ზუსტად ისე წავიქეცი, თითები ვიღრძე...
 დაცლილ მკლავებზე შუა ღამემ გადამიარა!
 პო, ვერ ვიყავი ლექსის ტოლი, ვერც მისი სიგრძე,
 და, მაინც ვწერდი. – როგორ ვიქცე ადამიანად...

**მე ტკივილების სასაფლაოს მკვიდრი
 ვიყავი!**

მერე რაა, თუ
 ვერ
 მივატან გაზაფხულამდე?!
 იების სურნელს
 არც წინა წელს დაუხარბებდვარ,
 მერე რაა, თუ
 საუკუნეს უნდა ვხურავდე?
 დღეს მიწას ისე ვემძიმები,
 მკვლარიც ბევრი ვარ!!!
 გადაგიწონით
 ყველა ცოდვას, ყველა განაჩენს,
 ყველაზე მეტი მაშინ ვხდები,
 როცა მარტო ვარ...
 ზუსტად ამიტომ
 არ იტყვიან – ნეტა გადარჩეს,
 და ეამებათ თებერვალი როცა დამტორავს...
 გადასაწვენად გადმომიშლის
 სუსხიან მკლავებს,
 ამაფრიალებს ფანტელივით,
 ისე მჩატე ვარ.
 ნეტა თუ იცის რა ძნელია როცა მავლებს,
 გაუსადლისი ტკივილების ლექსში ჩატევას?!
 მე ჩემი წილი ქვეყანაზე ზეცაც არ მცმია
 თქვენ,
 მიწიერნო დედამიწა არ გამიყავით,
 ასეთი იყო ჩემი ხორცის სუბლიმაცია,
 მე თავიდანვე სასაფლაოს მკვიდრი ვიყავი...
 წუხელ მესიზმრა,

გაზაფხულის გვერდით ვწვებოდი,
 გადავრჩენილვარ,
 წყლად ჩავმდგარვარ ხეში თებერვლის,
 წუხელ მესიზმრა,
 კვლავ სიყვარულს ვიხვეწებოდი
 და მეშინოდა
 ამ სიზმრისთვის სულის შებერვის...
 მერე რა მოხდა,
 თუ სიზმარმაც ასე დამცინა,
 მე ყველაფერზე ასე ვამბობ
 – მერე რა მოხდა?!
 ახლა მთლიანად გავიყინე,
 მაგრამ არ მცოცავ...
 არაფერია,
 მე უბრალოდ სული ამომხდა...

მე შენი წოლი გადამეხვია

დღეს შენი ცოლი შემხვდა შემთხვევით,
 ის ჩვენს ქუჩაზე შემომეფეთა.
 შემრცხვა, რომ მიცნო ერთი შეხედვით.
 შენი ნაყიდი ჯვარიც მეკეთა...
 გამიღიმა და მითხრა მახარებ,
 მიწა გამისკდა, არც ჩამიტანა,
 დავიბენი და თავი დაგხარე,
 სად დამემალა შენი გიტარა...
 მითხრა, რომ მიცნო, გადამეხვია
 მითხრა „ძვირფასო ყველას უყვარხარ“
 აი, ცხოვრება – როცა „ნეხვია“
 აი, ცხოვრება – როცა უკან ხარ....
 გადამეხვია და უცებ შეცბა.
 მემგონი იგი სუნმა დაგემა,
 შენი პერანგი შიგნიდან მეცვა,
 რომ ამ მაგიით ცოლი გაგეშვია...
 გადამეხვია და მოგკვლი იქვე,
 შემეშინდა, რომ ფერი არ ცვლოდა,
 შენ გამახსენდი, ისევე პირქვე,
 ნატრობდი ცოლი რომ გარდაგცვლოდა...
 აი, ცხოვრება – როცა „ნეხვია“
 დღეს შენი ცოლი გადამეხვია...
 არადა მშურდა მე მისი დილა,
 მისი საღამო მეზინებოდა...
 სხვა უღმერთობა თუ გაგონილა
 შენ სხვისი ცოლი გესიზმრებოდა...
 და ამის მერე კი არ დავდივარ.
 თითქოს რაღაცა ძალა დამათრევს,
 თურმე როგორი ქალის დარდი ვარ!
 ეს ქალი დამეს აღარ გაათუვს!...
 გაბრდები, როცა დამიჭერ სახეს,
 როცა მეტყვი რომ სამყაროს ვგაყარ.
 მე მოგიყვები, რომ ცოლი ვნახე,
 შენი ცოლი და უსიტყვოდ წავალ...
 აი, ცხოვრება როცა „ნეხვია“
 მე შენი ცოლი გადამეხვია!

ქმარს ვიღაც სხვა შეუყვარდა ...

საძინებელს გადავხადე სულ ბოლომდე ღამის ფარდა,
 მე ჩვილს დავფოფინებდი და ქმარს ვიღაც სხვა შეუყვარდა...
 ნაკეისრალს ვიშუშებდი, თმები ყალყზე მედგა მაშინ,
 მთელი ღამე დავდიოდით ოთახ-ოთახ ორი ბავშვი...
 სანამ მკერდი ეშვებოდა ფერდობიდან დაბლა, დაბლა,
 სანამ თვალეებს ეტყობოდა სიბრაზე და მხოლოდ დაღლა,
 სანამ თქმის ნახეთქები გამიიასამნისფერდა,
 სანამ ჩემი დედამთილი, მხოლოდ თავის სარეცხს ფენდა,
 სანამ ნივთის ნაჭუჭები, მკერდზე რძით და სისხლით ვსვარე,
 სანამ ცრემლად არ დამღვრიდა ნერვიულად საფე მთავრე...
 სანამ ხმა არ შემეცვალა, შემეცვალა როგორც სახე,
 მანამდე არ მომახარეს – „გუშინ შენი ქმარი ვნახე“...
 მანამ აღრე ინათებდა, არ ეძინა ჩემს თოთოშას,
 ქმარმა აღარ მიყვარხარო, მეგონა რომ წამოროშა...
 მეგონა რომ წამოროშა – „მე სხვა ქალზე ვაბოდებდი...
 შენ ის ქალი აღარა ხარ...
 სხვა ფერი ხარ, სხვა პორტრეტი“...
 საძინებელს გადავხადე სულ ბოლომდე ღამის ფარდა,
 მე ჩვილს დავფოფინებდი და ქმარს ვიღაც სხვა შეუყვარდა...
 დამავიწყდა ყველა სიტყვა, ვერ ვივარე აქ პოეტად,
 ვაჭარივით მოვიქეცი, რომ მიფუგდე ქმარს მონეტა,
 როდი იყო მხოლოდ ვერცხლის, ჯამაგირი – სულ ყველაფრის...
 თოთოშაზე უფრო მეტი დავუბრუნე მსუყველაფის ...
 და ისევე მოვაფარე საძინებლის ღამის ფარდა,
 ქმარს, ვიღაც სხვა –
 მე კი ჩემი –
 ჩემი ქმარი შემეყვარდა...
 შემეყვარდა მაგრამ მერე –
 ვარ „ყველასი“ ქმარის გარდა...
 მე ქალობას ვსწავლობდი და ჩემს ქმარს –
 ქალი შეუყვარდა...

* * *

მე ვიცი პოეტი,
 თვითმკვლელი პოეტი...
 ჯერ კიდევ ცოცხლების რიგში რომ წერია...
 ნამგალა მთავარეა – კალმით და კორსეტი...
 (რა იყო დედიკო? მე ჯვარი მწერია).
 ...
 მე ვიცი ჭკვიანთა ხმაურის ჩახშობა,
 სახეზე ღიმილი გრიმივით მისვია,

შორეულ წარსულში დავტოვე ბავშვობა,
და ქალი მიყვები გზას, ასე ნისლიანს...

პირველად ედემის სამანს რომ გამოვცდი,
მას მერე აკრძალულ ხილადაც მაქციეს...
დღეს უკვე უბეში გველეზით გამოზრდილ
კაცსაც კი ვიწონებ, არა თუ საქციელს...

ცბიერად მოგკაზმე ერთგულის იერი,
სანგრების კვალდაკვალ რომ დავიბანაკო,
ვერაგინ ვერ ვნახე ლექსისგან მშვიერი...
მეზღაპრე მიყვარს და სულ იგაფარაკობს...

მე ვიცი პოეტი,
თვითმკველელი პოეტი.

კედლებზე აწერდა – „მე თვითონ რითმა ვარ“
ნამგალა მთვარეა – კალმით და კორსეტით
და არ ღირს ამ დროში – ის – წასაკითხვად...

თვითმკველელი პოეტის ბჭკარები მჭიდშია,
ლექსები ყულფებად უპირებს დასევას.
მასსავით, არ ვიცი, სიკვდილი ვის შია...

მე კი დღეს
ასე ვარ...
ასე ვარ...
ასე ვარ...



ჯამბარ უთრუთაგვილი

შოთა რუსთაველს – „ვეფხისტყაოსანს“

როგორც ბიბლია, ხარ წიგნთა წიგნი,
ჩენი მეობის ლიბო და ფუძე,
შულს და გულს გვივსებ რწმენით და სიბრძნით,
ათას განსაცდელს იმიტომ ვუძლებთ.
რაც ხანი გადის, უფრო კამკამებ,
მეტს და მეტს იძენ თავვანისმცემლებს,
ეამაყებათ მიჯნურ ვაჟკაცებს,
ტარიელივით რომ ღვრიან ცრემლებს.
ბევრი ჭაბუკი კვლავ ავთანდილობს,
ქალი ნესტანობს და თინათინობს,
თუმც ზოგიერთი იმასა ცდილობს,
შენი ძაგებით გული გვატკინოს.
მარად ჯვარცმული კაცი ქართველი
უფალთან ერთად შენ ანუგეშე,
ვინც არის ჩვენში ჭკუაჯანმრთელი,
რწმენით, იმედით ისიც შენ გემებს.
ქართულ სულს მტრები რომ ვერ გვაცლიან,
გადაგვარჯულა ვერვინ რომ დღემდე,

ამაში შენი დიდი ღვაწლია,
ღმერთკაცად მიტომ გიწამეთ, გენდეთ.

* * *

არსებობს ლექსის მრავალი თარგი,
მრავალნაირი ზომის და წონის,
ზოგია მეტად კონტა და კარგი,
ზოგს კი გაუქრეს პატრონ-მომგონი.
ზოგი იყენებს ბევრნაირ თარგებს,
ზოგს ურჩევნია ერთი ყალბი,
მაგრამ თარგი თუ ლექსებს არ არგებს,
ეს პოეტია არიფი, ყალბი.
კარგი ყალბი შენ რას გიშველის,
თუ არ გამოწვაგ გულში სტრიქონებს,
ლექსი აზრისგან თუა შიშველი,
ერთი მითხარი, ვინ მოგიწონებს.
ლექსსაც კაცოვით აქვს თავის ბედი,
ზოგს ამჩნევენ და ზოგიერთს არა,
ზოგი დამწერს ჰგავს ავყია, ყბედი,
ზოგმა მრავალი გული ახარა.
ზოგი ლექსია მეწყერი მართლა,
მგონის სულს და გულს რომ ანუგეშებს,
ლექსი მინახავს, ვითარცა ზვართქლა,
რომ იღრინება და აჩენს ეშვებს.
ზოგი ლექსებით ამაყობს, დიდობს,
ლექსია ზოგის ცხოვრების კრელო.
ღმერთო, ისეთ ლექსს არ დამაჭიდო,
იმისი ზიდვა რომ ვერ გაებელო!

* * *

გული კვლავ ძგერს ჭაბუკურად,
არ მღალატობს ჯერ მუხლ-თვალი,
კარგ კაცს ვხვდები მუდამ ძმურად,
ძმულს ბოროტი და მუხთალი.
ყველგან დავალ ჩემი ქუდით,
ჩემი გზით და ბილიკებით,
ღვთის გზას ვერ ამაცდენს ქურდი
და ვერც ბრიყვთა ქილიკები.
სანამ პირში მიდგას სული

და შეეხარი მზეს და მთვარეს,
 ვერ დამჯაბნის მე აესული,
 მოშურნეს არ გაგახარებ.
 დავალ ჩემი გზა და კვალით,
 სხვის გზით არ მსურს სიარული,
 დღე და ღამე ლექსით მთვარალი,
 ხალხს ვგონივარ მხიარული.

* * *

არა ვთხოვლობ, რაც არ მერგება,
 არცა მჭირდება ლუკმა არამი,
 სხვას არ ვჩივი, ჩემმა ნერგებმა
 გაიგონ პაპის სულის ვარამი.
 უნდა იცოდეს დიდმა-პატარამ,
 რომ ლექსი ჩემი სულის ასლია,
 ღმერთმა ამქვეყნად ისე მატარა,
 სხვის განძზე თვალი რომ არ წამსვლია.
 ქართველ პოეტთა წმინდა ხმა-კილოს
 მინდა ჩემი ხმაც მიეუსადაგო,
 განვედ სატანავ, აღარ გამკილო,
 ლექსით მსურს სული დავიბადაგო.
 ბაღს შემეყარა მუზის სახადი,
 დე, ავად ვიყო მხოლოდ ამ სენით,
 წერით შევბას თუ ვერა ვნახავდი,
 ღმერთო, ეს ჯადო რად არ ამხსენი?!

* * *

ლამაზ ქალისკენ გამირბის თვალი,
 თუმც მარილს აბა ვინ გახდის სათხედ,
 დავალ ბებერი ბედზე გამწვრალი,
 ბოდმას და ვარამს ლექსებში ვანთხევ.
 მადლობა უფალს, მუზა არ მტოვებს,
 რითმის მარაგიც არ დამელია,
 ვერ გაუძლებდი ამ სიმარტოვეს,
 ლექსის სხენი რომ არ დამელია.
 არა ვყოფილვარ ფულში ჩაფლული,
 უფალის გარდა არვინ მწყალობდა,
 მაგრამ ე ჩემი საწყალი გული
 სულ სიკეთზე წერდა, გალობდა.
 არ მიცეკვია სხვების დაკრულზე,
 სხვის დაქნილ გზაზეც არ გამივლია,
 არ გამიცვლია რჯული სხვის რჯულზე,
 ეს აზრი გულშიც არ გამივლია.
 არამზადებთან არ მაქვს საერთო,
 არ მომწონს მათი ქცევა და ნირო,
 მოძმისთვის სანთლად რომ არ ავენთო,
 მაშინ გამიხმეს ენა და პირო.

ღავით ღარბაიძე

* * *

მე ვარ ქართველი, სულით, ხორციით და
 არავითარი – „მამასადამე!“
 შემსწრე ვარ ოშკის ქვათა ბორძიკთა,
 არ დამითმია რწმენის სადავე.
 მე იმ გენის ვარ, ვინაც ღრუბლებში,
 ჰკვეთა გუმბათი სვეტიცხოველის,
 მქონდა უფლისგან სვე და ნუგეში
 და ჟინი ბრძოლის მესხის, ფხოველის.
 მე ვარ დიდგორი, მე ვარ ასპინძა
 და მომხდურს დღესაც ვკაფავ ხერთვისთან,
 მე მკვდრეთით აღმდგარს მტერი რას მიზამს?!
 ჩემს სისხლს ძარღვებში თურგი ერთვის თან.
 მე ფარსმანი ვარ და ვუძხერ კოლხეთს,
 ის ვინც წამლეს და რომ ვერ მოწამლეს,
 ლოცვა ვარ, დღესაც ჯოჯოხეთს რომ კვეთს
 ასი ათასის მტკვართან მოწამის.
 მე ვარ ავთანდილ, მე ვარ ტარიელ,
 ვირჩენ ბალახით ნაკაწრებს ვეფხვის,
 ვატარებ ქარქაშს მუდამ ცარიელს,
 მარჯვენით ჭედურს, სადარებს მების!
 მე ვარ ოპიზა და მე ვარ ხანძთა!
 არტანუჯს ვწვდენ ღაღადს ზარების,
 მაჯებით დამაქვს წარსულის განცდა
 და გორისციხე საესე ბზარებით.



მზეს რომ უღიმის, ეს მე ვარ ცოტნე!
 და სისხლმდინარიც აქ ვარ ილია!
 დადექ მამულო! ითმინე ცოტაც,
 ვიდრე ნისლები გადაივლიან...
 და ვიდრე ვახტანგს წყვილ ისარს მესვრიო,
 დაფიქრდეთ იქნებ, რა გსურთ მანამდე,
 საზღვრებს რად უშხერო?!
 გადგმულ მაქვს ფესვი,
 ნიკოფსიდან დარუბადამდე!

* * *

ვაგლახ, გექვეით ვაჭრებდა,
 კერავ, მწირო და ნათმენო,
 მიწას რომ ყიდი, რა გრჩება
 სამაგიეროდ, ქართველო?!
 რაში გაცვალე, ან როდის?
 მაჩვენე ერთი, კვნესამე,
 დღეს უკვე სხვისას ამოდის
 გარეჯს სალბი და კესანე.
 შეხედე მამულს, რადაა,
 ცოტაც და ხელით გავწვდები,
 სველი აქვს ჯერაც, ჭადარა
 ტაოს, ნაცრემლი დაწვები.
 შთენილხარ სულით ღარიბი,
 ერო, თვითნაგვემ-ნათულო,
 მუჭი გაშალე, რად გიღირს,
 შენივ სამშობლო, ქართველო?!

* * *

სამშობლო ვისთვის სიწმინდე, კდემა,
 ვისთვის სახრაფი, მაგიერ ვერცხლის,
 როცა ტვერებში ქართლის მზე კვდება,
 გვიან არს ჟამი მახვილთა ლესვის!
 როცა შემთხვევად ვრაცხავთ წინამურს,
 სულსაც კი ვაფხეკთ ფრესკას რუსთველის,
 ვკლავთ კაცს გონით და ნიჭით წინ წასულს,
 და სიტყვა გვრჩება წრფელი უთქმელი.
 თუ მომავლის ქმნის დაგკარგეთ ნება,
 პირდიმილსა გეგვრის სიტყვა „წარსული“,
 სხვისი ზნე და სვე მივიღეთ მცნებად,
 მივეცით მძევლად ძე და ასული.
 თუ სიმშვიდედ ვთვლით ზარების დუმილს,
 როცა ციდანაც გაგვირბის ღმერთი,
 ჩვენივე მამულს სამტროდ გარს ვუვლით,
 ლაზარესავით, კვლავ აღმდგარს მკვდრეთით!
 თუ კი ლოდები, უფლის ხელ ნახლებ,
 მხრებზე არ გვადგას რწმენად მარადის,
 კელაპტარივით, ლოცვაში თაღებ-
 ჩამოღვენთილი ოშკის, ბაგრატიის!
 ან წუთისოფლის ამყოლებს ღზინის,
 ხანდახან ცრემლად მაინც არ დაგვდის
 დარდი, ზვირთებად ამოხეთქილი
 აქეთ მტკვრისა და იქით არაგვის.
 რად გვიკვირს მაშინ, თუ მზე არ ყოფნის

მბრონაპკურებ ვაზზსა და ერდოს,
 რომ გვიდგას ჟამი ყოფნა-არყოფნის,
 ამ ცა-მიწისთვის შეწირულთ ერთ დროს!

* * *

ძვირფასო ელინელ, გწერ, როგორ ბრძანდებით?
 ალბათ კვლავ ფანჯრიდან გაყურებთ შარავზას,
 დრო გადის, ამ წელმაც ჩაიცვა ძაძები,
 ნისლებმა ფიქრების საუალიც ჩარაზა.

თქვენ მაინც იფიქრეთ... ვიცი რომ გახსოვართ,
 სულ ცოტა შეავლეთ შორ წარსულს თვალები,
 მე, ერთ დროს, თქვენს გამო მქადა გასროლა,
 სიცოცხლეს თქვენს ფერხთით თუ დავამთავრებდი.

მსურდა რომ მექროლა, მაგ თმათა კვლდაკვალ,
 სულებმა, ამბობენ, აყოლა იციან...
 სურნელი მაგ თმათა შორეთში კვლავ დაკრავს
 თქვენს ხსოვნას, რომელსაც ვერ ვუხდი ნისიას...

ელინელ, ძვირფასო, გახსოვთ, რომ გითხარით?
 მახვევდით ფიქრებში თქვენი მოძალებით!
 ვერ გრძნობდით, მე თქვენით თან ვიყავ მდიდარი
 და თანაც მღვეარი თქვენი მოწყალების.

მაგრამ რა...?! გზები ხან საოცრად ცდებიან
 ერთმანეთს, თქვენც დარჩით ამ წლების გადაღმა,
 ალბათ ღლის წვიმები ზღვისპირეთს სველიანს,
 თუ მთვარე ბებერიც წვიმებში განახლდა...

ან იქნებ ღამეში კვლავ შერჩით შუქურას,
 ამბობდით – მაგონებს კაცს მარტო დარჩენილს,
 დაყურებ ჭრულ კენჭებს – თქვენს ბოლო საჩუქარს,
 ვერაფერს ვუხერხებ დარდს ყელში განხერილს,

დაგდალეთ, შემინდეთ, წამოცდა დღეს რაც ხელს,
 მზეც წითლად ანთია და ჩადის ნელი-ნელ,
 გიგზავნით ამ ბარათს, თუნდ გიყად შემრაცხეთ,
 ელინელ ძვირფასო, ძვირფასო ელინელ...

* * *

თვალები მიგიგავს მთველმარე გარიჟრაჟს,
 ტუჩები ზაფხულის სახლეჩი ატამი,
 მე ვიცი, იტყვიან ჩემზე, რომ გაგიჟდა!
 მაგ შენი ნდომის და სურვილის ატანით...
 იტყვიან დაბრძადა და გაჰყვა ქარიშხლებს,
 ქალსა და ქარაშოტს ბოლომდე ვინ სდია?!
 მე ერთხელ სიცოცხლის დათმობა განიშნე,
 და ახლაც თითები სასხლეტზე იცდიან.
 მე მსურდა მყოლოდი მნათობად მარადის,
 ახლა კი ზემოდან შეშლილი ცა მიძხერს,
 რას უცდი, მარტო ვართ და ბნელა მანამდის,
 ჰო, ეს ის გულია – „მართალთა“ სამიზნე!

მიდი და საფეთქელს ვაკმარებ ერთ ტყვიას,
ჩაყვები სვედის ზღვის იდუმალ ფსკერს ნებით,
მერე კი ჩემს სათქმელს უთუოდ გეტყვიან,
ტალღებზე მცურავი ბოთლებში ლექსები...

* * *

კაბას აუკრავს ქარი,
გული რას აღარ ითმენს...
ლაღად მოარწევს ქალი
ვნებაამღვრეულ ზვირთებს.
თვალს რას დაიჭერ?! გარბის...
გარბის კი არა, მიჰქრის..!
ქალი – ქმნილება კალმის.
ქალი ნატვრა და ფიქრი.
მოდის, მოჰყვება მზე და
მიწა სირცხვილით იწვის,
ქალი ღიმილსაც ბედავს,
მე ბოღვა მესმის მიწის...
ირგვლოვ ჩერდება დრო და
მკერდქვეშ შემდეგა გული,
ტვინს ეძალება თრობად,
ეს გადარევა სრული.
თემოს მოხრის და მიხრის,
წაუა გაიკრეფს ისრებს,
მერე გათბება სისხლი,
მერე ვცოცხლდება ისევ.

* * *

ცოტაც და მდუმარე შაბათი გათავდა,
ზეცამაც შეიშრო დაწვებზე წვიმები,
დაუთმე ვარამი შენს მიმართ მაჟანთა
და ჩვენში დაბადე, სულგრძელო, იმედი.

მოხვედი უფალი და კაცთა თანაბრად,
ბაგამი დატიე კაშკაშა თაბორი,
გაგცვალოთ, სიმართლეს გარჩიეთ ბარაბა
და მაინც შეგვინდე ნაყიდი ამბორი.

ახლა კი სანთელი თვალეებში ცრემლს გვიკრთობს,
დაგვეურებ ფრესკიდან ზეარსი მთავარი,
ჯვარცმულო, შენს უკან ბნელია მზეც თითქოს,
აგვინთე გულებში სიკეთის ლამპარი!

მოგვმადლე რწმენა და გვიცოცხლე იმედი,
„ღირს გვევენ შენს წინაშე სიმდაბლით წარდგომად“,
აღგია სამყაროს გვირგვინი ღიღების,
ღიად გამარჯვებად – ბრწინვალე აღდგომა!

* * *

დროებითია აქ ეს სიჩუმე,
აქ გარინდულნი ნიშანს ელიან,
აქ მიწა ლესავს სხივებს, ვით შუბებს,

და მოდის დავით, როგორც ელია!
ზეციდან, თითქოს, კვლავაც ისრავენ
მტერს, შიდა ქართლის გულთან მიდგომილს,
მაცნევ, არ შედრკე, მისვლად ისწრაფე,
დაატყდეს მომზღურთ უნდა დიდგორი!
მედგარნი ჟამსაც არ ნებდებიან,
ჩასაფრებულან საფლავშიც თითქოს,
შიშზე და დროზე გამეფდებიან
და შეღებავენ ალისფრად დიდგორს.
რომელი გორა?! თქვენ როგორც ორბნი,
კვეთლით დემონებს თურმე ზეცაში,
შეზავებული სისხლი და ოფლი
მიგქონდათ წმინდანთ ცაში ზედაშედ
და ამჩნევია კვლავ ქრისტეს ჯვრებად
ამოხეთქილი მიწიდან ხმლები
დიდგორს, ჩარჩენილს სიზმრებში ჯერაც,
თავგანწირულთა მჭექარე ხმებით.
ეს დროებითი არის სიჩუმე,
აქ შეფიცულნი ნიშანს ელიან,
აქ მიწა ლესავს სხივებს, ვით შუბებს,
და მოდის დავით, როგორც ელია.

* * *

როცა სიყვითლე მიწვდება ზეგანს,
გორიჯვრის თავზე იელვებს ვერცხლი,
აგიზგიზდება მტევნებში მზე და
აქ, ჯარგვალივით, გულს შუაცეცხლი.

როცა დაიწყებს ტკაცუნს ურთხმელი,
ნისლებში ცვარი გაიბრიალებს,
დავეწაფები სულმოუთქმელად
შენი ბაგიდან სავსე ფიალებს.

მოეწურავ ჟინით ქარვისფერ თავთავს,
ჩადგება სულში რთველის სურნელი
და ზეციური ბადაგით დამთვრალს,
მიწოდონ მერე შელეგი, სულელი.

მერე მოგიძვნი ნელ და დაზაფრულ
ჰანგებს, ნოემბრის ფრთათერ ფოთლების,
დაველოდები კვლავ შენს გაზაფხულს,
მოუთმენლობის ასე მოთმენით.

* * *

გული ვერ ნახავს სვედას ამის ტოლს,
შეიღებება გორი ათასფრად,
თითქოს კვამლებში იწვის აგვისტო,
და სისხლმდინარი ორიათასრვა

ცოცხლდება ისე, როგორც ცოცხლდება
ცუდ ამინდებში ძველი იარა,
რომ სამაჩაბლო რჩება ოცნებად,
თუმც წლებმა ცეცხლი გამოიარა.

რჩება შინდისი გავარდნილ მუხად
და საფლავეებში ბორავს გულები,
— გმირი ვიქნები, მამულო, მე ხვალ,
ბრძოლიდან ჩემი არდაბრუნებით!

იმღვევა სისხლი მიწაში, ცაში
და ქართლი გრგვინავს, როგორც ღუმელი,
თქვენ არ გხიბლავდათ გრიალი ტაშის,
გეცვათ მუნდირი გაუხუნელი.

გემოსად რწმენა და როგორც ლომებს,
არ გადაგიდგამთ უკან ნაბიჯი,

გენით და სისხლით ჩვეულნი ომებს,
დაგქონდათ სვედა ამ ცის, ამ მიწის.

ზრიალებს გორი, ზრიალებს ახლაც,
დაჩხილ ზეცას ვკემსავთ ხელებით,
მავრთულხლართები იკორთის აღმართს,
შემოსევიან როგორც გველები.

ჯერ დრო ჩაცხრობის საბაბს არ გვიტოვს,
და ვიდრე ვუშხერთ შორით ნასახლარს,
კვლავ ბრძოლის ცეცხლში იწვის აგვისტო
და სისხლიანი ორიათასრვა.



ნაბო ყაბაშვილი- აფაქიძე

* * *

თვითმკვლელობა არ ეპატიება,
ვინ მიიყვანა აქამდე? ფიქრობ,
იქნებ შენ, მე, ან უგულობამ,
ან გულცივობამ, როცა მან გვიხმო...
ჩვენ კი გავრბოდით სხვა მხარეს, ის კი...
ცრემლით ეძებდა ბუნკერში ლუკმას.
თუ თვალს მოკერავდით, შევიბრალებდით,
თავს გავაქნევდით და მერე უკან
მოუხედავად გავრბოდით ისევ
სხვა მხარეს... დრო არ გვრჩებოდა სხვისთვის...
ჩვენი სულისთვის გვეფიქრა, თუნდაც,
ან სულაც... მისი გადარჩენისთვის!

გავწირეთ ყველა! მოძმეც, მოყვარეც
და სხვა კი არა, ჩვენივე თავიც...
გავწირეთ! მერე, ო, საოცრება,
მოკვდა და მერე, ო, საოცრება,
მოკვდა და მერე ვიგრძენით ვალი
მოყვასის... თუმცა ეს წუთით... მერე
ისევ გავრბივართ სხვა მხარეს! ვჩქარობთ!
ის კი ეწამა მშვიერი აქ და
იქ სუიციდის ცოდვებით წვალობს.

* * *

თითქოს წარსული დაგრჩა ბაქანზე...
ფანჯრიდან შემხვედრ ვაგონებს ითვლი,
შენ ყოყმანობდი გზაგასაყართან...
დღეიდან სულ სხვა სვლა-გეზით ივლი.
ღია ფანჯრიდან მოჰქონდა ნიავს
იასამნების სუნი და რელსებს
შორს, შორს მიჰყავდა მატარებელი...
იქ კი ტოვებდი უშობელ ლექსებს,
რომლებსაც ვეღარ დაწერდი მისთვის...
თუმცა ღირდა კი, რომ გყავდა მუზა,
წყებად მოგდევდა იასამნები
და იწყებოდა დიდი პაუზა
შენი ლექსების... უკან რჩებოდა
სიცარიელე ღია ბაქანთან
და აღარაუინ იდგა თავდახრით
შენს მოლოდინში გზაგასაყართან.

* * *

თებრონესავით შევიდგამ კოკას,
დარდასაყრელად წყაროზე ჩავალ.
შემოვიბურავ მანდილს და მორცხვად
ჩამოვისწორებ ფიჩებს და დალალს.
ამოუყვები შიშველი ფეხით

ბილიკს და მზერას წამოკრეფ მრავალს,
 იმ „ჭორიკან ჭადარს“ ჩავუვლი,
 სოფლის შავ-თეთრს და ავ-კარგს რომ მაღაეს.
 მერე შემოვდგამ ჯორკოზე კოკას,
 გადავევლები უბელო ლურჯას,
 დარდასაყრელად ვაგეღვებ დიდხანს
 და შედამებას დაეუცდი ურჩად,
 რომ შენ თუ არა, ის მაინც მოვა,
 მთვარე ცაზე და შევებდავ მზერას.
 მერე საჩეჩელს დავართავ, ნდომას
 ლექსებად მოვქსოვ, ვისწავლი თმენას.
 ალიონს გარეთ ქარაფზე ვნახავ,
 დილით სისხამზე დაკრეფ იელებს,
 მერე წლები და თვეები გავა...
 რომ შემავუონ სიცარიელეს.

* * *

საგულდაგულოდ გიმაღავ მზერას,
 მოპარულ ხილს ხომ ტკბილი აქვს გემო,
 მხოლოდ ოცნებაც თუ ცოდვა არის,
 მიყვარს და ვცოდავ, უფალო ჩემო.

* * *

უკვე ეს ტკივილიც ჩავლილია,
 როცა ამნაირად იდიმები.
 თვითონ ვუსახსოვრე საკუთარ თავს
 შენი საყვარელი გვირილები.
 ისე შეეგუე ქარიშხალებს,
 ხმაც არ შეგრჩენია საღრიალოდ...
 რით ვერ გაიგე, რომ ბედის ჩარხი
 ასე მარტომ უნდა ატრიალო...

* * *

ლამაზი დღეები... წამები... წავედი...
 არ გიხსნი რატომ და არც შენ არ იკითხე.
 მიყვარდი, მხიბლავდი, მოგენდე, გავები,
 შენ კი გათამამდი დღითიდღე.
 ვცდები თუ, არ ვიცი, მე მგონი ასეა,
 თუ სიყვარულია, ყველაფერს დათმობო,
 ჩემი სიამაყე გრძნობაზეც მეტია,
 ამიტომ მე უნდა დაგტოვი...

ჩივილი

ამ სოფლის ავ-კარგი ვიგემე,
 ბევრჯერ გამითენდა შავი დღე,

დმერთო, შენი მცნება ვიჯერე,
 მაინც ვერაფერი გავიგე,
 რად წვალობს სიკეთის მოსველი?
 ლალობს ბოროტი და მასხარა.
 ვიმდურვი? არა, უფალო,
 ისე მოვიჩივლე, არც არა.
 მოველ და არავინ იხარა,
 მივდივარ, ვერავინ მაჩერებს...
 უფალო, შენთან ხომ წამიყვან,
 ცოდვებზე, გთხოვ, ნუ შემაჩვენებ.
 ცდუნებით რანდენჯერ შეეცოდე,
 ბევრჯერ გაგიბედე ჩივილიც.
 შემინდე, სუსტი ვარ, უბრალო,
 დიდია ამ სოფლის ტკივილი.
 წუთის სოფლის ვერა გავიგე,
 გზა მრუდი და ხანაც სწორია.
 უფალო, შენამდე სავალი
 შორია, შორია, შორია...

ღაბრუნება

(სიყრმის მემოზარს)

მაშინაც აპრილის ასეთი დღე იყო
 და იასამნები ლურჯ-თეთრად გვათოვდა.
 ქუჩას მივყვებოდით რატომღაც მღუმარედ,
 შენ ხურდა მიეცი თავდახრილ მათხოვარს.
 დღე იყო ერთი და დღე იყო რამხელა...
 თითქოს დღემ სულ მთელი ცხოვრება ჩატია.
 ზოგისთვის უბრალოდ მთვარე მზეს მიჰყვება,
 ზოგისთვის ცხოვრება მუდმივად მარტია
 და ისე უბრალოდ, ლამაზად, უჩუმრად
 დასრულდა, თუმცაღა არც არა დაიწყო.
 მე წავიბორძიკე, შენ ხელი ჩამკიდე.
 ისე, სხვათაშორის ავთრთოლდი, რა იყო...
 და დღესაც აპრილი გვდარაჯობს ცუდლუტად,
 ცნობისმოყვარეა, დაგემა ნიაიცი,
 ნუთუ არ წაშალა წლებმა ის წუთები
 და ლაბირინთებში ნიღბით ხეტიალი...
 მოგბეზრდათ.. აღმართზე შეჰყვებით ქვაფენილს,
 შენ ისევ ოცის ხარ, ის ცოტა დიდია,
 მან ხელი ჩაკვიდა, შენ ისევ ათრთოლდი,
 დასრულდა აღმართი, აქ ძველი ხიდია
 ბავშვობის... და ახლა უნიღბოდ მიდიხართ
 დაღლილი, თუმცაღა უზომოდ მშვიდები,
 თუ მთელი ცხოვრება ის ერთი დღე იყო,
 დაისხე ხომ შეხვდით პატარა დიდები.

სოფიანო მეჩვაბიშვილი.

პოეტს

დამიწერე, ერთი ლექსი დამიწერე,
ისეთი, რომ გულმა იგრძნოს აღმაფრენა
და იმ ლექსში სიყვარული დამიწესე,
დამანახვე წეროების გადაფრენა.

დამიწერე ლექსი, სულს რომ შემიტოკებს,
ისეთი, რომ შეაძრწუნოს ცა და მიწა,
დამიხატოს, ქარი რტოებს ვით ატოკებს,
ჩამაგონოს ქრისტეს ჯვარი ვით დაიცვა.

თუ ის ლექსი ჩემ გულის კარს შემოაღებს,
თუ გაარღვევს ძმათა შორის ჩადგმულ ტიხარს,
თუ ოცნებით თავს დამადგას სავეს მთვარეს,
მხოლოდ მაშინ ვირწმუნებ, რომ პოეტი ხარ.

თუ გიფიქრია

თუ გიფიქრია, რად მოხვევ, ვინ ხარ,
ანდა როგორი გზებით იარე,
ვის ახარებდა აქ შენი წინსვლა,
ვის დაუტოვებ გულში იარებს...

საშინელია, თუ ზეცამ გიხმო
და მიგაცილებს ცრემლების წარღვნა,
უფრო ძნელია ვერავინ იგრძნოს
აქ შენი ყოფნა, იქ შენი წასვლა.

* * *

დამეს ჩაუცვამს შავი ძაძები,
ძილს მისცემიან ალგეთს ლეკვები,
წვიმით დაშოლტილ სიყვარულში
ფიქრებს მათრახით მივერეკები.

იმედის სხივი მინაპირებს და
მღერის ვილაცა სევდიან ხმაზე,
იყავ ღვთაება, როცა პირველად
აფრენილ შუქში გედის ფრთად განახე.

იმლები ვარდის ნაზი სურნელით,
დათაფლულ ბადაგს უწვი ამ ხელებს,
გიახლოვდები შმაგი სურვილით,
შენი სხეულის სითბო მახელებს.

ბარბაცებს მიწა, ტორტმანობს ზეცა,
ენების ტალღებმა სული დატბორეს,
დახუჭეს თვალი, ვარსკვლავებს შერცხვათ,
როცა შენ სხეულს დავეპატრონე.



სამშობლოს

ფერად-ფერადი ყვავილებით დაგიწნავ გვირგვინს
და ნეტარებით გამოგიღებ სულის კარიბჭეს,
ჩემს წმინდა ლტოლვას ვერაფერი ვერ შეცვლის, ვიცი,
ოღონდ კი სულში ბილწი ფეხით ნუ დამაბიჯებთ.

მე მჯერა შენი, ერთგულების ფიალას დაცლის
და სუფრის თავში ჩამოისხამ ციურ ვარსკვლავებს,
ყველა წარწყმედილს სიყვარულის შარბათი ასვი,
შენთვის ნათქვამი სადღეგრძელო გამათამამებს.

ძმად შეფიცულმა დღეს დალატი რისთვის გიბოძა,
რისთვის მოასკდა ცრემლის ტალღა მტკვარის ნაპირებს,
შენს სანახებში თავს იწონებს ცელქი მიმოზა,
ყაყაჩოებმა სისხლის ფერი გაინაწილეს.

ცა მოქუფრულა, გაწყვეტილა იმედის ძაფი,
სამაჩაბლოში საომარი ყიჟინა ისმის,
თავაწყვეტილი მიგვაქროლებს უბელო რაში,
ცის კაბაღონზე გაღიხაზა ნახტომი ირმის.

ფერად-ფერადი ყვავილებით დაგიწნავ გვირგვინს,
ცრემლის ზღვას დაეცლი, დარდს გავდევნი, კარგო ადრიან,
ერთი სიცოცხლე გამაჩნია, ათასად მიღირს
და ჩემი ქვეყნის სამსახვერპლოზე მომიტანია.

როცა

როცა იხსნება ზეცის კარები,
როცა ბერძუნას ქარი აწვალებს,
როცა პატარძლის მსგავს მოკრძალებით
გადაღლილი დღე დახრის წამწამებს ...
შეიპარება ცის სამეფოში
მთვარე და უხმობს ირგვლივ ვარსკვლავებს,
როცა ვერსად ვერ დაგემალები
და შენზე ფიქრი ღამეც მაწვალებს,
როცა ირემი მთაში მყვირალი
ქორბუდა რქებით ბნელ გზას გაიკვლევს,
როცა ბალიშზე მივესვენები,

როცა კელაპტრად შენ ფიქრს დაეინთებ,
 მერე სახლიდან გავიპარები
 ზღაპარს ვუამბობ წყაროს შლევთანს,
 ბარათს გაგატან ნიაგს და ვეტყვი,
 რომ ჩააბაროს ვინმე შენიანს.
 მაინც არ მოხვალ, მაინც ვერ გნახავ
 და როცა ვნება შენთვის ამტყდარი
 დაიწურება, ვით საწნახელთან
 ვაზის მტვერები მწკრივში ჩამდგარი...
 მოვა ვილაცა და შეივრდომებს
 ჩემს ფიქრს აკინძულს ოქროს მძივებად,
 უპატრონებს და არ დაგანებებს,
 მერე ... შენ აღარ დაგეძინება.

ვეფერები

მე იმ მიწას ვეფერები
 ვისი ძუძუც მიწოვია,
 მწვერვალები გაშლილ მხრებით
 ერთმანეთს რომ მისწოლიან.

ვით ქალწულის ქერა თმები
 დაკიდულან ჩანჩქერები,
 ბუხრის პირას ნათევები
 თვლემენ ზღაპრის ნარჩენები.

ვეფერები მე იმ ზეცას,
 რომ მიგზავნის ნამით საზრდოს,
 ამ მიწაზე ყველა ერთად
 გმირად უნდა გაიზარდოს.

ვეფერები მთაში ირმებს,
 ზღვაში თევზებს ლაყუჩიანს,
 მტერზე მისულ ქართველ გმირებს
 თოფს რომ დასცემს მაყუჩიანს,

ველარ ვიტყვ გულში მთავარს,
 რომ გავეყურებ ქართლის სერებს,
 აკენის ძირში დაღვრილ ნანას,
 გაზაფხულზე ვაზის ცრემლებს.

თვით „ხორუმით“ ამტყდარ გრიგალს
 და „ჩაკრულოს“ კახურ ექოს,
 რაც რომ გულში ჩუმად მითქვამს
 ახლა უნდა დაიჭექოს.

გულის ტკივილს შემიხორცებს
 მთვარე, ცაზე რომ ბანცალებს,
 ღვთის ნაჩუქარ ჩემს სიცოცხლეს
 ჩემს ქართველებს ვანაცვალეს.

* * *

ბევრი გავლიე წელიწადები,
 დამრჩა ცოტადა,
 ხან ჩამოვრჩი და ხან წინ წავედი,
 ეს გზაც მოთავდა.
 მყავს მეგობარიც და ორპირიც
 ვნახე რამდენი,
 ზოგჯერ წასულ წლებს კვლავ მივტირი,
 დარდს ვერ განდევნი.
 ცრემლიც მინახავს, სიხარულის
 დღენიც მქონია,
 ბევრჯერ შემიპყრო უიმედო
 მელანქოლიამ.
 ოქროც მქონია და ვყოფილვარ
 მეტად ღატაკიც,
 რა აღარ ვნახე, ვერ ვისწავლე
 მაინც ღალატი.

გიგი ხორნაული

ილო ფხოველი - „ვინც გულის უკლავდა ანასა“



გიგი ხორნაულის მოგონებათა წიგნმა „ჩემი საწუთრო – საშხეო“ (I ტომი) მწერალთა სახლისა და კულტურის სამინისტროს ერთობლივ ლიტერატურულ კონკურსზე „ლიტერა“ 2017 წელს პირველი პრემია დაიმსახურა.

ამჟამად მომთავრებულია და გამოსაცემად გამზადებული II ტომი. ამ ტომიდან მკითხველს გთავაზობთ ერთ თავს.

ანა კალანდაძეს, ჩვენს სასიქადულო პოეტს, თავისი ლექსების „ფშაურ ციკლში“ გამჟღავნებული აქვს თავისი უიმედო სიყვარული, რომელიც ზაფხულობით შუაფხვანში ყოფნის დროს ეწვია, სიყვარული ვერ დამალა, თორემ „მისი სახელი“ არ გაუმხელია. მკრეხელობად არ ჩამეთვლება ალბათ, როცა აღარც ერთია ცოცხალი და აღარც მეორე. მე უნდა გავამჟღავნო დაფარული, რადგან უამისოდ არ იქნება, როცა მოგონება უნდა დავწერო, ჩემთვის

ძვირფას მოსაგონარ ადამიანზე – ილო ფხოველზე.

ეს იყო, სოფელ შუაფხოს უფრო სწორად, კი შუაფხოს თემში შემავალი სოფლის, თხილიანას მკვიდრი. ილო ფხოველი საოცარი სილამაზის კაცი, გამორჩეული იმით შორის, ვინც კი ოდესმე შემხვედრია, მთასა თუ ბარში, იყო ახოვანი, წარმოსადგეი ცისფერთვალება და თეთრფეროვანი სახის კაცი.

შუაფხო ქისტაურთა თემის სამკვიდროა. ისინი გადმოსულნი ყოფილან ხევსურეთის სოფელ ღულიდან. ფშავის თორმეტი თემიდან ერთ-ერთი. ეს თემი ცნობილი იყო სილამაზით (სხვა თემები, სხვა ნიშნით იყვნენ ცნობილნი). გოგოლაურები პოეტური ნიჭით, ჭიჩოველები სიბრიყვით და ასე შემდეგ. ამ თემისები იყვნენ ილოს მამიდაშვილი, გოგი თურმანაული, ასევე წარმოსადგეი ლამაზი კაცია. ჭკუ-გონებით სავსე. 35 წელი მაღაროსკარის სკოლის დირექტორი, მაღაროსკარის თემის თავკაცი. გიორგი ლეონიძე მას ფშავის ხევისბერს ეძახდა. მესამე ასეთივე ლამაზი ვაჟკაცი იყო შუაფხოელი ხევისბერი ბიჭურ ბადრიშვილი.

ილო ფხოველი სოფელ თხილიანაში დაიბადა 1926 წლის ნოემბერში. ეს სოფელი შუაფხოდან 2 კმ-ით ქვემოთ არის დაშორებული ორწყლიდან, მესამე კილომეტრზეა შველის ხელმარჯვნივ, ფერდობზე სამი მხრივ წიფლნარით შემოზღუდული. თითონ სოფელი სულ რამოდენიმე სახლი, ვაშლის და კაკლის ხეებშია ჩაფლული. ჩრდილის მხარეა და ამიტომ სიმწვანეა მოძალებული. ასეთი სოფლებიცა და მთებიც შორიდან ლურჯად გამოიყურებიან, იისფრად.

ილო და სხვა ბავშვები პირველი კლასიდანვე შუაფხოში დაიარებოდნენ სკოლაში აქ მასწავლებლობდნენ ალექსი ოჩიაური და მისი მუდღე ნათელა ბალიაური. ოთხწლედი მათ შეიძწლედად გადააკეთეს და განთქმული იყვნენ, როგორც პედაგოგები. ისინი თავის ოთხ შვილთან ერთად სწავლისადმი სიყვარულითა და მაღალი ზნეობით, ზრდიდნენ უკანა ფშავის ახალგაზრდობას, ილოზე განსაკუთრებით დიდ მზრუნველობას იჩენდნენ. რაკი ის მათი შვილის გოგის განუყრელი მეგობარი გახდა. მათი დამეგობრება კი შედეგი იყო ორივესგან წიგნისა და ცოდნის სიყვარულთან ერთად, სიგიჟემდე სიყვარული ნადირობისა და თევზაობისა. მათ ცალ-ცალკე უამბნით ჩემთვის ილოსაც და გოგისაც. ღამითაც კი ვერ ვშორდებოდით ერთმანეთს და ერთ ლოგინში გვეძინა ან შუაფხოში ან თხილიანაში. შვიდი კლასის შემდეგ სწავლა ბარისახოს სკოლა-ინტერნატში გაუგრძელებით, რომლის დამთავრების შემდეგ ჩვიდმეტი წლის ახალგაზრდა ილო საბჭოს თავმჯდომარედ მოუთხოვია ხალხს, უკანაფშავის საბჭოს თავმჯდომარედ, ამიტომ დაუსწრებლად გაუგრძელებია სწავლა სასოფლო-სამეურნეო ინსტიტუტში. ეს იქნებოდა 1943 წელს, გახურებული ომის დროს გერმანიასთან. ამ დროს უკანაფშავში არ დაუტოვებიათ არცერთი ახალგაზრდა. პირწმინდად ყველა ომში გაუწვევიათ და იქიდან აღარც არავინ დაბრუნებულა. ქვეყანას კი ახალგაზრდა უნარიანი მომვლელები სჭირდებოდა, ხალხის იმედი, ხალხზე მზრუნველი. ზუსტად იმ ზაფხულს, როცა ილოს უკანაფშავის თავკაცობა ჩააბარეს შუაფხოში, იახსრობაზე ასულა მუსიკალური ფოლკლორის ცნობილი შემკრები და შემსწავლელი გრიგოლ ჩხიკვაძე (ჩვენი დიდი მსახიობის რამაზ ჩხიკვაძის მამა) ის მოხიბლულა ილოს გარეგნობით, ქცევით, სიტყვა-პასუხით,



ანა აკალანდაძე და ილო ფხოველი

განათლებით და შეუთავაზებია წამომყვეი თბილისში თეატრალურ ინსტიტუტში ჩაგრცხავ, კინოში გადაგიღებენ და დიდი კინომსახიობი გახდებით. ილოს მოკრძალებით უპასუხია:

– ბატონო გრიგოლ, ჩემგან დიდი მსახიობი არ დადგება. პატარა კი აქაცა ვარო.

იქვე ბატონი გრიგოლი მოხიბლულა მეორე ასეთივე წარმოსადგეი ახალგაზრდა ხევისბრით. როცა ბელის კარზე ფერხისა დაიძახეს, თურმე ბიჭურს ისეთი ხმა ამოუშვია, ისეთი ლამაზი და ძლიერი, რომლის მსგავსიც როგორც ბატონ გრიგოლს უთქვამს, მანამდე არ მოუსმენია. ყოველგვარი დამაბულობისა და ჭიფხვის გარეშე. ისე თავისუფლად და ლაღად იღებდა მაღალ ნოტებს. ეს ველურად ნაწრთობი კრიალა ხმა, რომელიც ზარივით რეკდა, თითქოს ოქროსფრად ავარაყებდა ბებერი ფშავლების ხარისებურ ბუნს. ახლა იმისთვის უთხოვია ბატონ გრიგოლს თბილისში წაყოლა და ხმის ჩაწერა და დიდი მომღერალი გახდებით. იმასაც უარი უთქვამს მოკრძალებით:

– მე ჩემი ხატ-სალოცავისა და ხალხის სამსახური დამაკისრა ღმერთმაო. იმჟამად ქისტაურთ თემში ეს სამი ადამიანი ყოფილა მთელი ფშავის თვალი: ილო ფხოველი, ბიჭურ ბაგრიშვილი და გოგი თურმანაული. რომლის მსგავსიც იმის მერე არც თავად ქისტაურთ თემში და არც მთელ ფშავში დღემდე არ გამოჩენილა.

ასეთი კულის გამოქნევა ჯიშ-ჯილაგისა ცნობილია ქართველი ხალხის, ამა თუ იმ თემსა და გვარში. რაზიკავილებების გვარმა ეს კუდი მაგალითად ვაჟა-ფშაველას სახით გამოიქნია.

გამომცემლობა „ნაკადულში“ რედაქტორად ჩემი მუშაობის დროს, გამომცემლობის მამინდელი დირექტორი, ცნობილი მწერალი კონსტანტინე ლორთქიფანიძე, თათბირებზე ხშირად შესძახებდა ხოლმე: ჩიბურდანიძე არ გვეგონოთ, ლორთქიფანიძე ვარო. ჩემ მეგობარს ცნობილ მთარგმნელს აკაკი ბრეგვაძეს ვკითხე, ვინ არიან-მეთქი ქუთაისში ეს ჩიბურდანიძეები:

– ერთი აბუჩი საწყალობელი გვარიაო. მერე ხომ ნახა მარტო მთელმა საქართველომ კი არა, მთელმა მსოფლიომ, როგორ გამოაბრწყინა ეს გვარი მაია ჩიბურდანიძემ.

ბარისახოში ვსწავლობდი მაშინ, მგონი მე-9 კლასში ვიყავი, ჩემმა მამიდაშვილმა ვანო ჩორხაულმა და მისმა მეზობელმა ბიჭებმა მადურათ ნოშრევანმა და ხოხორათ

ერეკლემ წამიყვანეს თავის სოფელ უძილაურთაში, ხშირად დაუიარებოდი იქ მამიდასთან და კაკებზე ვნადირობდით. დიდი აღმართია ასავლელი უძილაურთისკენ, სოფლის სახამთრო საბოსლო მუხრიანში რომ ავედით, გავიხედოთ და ილო ფხოველი გამოჩნდა, ზურგზე თოფგადაკიდებული შუაფხოს მხრიდან. გვითხრა ტყე დავზვერე რკო ჩამოდის და დათვები თუ არიანო. სულ გაგლილია დათვებისაგანო, ამ მუხიანში სჭამენ და დასაწოლად გაღმა დადენილან ჩრდილშიო. სიცხეში ამ მუხიანში არ დაწვებიანო, რკოს რო სჭამენ, ახურებსო, მოსუქებულები იქნებიანო. კარგია რომ შეგ ხვდით, მეც უძილაურთაში მაქ საქმე და მხიარულად ავივლითო. მუხიან ტყეს რომ ავცდით, ილო შემობრუნდა და გაღმისკენ გაგვახედა, დაგვანახა ერთი კლდიან ბუჩქნარაიანი ადგილი, დათვები აი, იქა წვებიანო. გაგვახედა და დავინახეთ რომ ერთი დიდი შავი დათვი ნელ-ნელა ადიოდა. იმ კლდიანზე ყველამ ერთხმად შეუძახეთ – დათვი. ილომ: – ავე! – სწრაფად ჩამოვდა ბილიკზე ფეხები გადაუშვა და ფეხთშუაში ღონიერად ჩაასო ზროიანი მონადირული ჯოხი სწრაფადვე შეუდგა სამიზნის დაყენებას, თან ხმაძაღლა ფიქრობდა: ხუთასი მეტრი? ექვსასი? – შვიდასი – ჩავძახე მე. რადგან ამასობაში უკვე მოვასწარი მანძილის ჩემებურად გაზომვა.

– შვიდასი? – კირაით მართალი იქნები ბაღლო, შენზე ამბობენ ალღოიანი ბაღლიაო. იყოს შვიდასი! – ილომ შვიდასიან დანაყოფზე დააყენა სამიზნე და მონადირული ჯოხის კაპზე გაუდო, მარჯვენა ხელის იდაყვი მუხლზე დაიბჯინა და თოფს მყარი საყრდენი მისცა. დათვი ამასობაში ადგილზე იყო გაჩერებული თავიკვე, ჩამოხედავდა, ეტყობა რაღაცის ფაჩი-ფუჩმა დააფრთხო და ცდილობდა იმის გარკვევას რა იყო. დაფრთხოება თუ არა, ამ დროს რკოთი გამძღარ დათვს ღენგრადან არაფერი ააყენებდა, ჩვენ გასუსულები გავცქეროდით დათვს და მე პირადად არ მეჯერებოდა, რომ ამ სიშორეზე მორტყმა შეიძლებოდა, მაგრამ ამ წამებში გამახსენდა ერთი ხევსურული თქმულება: ვიღაც ხევსურმა როგორ გამოსცადა შაშხანა, იმ დროისათვის მთელ ხევსურეთში უცხო თოფი. ხევსურს მეორე მთაზე დაუნახია კაცი, უსროლია და კაცი დაგორებულა, მოუკლია. როცა მოსამართლემ ჰკითხა თურმე: რატომ მოჰკალი კაციო? „თოფი გამოვცადე, არ მეგონა თუ იქ მოხვდებოდაო“.

იჭექა ილოს თოფმა. წამი და დათვი დაგორდა. ბაღლებმა ყიჟინა ავტუქეთ: სად მონარტყა ბიჭო! სად დაჰკრა! ილომ თოფს აკოცა და ჩვენ გასაგონად თქვა: – რა მართალი გამომადგა ეს დალოცვილი! სადაც თვალი რამეს გავაბი, ტყვია ზედ არი. თანაც მეორე აღარა სჭირდება. მერე მე შემომხედა და – აბა ერთი მითხარ რანაირად შენებურად გაზომე მანძილი? – როგორა და აი ასე, – მარჯვენა მკლავი წინ გავჭიმე ცერი ავწიე – სამიზნეს ცერა თითზე დაუსვამ და ორივე თვალს რიგრიგობით მოუჭურტავ. რა მანძილზეც გადაადგილდება სამიზნე, იმას ათზე ვამრავლებ.

- ვინ გასწავლა ეგ, საიდან იცი?
- ჩვენმა მათემატიკის მასწავლებელმა მასწავლა ალექსი ნამორაძემ, გვითხრა, ომში არტილერიისტებთან მანძილის გამოსათვლელად ვიყავიო. ხილულ სამიზნეს კი აი ესეთი ზერხითაც ვზომავდითო და ზუსტი გამოდიოდაო.
- ყოჩაღ, გიგი, შენ მომაკვლევინე ეგ დათვი, წილი გეკუთვნის კი არა ყველას გეკუთვნიოთ წილი, თქვენ ეხლა

თანამონადირეები ხართ ჩემი, მაგ დათვის ხორცს გავანაწილებდით, ეხლა ხუთად მაგრამ შინ არავინ შეგატანინებთ, – იმათ მიმართა, – თქვენი მამა-პაპები ყველანი დასტურ ხვეისბერები არიან, ამიტომ ასე ვიზამ: – მე დავბრუნდები ეხლა მაგ დათვს ჩამოვაცორობე ხალაში გამოვწალავ, ამაღამ იქვე დავტოვებ, დილაზე ჩვენი ხალხი რომ დადის დუშეთში ბაზარში იმათ გავატან, ბაზრის გამეგ გიორგი ციგროშვილია. ის გაჰყიდის თავის ტყავხორციანად და ფულს ხუთად გაეყოფ, ბარისახოში გამოგიგზავნიო.

ილო რომ ძალიან კარგი კაცი იყო, კი ვიცოდით, მაგრამ მისი ნათქვამი მაინც მთლად არ დაგვეჯერა. მეორე შაბათ-კვირას ჩემი შუაფხოველი ნათლიის შვილმა ალექსი (წუპრაკა) ელიზბარაშვილმა, მოგვიტანა ოცდახუთ-ოცდახუთი მანეთი ბაზრის ხარჯის გარეშე, ასოცდაათი მანეთი დამდგარიყო, ტოლად გაენაწილებინა ილოს ხუთად და ზედმეტი ხუთი მანეთი ფეხის ქირად მიეცა ალექსისთვის სიხარულისაგან გადავირიეთ. მეცხრე კლასელი ვიყავი და ჯიბეში მანეთი რა არის, მანეთი არა მდებოდა. მაშინდელი ოცდახუთი მანეთი დიდი ფული იყო ქათამი მანეთხავეარი ღირდა, შემეძლო ყიდვა და ვიყიდე კიდევ გადაცლილ მანქანის საბურავის ძირიანი და ტილოს საპირიანი ფეხსაცმელი, ორ მანეთად მოჰქონდათ. რამაც შემიცვალა ძირ-გამოგლეჯილი და ტყლაპჩაგებული ქალამნები. მუდმივად სველი ფეხები სიმშრალეში მქონდა. მარტო ეს ყოფოდა ილოს დიდ მადლად. ჩემ გულში ილოს მაგალითი ისე გაბრწყინდა მაშინ და ისე ბრწყინავდა მთელი ცხოვრების მანძილზე, რომ დღესაც, სიბერე-სიკვდილის ჟამს, ოღნავადაც არ მინავლულა.

სიკეთის ქმნა ილოს ცხოვრების წესი იყო, საბჭოს თავმჯდომარედა თუ კოლმეურნეობის თავმჯდომარედ ყოფნის დროს, მუდამ ცდილობდა ღარიბებისათვის გაეწია დახმარება, განსაკუთრებით ხელს უწყობდა და ეხმარებოდა ცნობილ მოკაფთავე, მოლექსეებს მუდმივ გაჭირვებულსა და ლატაკებს. ისინი მთელ ზაფხულს ხატობებსა და ქორწილ-ნათლობებში ატარებდნენ მოწინააღმდეგეებს ერკინებოდნენ და არ ახსოვდათ სათიბ-სამკალი. მათზე ყველაზე ზედამოჭრილი იყო ფოთოლათ მერცხალას ნათქვამი:

„კარჩი მგელ ვერას შამიჭამს
შინ შამოტანილს ციცაო“.

ერთი ასეთი განთქმული მოლექსე-მოკაფთავე, გოგოლაურთელი შეთე ხახონიშვილი სიბერის ჟამს მარტოდ რომ დარჩა, ილო ფხოველმა შინ წამოიყვანა თხილიანაში და სიკვდილამდე ინახავდა, მოკვდა და ყოველგვარი წესისა და რიგის დაცვით დამარხა.

ილო, გოგი ოჩიაურთან მეგობრობას სიყვარულითვე აგრძელებდა. როგორც კი შუაფხოში ამოდიოდა, ამოვიდოდნენ მისი თბილისელი მეგობრები, ამოვიდოდა ანა კალანდაძე, სხვები სამი-ოთხი დღით, ანა კი თითქმის მთელ აგვისტოს, მთელ შეგებულებას შუაფხოში ატარებდა თავის დაქალებთან თინა და დედიკა ოჩიაურებთან იქ იყო ხოლმე ილო ფხოველიც და იქ ვიყავი მეც. მე უმთავრესად იმიტომ რომ შემეძლო ცხვრის დაკვლა, გატყავება, ხინკლის გულის მოშხადება და კალმახის დაჭერა. მზის გადასვლის ხანს საღამოობით ოჩიაურთა ეზოში შემოკრებილი სტუმრების სული და გული იყვნენ ილო ფხოველი და ჩემი მეორე დეიდა თეთრქალ ბალიაური. ილოს ეკითხებოდნენ და ისიც უამბობდა ფშაურ ადამ-წესებზე

ლექს-კაფიაზე და ათას სხვა რამეზე, რაც ილომ ზედმიწევნით კარგად იცოდა. ზოგჯერ კი ჩემი დეიდა თუთრქალი აიწვევებდა და ფშავლებსა და ხევსურებზე ჰყვებოდა ისეთ სასაცილო ამბებს და ისეთი კომიზმით, ხმის ბაძვითა და მიმიკით, მოძრაობებით რომ ბევრის მნახველ ქალაქელებს სიცლისაგან, ლამის გულები მისდიოდათ. ანა კალანდ-აძე ყველასგან გამორჩეული იყო სიმშვიდით, სიწყნარით, არაფერს იმჩნევდა ილოს სიყვარულისას, იქ ეჭვადაც კი არ აუვინ რამე იცოდა მისი ილოსადმი სიყვარულის შესახებ. ეს მას შემდეგში მუხამ გაამჟღავნებინა, ვერ დამალა სიყვარული. სახელი კი მაინც არ გაამჟღავნა. ილოს სამოციანი წლებიდან ფშავ-ხევსურეთში, ყველაზე დიდი სამსახური, მემატყლეობა დააუკლეს. დააუკლეს, როგორც ხალხის ერთგული შვილის, პატიოსან კაცს და მანაც გაამართლა ეს სახელი. თუ მანამდე, ამ საქმეში ვიღაცა თაღლითები, უმთავრესად მოსული ადამიანები ხალხს ყველფავდნენ, ატყუებდნენ, დიდ ფულს იხვეჭდნენ, ილომ დაუჯერებელი პატიოსნება გამოამჟღავნა. სასწორზე როცა დააწყო ბნელი მატყლის ბარდანებს, კანძებს, ნაპარსებს, აწონიდა და პატრონს დაუძახებდა: – „მოდი, შეხედო“, აჩვენებდა, მერე იქვე გადაშლილ დაჯვარებულ ჩაწერდა და ხელსაც მოაწერინებდა, ეკითხებოდნენ და ერთხელ თავის სუფრასთან მეცა ვკითხე: – ასე სუფთად რომ მუშაობ, ფული საიდანღა გაქო. მეც არ ვიცი მატყლს რო ვაბარებ, იქ მალღა რას აკეთებენ, როგორ აკეთებენ, არ ვიცი, არც ჩემი საქმეა, ეტყობა დიდი ფული კეთდება და იმათი ანგარიშით ცოტადღენს მეც მიწილადღებენ. ეს წილი კი ჩემთვის იმდენია ყელამდე მყოფნისო.

ქეფი უყვარდა ილოს, მეგობრებისთვის, ხალხისთვის პატივისცემა, ფულს ყოველთვის თვითონ იხდიდა.

საოცრად კეთილშობილი და გულმოწყაელი იყო ილო ფხოველი. ფშავეში თუ სადმე ჭირი ან ლხინი ზღებოდა, ილო არ დააკლდებოდა. აუცილებლად მივიდოდა და თავის „ვალს“ მოიხდიდა. განსაკუთრებით გულთან ახლო მიჰქონდა გაჭირვებულთა ჭირის ამბავი. უსათუოდ მივიდოდა და სიაში კი არ ჩააწერინებდა არამედ საკმაოდ დიდ თანხას ჭირისუფალს ჩაუტენიდა ჯიბეში.

ლურჯ თხილიან რამდენადაც საამური არის ზაფხულში, იმდენად უსიამოვნო და სასტიკი არის ზამთარში. რაკი ჩრდილი ფერდობის ძირშია როგორც კი ზამთრის მზე სამხრეთით დაიხრება, სამი თვე თხილიანასა და თხილიანას მღებარეობით, მსგავს სოფლებში სამი თვე მზე არ ჩამოანათებს, – დეკემბერი, იანვარი, თებერვალი. მაგრამ ნოემბერიც ზამთრისა იცის და მარტიც, ნოემბერში დადებულ თოვლს მარტის ბოლომდე არ აიღებს, სამი თვე გულის ზამთარია. ჭახჭახა ყინვაა ყველაფერი გაჭირვებულია, ხანდახან საქონელსაც კი არ უშვებენ გარეთ, წყალს ბოსელში ასმევენ. ხუთი თვე ღუმელი ან ბუხარი ჩაუქრობლად უნდა ენთოს, განსაკუთრებით იქ, სადაც მოხუცები, ან ბავშვები არიან. ასეთ ვითარებაში თხილიანაში ყოფნა გაუძნელდებოდათ ილოსა და მის მეუღლეს. ამიტომ გადაწყვიტა ბარში სადმე ჩამოსახლებულიყო, სადაც ზამთარიც მსუბუქია და შვილ-შვილიშვილებიც იოლად მოაკითხავდნენ. ასეთ სოფლად ილომ ჩინთი შეარჩია, ფშავ-ხევსურეთიდან პირველივე სოფელი,

სახლი სოფლის სათავეში ჩადგა ფშავ-ხევსურეთის გზის დასაწყისში. ზამთრობით იყვნენ აქ, ზაფხულობით კი ისევ ლურჯთხილიანაში აღიოდნენ.

2002 წელს ილოს მეუღლე გარდაეცვალა მარო კაკაბლიშვილი. ის თხილიანაში წაასვენეს და იქ დაკრძალეს იმ პირობით, რომ შემდეგში ილოსაც მის გვერდით მიუჩენდნენ სამუდამო ადგილს.

გასვენებაში, რა თქმა უნდა, მეც ვიყავი, ვამხნევედი ილოს და ვპირდებოდი, რომ ზშირ-ზშირად მოეინახულებოდა, მაგრამ 90-იანი წლების საქართველოს თავს დატეხილმა უბედურებამ ისეთი გაწამაწიები შემიქმნა, ილოსთვის ვეღარ მოვიცალე. 2004 წლის გაზაფხულზე მე და ჩემი შვილიშვილი ბაჭყია, კვლავ ფეხით ავედი კაწალხეში ხვნა-თესვისთვის, ეხლა მაისის ბოლოს სიმინდ-ლობიო-კარტოფილის გასათონხად, მაისის ბოლოსთვის მარტოდ უნდა ავსულიყავი. ხანგრძლივად იმას უნივერსიტეტს ვეღარ გავაცდენინებდი. ფსიქოლოგიის ფაკულტეტის სტუდენტი იყო უკვე. ჩინთის ბოგირთან მთელი დღე ველოდე გამკლულ მანქანას. არაფერი გამოჩნდა. ხალხი მგზავრობას ვერა ბედავდა. თავისი მანქანების წართმევისა და სიკვდილისა ეშინოდათ. ფეხითაც ვერ გავებდე წასვლა. მძიმე ზურგანთის გამო. ორი-სამი კვირის საგზალი მიმქონდა. შემომალამდა და მეტი გზა არ იყო ილოსთან უნდა მივსულიყავი...

კარისკარა შევადე და ეზოში შევედი. ილოს საფუტკრიდან ცარიელი სკა მოჰქონდა. ბრახუნზე გამოიხედა და რომ დამინახა შესძახა: – გიგი, შენა ხარ? – სკა დააგლო და წელგამართული ფართო ნაბიჯებით წამოვიდა ჩემსკენ, სიბერე ლომს მორევიო – ილო ფხოველს ვერ მორეოდა. – აღარ მეგონა შენ თუ გნახავდი. ეს ერთი ხანია, სუ შენა გნატრულობ!

გამიკვირდა ილოსგან ასეთი შეხვედრა. ყოველთვის ზომიერი და ნორმალური იყო შეხვედრების დროსაც, სიხარულს და სიამოვნებას ღიმილით გამოხატავდა. გაიხუმრებდა, ხელს მაგრად ჩამოგართმევდა. ვიფიქრე, მარტობით იყო გაბეზრებული და გრძნობები ვეღარ მოთოკა. ზურგანთის ჩამოხსნაში მომეხმარა. – „ეს რა მძიმე საგზალი წამოგიღიაო“ – დააყოლა. და შიგნით ღერუფანში შეიტანა. მერე თითქოს ჩემ ნაფიქრალს მიხედაო დამიძახა: – აბა აქ შემოდი, გაჩვენო, რატომ გამიხარდა ვერე ძალიან შენი მოსვლაო. ხელმარჯვნივ თავის ოთახში შემეყვანა. საწოლის სათავითურთან სკამზე დაწყობილ წიგნებზე მიმითითა: – აი, ნახე შენი წიგნი, სად მიდევსო. დაზედე სამი წიგნი ილო. ერთი – ვაჟა-ფშაველას ერთტომეული, მეორე – ანა კალანდამის ერთტომეული და მესამე – ჩემი – „ცხოვრება ვაჟა-ფშაველასი“. გააგრძელა: – გიგი, ეს რა წიგნი დაგიწერია. შარშანს აქეთ, რაც ეს წიგნი მომივიდა, მარტო ამ წიგნსა ვკითხულობ. ერთი ათჯერ მაინც წავიკითხე. ვკითხულობ და არა მებზრდება ხან, ხარხარი ამივარდება. ხან ხმითა ვტირი. ეს მარტო ვაჟა-ფშაველას ცხოვრება არ არი, ფშავის ცხოვრებაა, ჩემი ცხოვრებაა. ვაჟას თბილისში საავადმყოფოში მწოლს, თავისი აფხუ-მოსთავის სათიბი რო ენატრება, მეც ისე მენატრება ჩემი უბისთავის სათიბი და ჩემ თავსა ვტირი. აი, შეხედე ამ ჩემ ბიბლიოთეკას. ჩვენი მწერლებისა თუ უცხოელებისა,

რამდენი მაქ წაკითხული, ბევრი ძალიანაც მამწონებია, მაგრამ გულზე არ მომხვედრია, ისე არცერთი, როგორც ეს შენი წიგნი მომხვდა. ვიცი, ამ წიგნზე ზოგიერთი ეს ჩვენი ფშაველი გიჩხიკინებს – „ვაჟა გაახვესურეო“. მაგრამ იცოდე, ეს მაიმუნობაა, შურია. მაშ ჩემზე რო იტყვიან ძირად ქისტაურია, ღულიდან არიანო. ეს გახვესურება? ფშაველი არა ვარ? მეორეც ჩვენ ერთნი არ ვიყავით ფშაველნიცა და ხვესურნიც. ფხოველნი არ ვიყავით? ოხ, რას გავქადავდი. დანარჩენი სუფრასთან ვიუბნოთ.

ოჯახსაც და თავად ილოსაც უქალისხელობა დასტყობოდა. მითხრა აბა ეხლა მე რას გავაშხადებ. ისევ დამბალ ხაჭოს, ხაჭოერბო უნდა გაჭამო. ხო ვიცი შენ ძალიან გიყვარს და მეც ამას არაფერი მიჩვენიაო. ორი ხაჭოსკვერა შემოიტანა ობმოკიდებული. ჩაშავეებული. გადათლა უნდოდა არ გადავთლევინე. ესეც მოქწონა ჩემგან ილოს. ბლომად ერბოში მოაშიშხინა უცებ. კიტრის მწნილი მოაყოლა, ორი დოქით ღვინო შემოიტანა და მითხრა: – „ორნაირი ღვინოა თეთრი და წითელი. რომელიც გინდა შენ ის აირჩიე. ეს თითო დოქი საკუთრად უნდა დაგიდგათო“. მე წითელი ავირჩიე, როგორც დაბალწნევიანმა.

ჩვენ ჩვენი დოქებიდან შევივსეთ ჭიქები. – აბა გიგი, შენ მოსვლასა და ჩემ დახვედრას გაუმარჯოს! „არ მოგვიშალოსო“ ვედარ ვიტყვი, რადგან „ისე ვარ კილოს მიმდგარი, როგორც მურყანი წყლის პირსა“. ხვალე შეიძლება აღარ ვიყო. ძალიანაც კარგი იქნება. ამ ყოფაში ეხლა მე რო ვარ, მეთაკილება კიდევ სიცოცხლე. წამლებს მიზიდავენ. წამალი სიბერესა და სიკვდილს რას უშველის. ღვინო და თაფლია ყველაფრის წამალი, თუ ესენი არა გშველენ მაშინ აღარაფერი გიშველის. აემ დროულა კაცი ვარ, აქამდე სხვა წამალი მე არ მიმიღია და არც არაფერს მივიღებ. არ ვათქმევინებ არავის სიცოცხლეს ებლაუჭებაო. სიკვდილისა ეშინაო... ეხლაც ამ დოქს ისე დავცლი, როგორც აქამდე ვცვლიდი... შენ მოსვლას, ჩემ დახვედრას გაუმარჯოს!

კარგად შეეძლო ილოს სათქმელის ჩამოყალიბება. ამაში ხელს უწყობდა ნაკითხობა და ფშავ-ხვესურული პოეზიის კარგი ცოდნა. ამიტომ სადაც ის მოხვდებოდა ჭირის სუფრა იქნებოდა, თუ ღვინისა, თამადად ის უნდა ყოფილიყო. მარტო „ღობურ“ სადღევრძელოებს კი არ ჩამოარაკრავებდა, ვითარების და მიხედვითაც შეეძლო ეთქვა ის რაც სათქმელი იყო. თავის შინ ნიდაგ თავად იყო თამადა. მეორე სადღევრძელო ჩქარავე მოაყოლა, ეტყობოდა რო ეჩქარებოდა.

– ეხლა მე შენი წიგნი მინდა დავლოცო. ამის სათქმელად მენატრებოდა შენი ნახვა. შენ გენაცვალე, შენა, ბალო, რა ძალამ დაგაწერინა ეს წიგნი. რა ძალამ ჩაგაგონა ბალოს ვაჟას თანამედროვეთაგან ჩაგეწერა მოგონებები. შენ მოასწარი აბა ეხლა ვინდა რას მოიპოვებს. ამის შემდეგ ვაჟას ცხოვრებისას ვერც ვედარავინ რას დასწერს. ვაჟას შემოქმედებაზე ბევრი გამოკვლევაა დაწერილი. ბევრიც კიდევ დაიწერება, მაგრამ ვაჟას ცხოვრება მორჩა. ეს შენი წიგნი იქნება მანამ, სანამ იქნება ვაჟას ხსენება.

– ზუსტად ესა თქვა თემურ ჩალაბაშვილმა რადიოში – ჩავურთე მე.

– თემური იტყოდა ამას, რა ძალიან კარგი ბალოა. რა ნიჭიერი. როგორ მიყვარს მაგისი ლექსები. სანთელზე რო აქვს: „ბედნიერი ხარ, წვა შევიძლიაო“. მაგასთან ერთად რა ნიჭიერი ახალგაზრდები არიან: ვანო ამირხანაშვილი,

უჩა შერაზადაშვილი, მამუკა წიკლაური, გივი შაჰნაზარი, ნოდარ ჯალაღონია, გივი ალხაზიშვილი, ბადათურ არაბული, ჩვენი ბადათურა, თედო ბექიშვილი, ლაშა გახარია და სხვები. რა ნიჭიერი ბიჭები არიან ყველანი. ყველას კარგად ვიცნობ, ჯარჯის ამოჰყავდა ეგენი თხილიანაში და ჩემი სტუმრებიც იყვნენ. მეც საკლავს ვკლავდი... საღამოობით ტელევიზორთან შიმით ვერა ვჯდები – ძილი მიპარავს შუალამეგადასულში გამეღვიძება, ტელევიზორი ერეკება, მე ტკბილადა მძინავს. ისევ წიგნების კითხვა მიჩვენია, ერთ-ორს წავიკითხავ და მერე ისევ შენი წიგნი უნდა ავილო, ვიფიქრებ ცოტას წავიკითხავო და როგორ შემომათენდება ვერ ვიგებ. არ ვიცი უკვე რამდენჯერა მაქვს წაკითხული. ვკითხულობ და ხან ვხარხარებ, ხან ხმითა ვტირი. აი, ის ადგილები მატირებს, სადაც ვაჟას ყოფაში, ჩემ ყოფასა ვხედავ. უბის თავს უპატრონოდ დარჩენილს ჩემ საყვარელ და საამაყო სათიბებს.

ილოს თითქმის ზეპირად მოჰყავდა ადგილები ჩემი წიგნიდან, ჰყვებოდა იცინოდა და ხან კი თვალები ცრემლში უცურავდა. ვაჟას უბედურ ცხოვრებას ჩვენ უბედურებას აღარებდა, მერე ისევ ჭიქები შევაკეთე.

– გიგი, შენ შეიძლება გაგიკვირდეს და ანა კალანდაძე მინდა ვადღევრძელო, ჩემი „ნაძრახი“, ეს ისე სახუმროდ თორე ანას გულის ნადებისა, მე მაშინ არაფერი ვიცოდი. მინდა შენთან ამოვთქვა, ჩემი გულის ტკივილი. სხვასთან ამაზე არ მილაპარაკია, და არც ვილაპარაკებ. ვიცი გულს გამაცინებენ, იტყვიან ტრაბახობსო. მე ეჭვავდაც კი არ მიგრძენია ანასაგან ჩემდამი რაიმე ინტერესი. როცა ანა გავიცანი ოჩიაურებისას უკვე დაოჯახებული ვიყავი, რანაირად შეიძლებოდა ანასთან რაიმე დამეწყო, რამე გამეხედა. მე მის გაცნობამდეც მისი ლექსები მზიბლავდა. როცა გავიცანი ამას დაემატა მისი სულიერი სილამაზე და კეთილშობილება და განვიმსჯვალე მისდამი უდიდესი პატივისცემით, ბუნებით ძალზე მორიდებული იყო, ხათრიანი, ხმაამოუღებელი. საფიხნოდ ჩამომსხდარი ოჩიაურ-ბაღიაურები სადამო ხანს საქმისთვის რო აიშლებოდნენ, მე და ანა ვრჩებოდით და ვაგრძელებდით ჩვენ მუდმივ სასაუბროს. მას აინტერესებდა ფშაური სიტყვები, მცენარეთა სახელები, ადგილის სახელები. როცა რომელიმე უცნობ სახელს ვახსენებდი, შესძახებდა ხოლმე „ო, ეს რა კარგი სახელიაო“ და მერე იმას მეკითხებოდა, როგორი მცენარეაო, როგორი ყვავილი აქვსო, როგორი ფოთლებით? ასეთი სახელი აქვს, აი, შენც ხო იცი: უკადრისა, სატყრობელა, სასუტელა, კახარა, ფამფარა და კიდევ ვინ მოსთვლის რამდენი რაღაც. სხვებთან მღუმარე, ამას კი ვამჩნევდი, ჩემთან ალაპარაკებოდა, გახალისდებოდა. რაიმე მინიშნება მოწონებაზე, რაიმე გადაკრული სიტყვა, არაფერი მომისმენია. შეიძლება იმიტომაც, რომ ხშირად ხმამაღლა გამოთქმული ჩემი მოსაზრება, „რო მომკლა ქალაქში არ ვიცხოვრებო, მთას არ მივატოვებო“. მისი ლექსები მოგვიანებით რომ გამოქვეყნდა, მიგხვდი, ჩემი ბრიყვული ლაპარაკით, რა ტკივილს ვაყენებდი თურმე ანას. მას შემდეგ აღარ გამოჩენილა შუაფხოში და რომც გამოჩენილიყო, არ ვიცი როგორ შეეხვდებოდი, ან მე რა უნდა მეთქვა მისთვის, ან ანას რა უნდა ეთქვა ჩემთვის, რატომდაც მოთხოვნილება მაქვს ანას ლექსების კითხვისა, ისეთი გრძნობა მიჩნდება, თითქოს თავად ანას ველაპარაკებოდე, ვებოდიშებოდე იმ გულისტკივილისათვის, რაც

ჩემდაუნებურად მივაყენე... კაცო, ისიც კი არ ვიცი, ნეტა ცოცხალია, თუ აღარა. ნეტა ხო ცოცხალია, გავიგებდი ალბათ რო მომკვდარიყო.

– კი, ცოცხალია, წელს შეუსრულდება ოთხმოცი წელი, გამოაცხადეს ეს წელი მისი საიუბილეო წელია.

– არ ვიცოდი, ჩემზე უფროსი ყოფილა ღმერთმა დიდხანს აცოცხლოს...

ილოს ნათქვამიდან მენიშნა ანას საოცარი სიყვარული დიალექტური სიტყვებისა და სახელებისადმი.

თბილისში, როგორც კი შემხვდებოდა ქალბატონი ანა, მაშინვე ფშაურ სიტყვებსა და მცენარეთა სახელებზე მეკითხებოდა, ფორმასა და შინაარსს მახუსტებინებდა. შხვედრის წინ თითქმის ყოველდღე და ხანდახან დღეში ორჯერაც ვხვდებოდი სამსახურისკენ მიმავალ-მომავალნი. მე სულხან-საბას ქუჩაზე ვცხოვრობდი და ვცხოვრობდესაც, ქალბატონი ანა კი ენათმეცნიერების ინსტიტუტში მუშაობდა იქვე, ინგოროყვას ქუჩაზე...

გვიანობამდე შევეყვით მე და ილო საუბარს. მერე იქვე, დაბლა სართულში „საფშავლო“ სასტუმრო ოთახში დამაძინა. ვთხოვე – „დილაზე მე ადრე გავიპარები, შენ ნუ ადგები, ნუ შეწუხდებიო“. ბავშვობიდან დღის შუქი მაღვიძებს, განსაკუთრებით მაშინ, როცა ადრე გაღვიძებას ჩავიყოლებ გულში.

მაშინაც ისე, დილის სისხამზე გამეღვიძა, ფრთხილად წამოვდექი და ჩაცმა დავიწყე. კარიც ფრთხილად შემოიღო, „გაიღვიძე?“ – შემომძახა ილომ. – აბა, მიიარ-მოიარე და მოდი. ჩაი უკვე მზათა მაქვს.

– კაი გითხარი, ნუ შესწუხდებიო, რატომ ადექი. ასე აღრიანად არაფერი მინდა.

– რას ამბობ, დღის საუალ გზაზე მიდიხარ, პურუჭმელს როგორ გაგიშვებ.

ილოს ბლომად თაფლი ჩაესხა ჯამში და ასევე ბლომად ერბო ჩაედო – ეგ უნდა შეჭამო, მუხლს მოგცემსო. იქვე, ორი ხაჭოსკვერა შეეხვია ქაღალდში – ცოტადა დამრჩა, მაგრამ რომ არ გაგინაწილო არ შეიძლებაო. შენი სული არ მომასვენებსო.

ჭიშკარში რომ გამომაცილა, მითხრა: „რა ვიცი აბა, როდის გამოხვალ. მნახავ კიდევ ცოცხალსაო?“

გაღამეხვია. მე დავაიმედე, აუცილებლად მალე სადმე გნახავ-მეთქი.

დილის 6 საათზე დავადექი გზას, ვიარე, ვიარე და თითქმის 4 საათი იყო, როცა ჩემი სახლის ფართო აივანზე ჩამოვიხსენი ათმაგად დამძიმებული ზურგჩანთა და ასევე ჩემ საძინებელ ფართე ტახტზე გავიშოტე, ძალზე დაღლილი და ძალზე გულდასვენებული.

ილო ფხოველს, როცა შევპირდი „მალე გნახავო“, სადღაც სექტემბრის დასაწყისს ვგულისხმობდი. ვფიქრობდი, იმ დროს მაინც ჩამოვიდოდი თბილისში. მეც მაინტერესებდა მისი კიდევ ნახვა, რადგან უამრავ საინტერესო რამეს იხსენებდა. მაგრამ ჩემი მცდელობა ამაო გამოდგა. ისე წაიწყო საქმეები, რომ ბარად ჩამოსვლა კი არა, როგორც იტყვიან, თავის მოსაფხანად არ მეცალა. გაჭირვების გამო, ფუტკარი 30 ძირამდე მყავდა მომრავლებული და მათი მოვლა გათუნებინა დაღამებამდე შრომას მოითხოვდა. ამასთან ერთად მოსავლის მოყვანასაც არანაკლები

დრო სჭირდებოდა, ეზოების გათიბვას, თივის დამზადებას, თივას რაკი იაფად ვაძლევდი მეზობლებს, იტაცებდნენ და ზამთრისთვის საკმარის ერბოსა და ყველს მაძლევდნენ. მერე მოდიოდა მოსავლის აღება, ამას მოჰყვებოდა კაკლების ბერტყვა და ვაშლის კრეფა. ბოლოს ცოტა წანადირებაც უკვე გასუქებულ დათვებზე და გადაწვევით ილო ძველ საახალწლოდ მომენახულებინა. აღარ დაგვცალდა. დეკემბრის შუა რიცხვებში უკვე თბილისში რომ ვიყავი ჩამობარგებული, ვილაცამ დამირეკა: „ილო ფხოველი გარდაიცვალა, დასაფლავება ხუთშაბათს არის ჩინთშიო“. მტყობიარემ უცებ დაჰკიდა ყურმილი. ანკი რაღა იყო სალაპარაკო. ილოს სიკვდილის გაგონება ისე არ იყო მოულოდნელი, როგორც ის, რომ ჩინთში ასაფლავებენო. ეს ამბავი სენცეცხლასავით მეცა. ჩემი თავის უკმაყოფილო ვიყავი, პირობა რომ ვერ შევუსრულე, ვეღარა ვნახე.

ხუთშაბათ დღეს დილიდანვე ავედი. ბევრი ხალხი მოსულიყო, ახალი მთავრობის მადლს უკვე გაეჭრა, შემალული ხალხი გამომძვრალიყო სამალავებიდან. ამოდრავებულიყო ქვეყანა. ილოს კი იმდენი ჰქონდა დათესილი, რომ ვალმოუხდელს არავის დასტოვებდა, არც მთაში და არც ბარში.

მე პირდაპირ ილოს შვილს – თამაზს დავეტაკე: „ჩინთში რატომ ასაფლავებთ-მეთქი?“

მართალი ხარ გიგი, მაგრამ დროებით ვასაფლავებთ. გზები ყოფილა ჩაკეტილი, დიდი თოვლია და დიდი ზვაგებიო. გაზაფხულზე აუცილებლად გადავასვენებთო.

გაზაფხულზე, აღგომების ხანს თამაზმა დამირეკა: – მამა უკვე გადავასვენეთ თბილიანში, ქელჯის კი ხალარჯობას ვაპირებთო. მთიელები არა ყოფილან ზამთარში, ვერავინ ჩამოვიდნენ ბარად და იმ დროისთვის შენ კიდევ შეგატყობინებთო.

მთაში, და კერძოდ ფშავსა და ხევსურეთში ვერეა, ზამთარში როცა ვინმე მოკვდება, როცა დიდთოვლობის გამო გზები ჩაკეტილია, ვერავის შეატყობინებენ და ვერც არავინ მოვა მიცვალებულს სამარხის გარეშე დაასაფლავებენ, სამარხს კი ზაფხულში გადაუხდიან. ეს ხდება ამდღეების ერთი კვირის შემდეგ სულთა მოფენობის, სულთა კრეფის დღეს, რომელსაც ფშაელები ხალარჯობას ეძახიან. ამ დროს ბუნება უმადლესად არის მომძლავრებული, ფოთოლ-ბალახისაგან არი ჩაბურული. მთები, ტყეები, ფერდობები ყვავილად ქცეულ მცენარეებისაგან რძე და თაფლი წვეთავს, სიცოცხლე უხარია ყოველგვარ არსებას და მათ შორის რაღა თქმა უნდა, ყველაზე მეტად ხარობს ადამიანი. და აი, ასეთ დღეს ძნელია დამწუხრება და სიკვდილზე ფიქრი. თითქოს განგებ არისო ჩაფიქრებული ამ სიცოცხლით ტკობის, ჟამს მწარე სიკვდილის სედა.

თბილიანას სასაფლაო სოფლის გვერდზეა, სოფლის კალთაზე. სანამ მე კაწალხვევიდან ფეხით ავედი, უკვე მოგროვილიყო ხალხი უკანა ფშავიდანა, თუ ჩარგალ-მადაროსკარის თემებიდან. გამიკვირდა, ისე ცოტა ხალხი იყო, ვიკითხე, რატომ არის მეთქი ცოტა ხალხი:

– სადღაა გიგი ხალხი – მიპასუხა იოსებ ციგროშვილმა, დაცარიელებულია მთელი ფშავიცა და ხევსურეთიც. ქალი თუ კაცი ზოგი ქალაქში გაიქცა, ზოგი საზღვარგარეთ, ლუკმა პურის საძებნელად. გამახსენდა საბჭო-

თა კავშირის დროს მორაული ანეკდოტი – ჰვევბოდნენ: „გურულს ჰკითხეს: „საზღვარი რო განხან რას იზამო?“ „ხეზე ავალო“ – უპასუხა. „რატომ ხეზეო“ „ხალხმა რო არ წამლეკოსო“.

მესაზარლა გაუკაცრიელელებულ წყალ-ჭალებისა და მთის ფერდობების ხილვა. მორიგი ჟამიანობა დასტენ-ოდა თავს ფშავ-ხვესურეთსა და მასთან ერთად მთლიან კავკასიას. ჩამიჩუმი არ ისმოდა არც ოჩიაურთა კარიდან. მესაზარლა დაცარიელებული სამოთხეს დამსგავსებული ქვეყნიდან გაქცეული ხალხის ყოფის წარმოდგენა. ყველაზე გულსაკლავი კი მაინც ილო ფხოველის გარეშე გაჩენილი სიცარიელე იყო. გულსაკლავი იყო იმის წარმოდგენა, რომ ფშავის მშვენება მიწაში იწვა. გავცქეროდი

არაგვის ჭალებსა და მეჩვენებოდა, რომ ის ფერი აღარ ელო მთებს, შუაფხოდანაც აღარ ისმოდა ჩამი-ჩუმი, ილოს გარეშე კიდევ უფრო მეტად დაცარიელებული მეჩვენებოდა ფშავი. მითხრეს ოჩიაურ-ბალიაურნიც აღარავინ არიანო. თვალწინ მედგა შუაფხოდან გამომზირალი ანა კალანდაძის სვედიანი მზერა, ცრემლში აცურებული მისი თვალები. თითქოს ჩამესმოდა მისი წყნარი ჩურჩული, მისი ამაო ძახილი:

„გადმოდი გადმოაშუქე ლურჯთხილიანას კალთები, რა დაშავდება, არც რაი განახავ და გამიხარდება“.



ნანაი სამუხავეილი

* * *

ჩაიარე ჭალა,
ფიცხი ლურჯა ცხენით,
გული დარდს ვერ მაღავს,
შუბლი შეჰკარ წყენით,
აღარ დადხვდა ქოხი,
არც ცხვარ-ბატკნის ფარა,
ქედს ბეჭებში მოხრილს
ნისლი აწვა წყნარად.
ქარი აღმა ჰქროდა,
წყნა ღრუბლის ნახევს
და ნისლივით კრთოდა
ფიქრიანი სახე.
გაგერიდა ბეჩავს
შემოდგომის ქარი,
სევდა სხეულს კბეჩავს,
მოგენამა თვალი.
ვაი, ბედს რომ ეს სურს,
გაწყდეს გულის ძალი,
შევიყვარდა ხვესურს
ერთი ქისტიის ქალი.

შორს გადექი სვედავ,
დარდს გადიყრის როდის?
რა გაუძლებს ნეტავ,
გაზაფხულის ლოდინს.

მონასტრის კართან

ერთ წამს შევჩერდი მონასტრის შესასვლელ კართან, და არაფერზე არ ვფიქრობდი, გარდა ერთისა: მუდამ მართალი თუ ვიყავი საკუთარ თავთან, ხომ არ დაუკარგე მოწიწება ღვთის და ღმერთისა. გრძნობებჩანცხრალი თუ გახდება სამყარო ნეტავ, სულის ფორიაქს დაადგება საშველი როდის, ვიღაცა ჩვენში უტუნ სულის ნარჩენებს ხედავს, თავის საამოდ ჩვენს სისუსტეს დაუწყებს ლოდინს. განცდები ბევრჯერ მონიშნულ ზღვარს გაშორდა, გასცდა, ემოციები უკითხავად ჩვენს გრძნობებს მართავს, ძნელი ყოფილა ამა ქვეყნის ტკივილი, განცდა, ერთ წამს შევჩერდი მონასტრის შესასვლელ კართან.

ზედის ვარსკვლავი

ფიქრებში გართულს დღე გამპარვია,
მზე ცის კაბადონს დატოვებს მალე,
მაღალ ტალავერს, მწიფეს, ქარვიანს,
მწუხრში გაახვევს სექტემბრის ღამე.

ცას შეაჩეჩებს დათალხულ ფარჩას,
მზეს თან გაატანს ოქროსფერ ღიმილს,
ვიცი, ნაღველი შიგნით რომ დარჩა,
არ გამომილევს სევდას და ტკივილს.

ჩაათურებენ ფერდობს ნისლები,
ჩაიშლებიან ამაღამ ხევში,
მკერდს გააპობენ მწუხრის ისრები
და უძილობაც შემრჩება ხელში.

მოფრინდებიან თეთრი მტრედები
და სასთუმალთან დაჰყრიან სიზმრებს,
საოცარია: დაღლილს ვედრებით,
ზედის ვარსკვლავი ღიმილით მიმზერს.

როგორ ჩამოდნა

გული ჩქარობდა,
 სულიც ჩქარობდა,
 ჟამი ჩქამობდა,
 დარდიც ჩქამობდა,
 მარჯვენა მხარზე
 იღბალი მეჯდა,
 ჩემგან გაქცევას
 როგორ ჩქარობდა.
 გული წვალობდა,
 სულიც წვალობდა,
 ჟამი ავობდა,
 დარდიც ავობდა,
 მთების კალთაზე
 მზის სხივის ფერი,
 სადღაც მიმალვას
 როგორ ლამობდა.
 სულ მარტო ვიყავ
 ფიქრებს მიკრული,
 მტკრიან ბილიკზე
 ქარი ჩქარობდა,
 სიბერის კართან
 დარდად მისული
 გული ჩქამობდა,
 სულიც ჩქამობდა,
 ახალგაზრდობა ზღაპარს მიბმული,
 როგორ გამიქრა, როგორ ჩამოდნა.

მახსენდება

მახსენდება ორწოხები,
 ცაღაწვდილი ის მთები,
 საღაც უხვად იღვრებოდნენ,
 ზღაპრები თუ მითები,
 სიცოვისგან გათოშილი
 ჯერაც ნორჩი თითები,
 ვერხვის ტოტზე შემომჯდარი
 ოცნებები, ფიქრები.
 მახსენდება ერთი ბიჭი
 ზაფხულს როგორ ელოდა,
 მდინარეზე სულ პატარა
 სარეკელა მდეროდა,
 ჩონგურის ხმა რომ ისმოდა
 ცაცხვის დიდი ჩეროდან,
 კლდეში, მაღლა ალი სთვლემსო,
 პატარა ბავშვს მჯეროდა.
 მახსენდება ცივი წყარო,
 კვლავაც, კვლავაც ის მთები,
 შუაცეცხლთან მოლხობილი
 გათოშილი თითები,
 პაპისაგან მოყოლილი
 ზღაპრები თუ მითები.
 გული მწყდება იმ წალკოტში
 ვიცი, ვეღარ ვიქნები,
 სხვა მიწაში დამყვრება
 გულზე თოვლის ფიფქები.

ზემო

მზის სითბოზე ჯორკოს სკამით
 გამოსულა გარეთ ბებო,
 თავსწაკრული ხილაბანდით
 გადაჰყურებს ტყიან ფერდობს,
 ნაზამთრალი მყიფე ძვლები
 გაზაფხულის სითბოს ენდო,
 მზის სურნელი მორევია
 სახლის ირგვლივ ეზოს, ერდოს...
 და თვითონაც აპრილს ჰგავდა
 ასწლოვანი ბებო ერთდროს.

გავისხენებ

შეიმღვრევა გაზაფხულის ცა და
 ბაღში ხეებს ძილბურანში გახვევს,
 მზემ დღის ბოლოს გაღიმება სცადა,
 ღრუბლის ქულამ დაუფარა სახე.
 აიშალნენ ვარსკვლავები ცაზე,
 ბალახს ნამი დაეფინა მძივად,
 ნაკადული მღერის დაბალ ხმაზე,
 ღამის ზღაპრებს ხის რტოებში სძინავთ.
 მოგონებებს ჩემთან ახლოს ვიწვევ,
 ბავშვობასთან საუბარი მინდა,
 იქნებ დარდი ბნელ კუთხეში მიწვევს,
 მთელი დღე რომ გულის სარქველს ღრღნიდა.
 თავს გადაუხსნი გადამტყვერულ ამბარს,
 მივიწყებულს გავაღვიძებ სევდას,
 გავისხენებ იმ შორეულ ამბავს,
 გზაბნეულს, რომ მეძებდა დედა,
 გავისხენებ მდინარესთან ჭადარს,
 ციხე-კოშკის შემორღვეულ ქონგურს,
 ჭადარა მთებს სულ ზღაპრების სადართ
 და ცაცხვის ქვეშ ამღვრებულ ჩონგურს.
 გავისხენებ ბალახიან შარას,
 წყაროს წყლისკენ, რომ ჩავრბოდი თავქვე,
 უნაგირას ვიცი ნისლი ჰფარავს
 და ღრუბლებმაც იქ შეხვედრა დათქვევს,
 გავისხენებ გვერდმოქცეულ წისქვილს,
 თეთრი თოვლით გადაფენილ ჭალას...
 დრო კი სადღაც უთავბოლოდ მიჰქრის,
 თან ბავშვობის ნატერფალებს მალავს.

გალაქციონი

მწვერვალზე იდგა, დაჰფენოდა ლაჟვარდის ფერი,
 (უფალმა არგო ცასთან ახლოს ყოფნა და დგომა),
 ეთხოვებოდა მისგან უკვე შორს წასულ მერის,
 ტიროდა გული, მონისლული, ვით შემოდგომა.

წვედიადს ნატრობდა, რომ სიმშვიდე იქ მოეძია,
 სულის სიმებს კი აწვალბდნენ სევდის რითმები,
 იცრემლებოდა ლექსის პწკარი, თვით პოეზია,
 სადღაც სიღმეში ჩამალულნი თვლემდნენ ფიქრები.

ის ზეცას ჰგავდა, თავის ნიჭით, თავის იერით და მისი ძალა სტრიქონებმაც უმაღლვე იგრძნეს, ნათელ გონებას არ ჰყოფნიდა თვალსაწიერი, ცდილობდა ლექსში მოექცია სამყაროს სიბრძნე.

მონამულ თვალთ შესცქეროდა მზის სახსე ცარგვალს, ცრუ წუთისოფელს შერჩენილი უიღბლო, მარტო, დღევანდელი დღე მწუხარების სხვა დღეებს არ ჰგავს, ობოლი სული როგორ შფოთავს და როგორ დარდობს.

მწვერვალზე იდგა, დაჰფენოდა ლაქვარდის ფერი (უფალმა არგო ცასთან ახლოს ყოფნა და დგომა), ეთხოვებოდა მისგან უკვე შორს წასულ მერის, ტიროდა გული, მონისლული ვით შემოდგომა.

ყშიძას მონოლოგი

ქვეყნად ბევრი რამ მწყენია, გულში არა მაქვს ძვირად, სევდა რამ შემომჩენია, რაღაც ოხრად და ჭირად,

ფიქრთან ლაყობა მჩვევია, ჯგური არ მიღირს ჩირადა, ის მაღალ მთები ჩემია, ხვესურ კაცი ვარ ძირადა. უცხო ზნე შემომეჩვია, სხვანაირ ვიყავ წინადა, სულ არ მიყვარდა ტრაბახი, გულს დარდის ჩასაძირადა, სწრაფ ვიყავ როგორც ჩახმახი, ჩემს ვაჟკაცობის წილადა, ეხლა სიბერე ვაგლახი იქცევა გასაკვირადა, ბევრი მესროლა ტალახი, გამწირა თავის წილადა, წელში მომხარა, დამამცრო, მაჩოქებს ხრამის პირადა, გინდაც, რომ სული გამაძროს, სიცოცხლ დამისვას ძვირად, ზამთარში ყინვით დამაზროს, არ გადვიქცევი მღილადა, ვერ შესძლებს მუხლში მომხაროს, მტერს კვლავ ვეყოფი ჭირადა.



მოჰყვება მზე და სიყვარულისფერ ყვაეილებს გაშლის.

ხელი ჩაჰკიდეთ, კაცებო, ქალებს, გზა იდოს ახლო, ან თუნდაც შორი, ცხოვრებას უღრის, როცა მოდიან ქოლგის ქვეშ ორნი...

და როცა უყვართ და როცა გრძნობენ, რა ადვილია ღრუბლებში ცურვა, შეყვარებულებს, მეგობრებს, ცოლებს, სჭირდებათ ზრუნვა... ხელი ჩაჰკიდეთ, კაცებო, ქალებს...

ნინო მოდრაქილაძე

ხელი ჩაჰკიდეთ, კაცებო, ქალებს

ხელი ჩაჰკიდეთ, კაცებო, ქალებს და აედევნეთ ლამაზად ქუჩებს, თუგინდ ზამთარი მზის სხივებს კლაგდეს, თოვდეს ან ქუხდეს!

გადმოსულ სითბოს ხელიდან – ხელში, გულიდან – გულში, ტანიდან – ტანში,

არაფინ არი

რაც სიყვარულად უნდა იქცეს, ქარმა წაიღო... ახლა დაგტირი გადამსხვრეულ ლორთქო დეროებს, ოცნებებისას, ღმერთმა ნუ ქნას, არ მაპატოის მიწამ ქვადქცევა, ამაცილოს ფიქრის ჩეროებს... სადაც მუხლჩახრილს ჭირისუფლად ცრემლებგამშრალი ჩაძაძული და სიტყვამეირი დამე მდარაჯობს, რადგან ამქვეყნად, მომკალი და არაფინ არი, არაფინ არი, – მისმინოს და მელაპარაკოს...

აღდგომის დღია

დგება სანთლისფერი დილაღამიანი, სული ფორიაქობს, ყველა სიხარული ერთად აღებული ამ დღეს ვერ იწონის, სადღაც ცხოვრებაა, მე კი ჩამოვმჯდარვარ იქვე შორი-ახლო, დარღით მსუბუქ-მძიმე, ჩემი სამყოფით და თითქმის ჩემი ტოლით

ქვემოთ ნიშია და დილათენების თუ ღამისმთევველები უფლის აღდგომის და სულის ცხონებისას ტკბილად ხშიანობენ, ხშირად მეფანტება ფიქრში სიტყვები და გულში იმედები, ხან რომ ბუჭუჭვენ და ხან რომ კიაფობენ.

დგება სანთლისფერი დილაღამიანი, ღმერთო, ვფორიაქობ, ყველა სიხარული, ერთად აღებული, ამ დღეს ვერ იწონის, სადღაც ცხოვრებაა, მე კი ჩამოვჯექი იქვე შორი-ახლო... ისე დავიკარგე, ჩემი თავი მეძებს, ასე ჩემი ტოლი...

შენში გაზაფხული

ქარმა და გიჟმაჟმა ამინდებმა უნდა მომიყვანონ გაზაფხული, გული მერცხალივით მოფრთხილავ მკერდს ათი ზეცით ამიცილონ და სადღაც თოვლ-ტალახს ამოკრული ვარდისფრად ალანძული ენძელები ამოსხან, ამოაკისკისონ, ამოსხან, ამოაგზისპირონ.

მზე შორეთს მოგზაურად დაკარგული ორთავ თვალის ჩინად დამიბრუნონ, რომ მერე ჩემებურად ამოვქსოვო მიწის სურნელი და მზის ნართი... რომ მითხრას დედამიწამ უყვარხარო, რომ მითხრას ამ სამყარომ – ჰყავხარო... რომ მეც დაუხარო მშვიდად თავი, მეც რომ შენსწორობა ვახარო.

რაღა დროს სიმორცხვე და სიხმრებია, ანდა რა იწილო და ბიწილო, ქარია, მეც ქარით ვიხილები, ქარია, მეც ქარით ვღვიძილობ. ოღონდ შენში იყოს გაზაფხული, ოღონდ გხედავდე და გისმინო.

სინანულისა

ეს გაზაფხული ისე გავიდა, მზემ ერთი სხივიც არ გაიმეტა, მე დავიხუჭე ისევ თავიდან, ის კი მალულად სხვასთან წავიდა.

ვთვალე წყვილ-წყვილად ჭრელი ღღებები ცაო, სულ უნდა ქუხდეს და წვიმდეს? სად დაიძალა? – მე ვიხილები, ის კი გარბის და გარბის და მივდევ.

რატომ? – რომ ვუთხრა, წასვლას გაპარვით სჯობდა მოხდენით გახურვა კარის, მდინარეს თუ ვერ გადავლახავდით, ერთმანეთს მაინც დავინახავდით.

ისევ

ისევ ჩავიცვი შემოდგომის ფერთა ზაფერდი, თვალს დავხუჭავ და ვხედავ, როგორ მოდიხარ ჩემკენ, ოცნების ქონში ვიცხოვრე და ისე დავბერდი, შენს ჭრელ კოფთაზე ერთი ღილიც ვერ დავაკერე.

ქარს მიჰყვებიან დაუმჭკნარი ყაყაჩოები, პეიზაჟს ცისფერ ჩარჩოსავით ამკობს ცის კიდე, ვიქნები, ვიდრე ვიქნები და განმარტოებით მღვარ ჩემს ქონხმანში მარტოობას გამოვიტირებ.

რა უცნაურად იწერება ეს ღიდი წიგნი, უფურცლო, უყდო, გაცრეცილი, ძველი და მძიმე, ერთი სიცოცხლე გვეძლევა და ერთი სიკვდილი და სიყვარული, თუ ნახე და ხელი ჩაჰკიდე.

მზის საგალობელს შემოსძახებს ქერონა ჩიტი, ვახელ თვალებს და ვხედავ, როგორ მიდიხარ ჩემგან, დღევს ყოველთვის შენი სუნთქვის მიხედვით ვთვლიდი, ასე ვკინძავდი უსასრულო ფიქრის კალენდარს.

ის იანვრები

ის იანვრები მაინც სხვა იყო, წელში რომ ხნექდა დათოვლილ ლეღვებს, დღესასწაული წლებმა წაიღო, დარდი ამივსებს სიბერის ბეღელს. ვიხსენებ... როცა ქარი ხმელ ტოტებს ქვითქებოდა გზნებით, ზათქებით, დღემდე ზამთარი მაბარებს ნოტებს, ბავშვის თითებით და გაცხარებით... ღამით საათის წიკწიკი, როგორც ჩვილის კისერზე ფეთქვა ძარღვების, დილით თეთრი გზა... კისკისი გოგოს გაბრუებული სიზმარ-ცხადებით... გოგო მირბოდა, ხრაშუნი თოვლის ერთიმებოდა სტიქიას გულის, დღეს კი პეპლები კვდებიან ხსოვნის და ხვალის დღეშიც ბინდია სრული. გათოშილ ხელებს, დამზრალს ყინვისგან რა სიყვარულით – სულზე გიწვდენდი, ახლა ხელები თავქვემ მიწყვია, როგორც უთქმელად მკვდარი სიტყვები. და აღარ ვიცი, სწყალობ ვის სიხმრებს, ვის იანვრებში ელაგ ნაპერწკლად სადაც ვიხსენებ, იქვე გივიწყებ – და მაინც გულში ეჭვად გამკენწლავს... რა იქნებოდა, შეგყვარებოდი... რა იქნებოდა, გყოლოდი ცალად, მე გათოშილი რომ დაგეძებდი – შენ კი... ადექი და გამეცალე...

თელავის ჭადარს

დრო-ჟამის გრიგალებთან ვით ზავდები
 ჭადარო, საუკუნეთ ჩამომთვლელი,
 ერეკლეს პერანგი და მუზარადი,
 ან ჯვარი... ბზის ტოტიდან ჩამოთლილი...
 გაფიცებ, მართლა ნახე თვალშეკლებით?
 ან ცხადად, ან სიზმრით, ან ფიქრებით,
 მიაბზე, ძველთაძველი ქართველები
 რა დარდს ატარებდნენ გარინდებით?
 დაბრძენდი, ამინდებთან აღარ დავობ,
 სუნთქვააყოლილი ქარის ორგანს,
 ერეკლეს პაპის პაპამ ხომ არ დაგრგო,
 ერეკლეს ხსენებაზე რატომ ბორგავ...
 ჭადარო, თელავს განმად ებარები,
 წვიმს და ღამეები დგება მომცრო,
 მოვდივარ, ტკივილებზე გე – ფარები,
 მოვდივარ, რომ სანატრელ ამბად გამცნო...
 რისთვისაც საუკუნეთ გაუძელი,
 ჭადარო, ხებრძენო და ფოთოლანცო.

ჩემს სოფელში

აქ, ჩემს სოფელში, წუთისოფლის მზე არ ბერდება,
 პირს დაიბანს და გადმოაფენს სხივთა დალალებს,
 და თემოსავსე დედამთილებს – მთებს გაუღიმებს...
 ნატიფ სხეულზე კაბა მოსავს მზეს ხელთუქმნელი,
 ცივ მდინარეთა მომარბამე წყლის ატლასების,
 მწუხრზე მარჯნისფერ-მოქარვისფრო ქობ-არშიით,
 განთიადზე კი გვირილების ოქროს მაქმანით.
 აქ, ჩემს სოფელში თმაქოჩორა ვაჟებს არ სძინავთ,

ტყის უმცირესი ფოთლის სუნთქვაც ესმით და სიზმრებს
 მიწის ძარღვგახსნილ წყალწმინდას და უმძრახს ატანენ,
 რომ შეიძლება ეს სამოთხე ზვალ აღარ იყოს,
 ზვალ აღარ იყოს, ასე გახდეს სოფელყოფილი.
 აქ, ჩემს სოფელში ასულები მოგპვანან ფრესკებს,
 თავთავებოვით დაპურებულ მკერდებით დააქვთ
 ფუძე-კარის და ჯიმ-ჯილაგის არმოშლის აღთქმა...
 და ლეგენდებით და მითებით თავმოდგმულ ზამთრებს
 თიხის ქილებში, გაყვითლებულ ზავსებს აცლიან.
 აქ, ჩემს სოფელში შავოსანი დედების ხელებს
 საკმეველის და მინდვრის ფხალის სურნელი ასდის,
 აქ ყოველდამე იხარშება ცრემლით კორკოტი,
 რომ მზის ამოსვლას დაასწრონ და ცრემლმოწმენდილზე
 ჩამოარიგონ ქვრივ-ობოლთა კარდაკარ ლოცვად.
 აქ, ჩემს სოფელში უხუცესი დგას მეციხოვნედ,
 სინდის-ნამუსის, მტყუნ-მართლის საცერ-სამტკიცით
 და დაკოწილი წყვილი ხელი ფქვავს და ატარებს,
 ფქვავს და ატარებს, ფქვავს და ღერღვს ცხოვრების მარცვლებს.
 აქ, ჩემს სოფელში წუთისოფელს ბეწვის ხიდი აქვს,
 ხელისცეცებით მიმოდინ მიწის სტუმრები,
 იხარჯებიან, ფსებიან და გადმოდინ
 ზოგჯერ უჭურჭლო სულიდან და სახელებიდან.
 ხოლო ქვიტკირის ქვა-ღობიან ფიქრის სახლებში
 წუთისოფელი სოფელს უთმობს ბოლო წუთის ფიქრს,
 სადაც დედები დედის ჯვრით და რწმენის ფარ-ხმალით
 ებრძვიან დამეს უძილობას მზერააყოლილს,
 ებრძვიან დაღლას,
 ცრემლს და ტკივილს,
 და იმარჯვებენ!



ნიწო ალადაშვილი

ფოთოლი

ხესმოწვეტილი მე ვარ ფოთოლი,
 ყოფნა-არყოფნის ტკივილი მტანჯავს
 და როგორც ამბავს, ქარის მოჭორილს,
 დრო მეც უკვალოდ გამაქრობს ალბათ.

უხმოდ დავტოვებ დღეებს, დარდიანს,
 ან საყვედური უშველის რაღას?!
 როცა ხვდებიან შიშვლად განთიადს,
 ხეებს ვპატიობ ფოთლების დაღატს.

იქნებ ეს არის ბედი ობოლის –
 მინდობილია უცნობ ამინდებს,
 ხესმოწვეტილი მე ვარ ფოთოლი,
 ქარს ვუცდი... ნეტავ, საით წამიღებს?!

სიყვარული სსსენი ნიშნებით

ვსვამ კითხვის ნიშნებს და
 ვკითხულობ ყველაფერს
 თუმცა კი პასუხი
 არასდროს არა მაქვს.
 ვინა ვართ?
 რატომ ვართ?
 რისთვის ვართ?
 სადა ვართ?
 ან იქნებ საერთოდ
 ამქვეყნად არცა ვართ???
 ორწერტილს მოჰყვება
 სახელთა სიმრავლე,
 ათასჯერ ჩამოთვლილს
 ათასჯერ ვინატრებ:
 თვალები,
 ფერები,
 წუთები,
 წამები,
 დღეები,
 ხელები,
 თითები,
 მკლავები.
 ვჩერდები, სადაც ვსვამ
 მძიმეს და ვისვენებ,
 ვიშორებ სიმძიმეს
 დახრილი მხრებიდან,
 სულს ვითქვამ,
 შენც გინდობ,
 გეცლები ხელიდან,
 ვიცი, რომ მძიმე ვარ
 ხანდახან შენთვისაც.
 ვაგრძელებთ... მივყვებით
 გზად მრავალწერტილებს...
 ვნებდებით გრძობებს და
 ცხოვრების წყვეტილებს...
 გზას ბოლო არ უჩანს...
 გრძელდება ხაზები...
 ჩვენ ისევ მივდივართ...
 ჩვენ ჯერ არ ვმთავრდებით...
 შენ – მარჯვნივ,
 მე – მარცხნივ,
 შუაში ტირია,
 შენ – იქით,
 მე – აქეთ,
 მანძილი მცირეა.
 ხან – გვეოფს,
 ხან – გვაერთებს –
 ხანდახან ხიდია.
 ერთად ვართ და მაინც
 ცალ-ცალკე მივდივართ.
 გეძახი! მოგიხმობ
 ძახილის ნიშნებით!
 ოღონდაც მოვიდეს
 შენამდე ჩემი ხმა!
 მისმინე!!!

შენი ვარ!!!
 მიყვარხარ!!!
 მიყვარხარ!!!
 ვიძახი და თან ყელს
 ძახილით ვილაღრაგ.
 და ბოლოს, არ ვიცი,
 საითკენ მივდივართ,
 ვერ ვხედავ ერთ ნიშანს
 სასვენთა რიგიდან.
 თვალს ვხუჭავ კვლავ და კვლავ
 და ხელსაც არ დავძრავ.
 მე წერტილს არ დავსვამ!
 მე წერტილს არ დავსვამ!

მინატრე

მომიხმე ისევ იმგვარი ჟინით,
 ვით ხარირეში მოუხმობს მიჯნურს,
 როგორც ტოროლა სისხამზე, დილით,
 სატრფოსთვის სტვენას მოჰყვება გიჟურს.

მინატრე ძლიერ... ისე მინატრე,
 კვლავ უჩემობა ჩაგიდგეს ტანში,
 რომ ატეხილმა ვნების მდინარემ
 ყველა ჯებირი წალეკოს წაშში.

მოგიხმე ისე, ვით მწყურვალს წყარო,
 ან ველად გაჭრა აწყვეტილ რაშებს,
 მოგიხმეს ჩემი ტუჩების გემო,
 ეძებდე თვალებს, სველსა და მლაშეს.

აწყვეტილ დილებს მიშლიდე ტერფთან,
 იპყრობდე ნებით თვითუღელ მტკაველს,
 ეწაფებოდე ალექსილ მკერდს და
 ლოდინით შეშლილ, გათანგულ მკლავებს.

მე წუთებს ვითვლი უშენო დღეთა,
 ვაოკებ დამეს, სანამ ინათებს,
 სურვილს სხეულით მოვიტან შენთან,
 მომიხმე ოღონდ... ოღონდ მინატრე.

შემოდგომა გომბორზე

წავიდეთ სადმე!
 ნოემბერი მოგვიხმობს ოდეს...
 გომბორზე ახლა შემოდგომა
 ხეებში იწვის,
 ძვირფასო, მინდა პაემანი
 ფოთლებთან გვექონდეს,
 ვიხილოთ ფერთა აგონია,
 ამ დროს რომ იცის.
 წავიდეთ!
 უკვე ქარვისფერი დააღწა ტვერებს
 და თითქოს ჯიბრით,
 არ მკრთალდება ცა – ლურჯად მდგარი,
 წავიდეთ, სანამ ერთადყოფნას

მზე მოგვიტევებს,
 დაგვედევნება გზაარეულ
 ღრუბელთა ჯარი.
 მეწამულ ქორწილს გადაგვიხდის
 ფოთოლთა ცვენა,
 ნეკერჩხლის ხეებს შეაკვდება
 ჩურჩული ფიცის,
 ძვირფასო, ჩვენთვის ნომბერი
 გამართავს სცენას,
 გომბორზე ახლა შემოდგომა
 ხეებში იწვის.

გამოსათხოვარი ყაყაჩო

ყაყაჩოები ვიცი, ახლა
 ჩემს თავს გაგონებს
 (ისევ მეწამულ ნიაღვრებად
 მოსკდა მაისი),
 განსენებს სურვილს, წითელ კაბას,
 უნმო ამბორებს,
 მასაც, თუ როგორ ვერ ვიხილეთ
 ერთად დაისი.

შენ ალბათ ხედავ ჩემს ოცნებებს,
 ვერახდენილებს:
 თითქოს მიგყავარ ბალახებში
 თვალახვეული,
 თითქოს გრძნობებმა ალისფერად
 ზეცაც შენისლეს
 და უთრთის... უთრთის ყაყაჩოებს
 თხელი სხეული.

იქნებ ყვავილებს ესმით ჩვენი
 სულის ძახილი?!
 საკუთარ სუსტ მხრებს მიანდობენ
 ნაფიქრალს წამსვე,
 ან იქნებ სულაც არ ყოფილა
 ასე ადვილი,
 იდგე მინდორში გამოუთქმელ
 ოცნებით სავსე.

მე ვიცი, როცა მაისის მზე
 ისევ გაგათბობს,
 მოგენატრება ჩემი სახე
 ფიქრებით დაღლილს,
 მიესალმები გზადშეხვედრილ
 კეკლუც ყაყაჩოს
 და ისიც უმალ, ჩემს მაგივრად
 წამწამებს დახრის.

გამოიდარემს

სულ ერთი დღეც და გაზაფხული გაიაპრილებს,
 ჩამოიტოვებს უკან მარტის დღეებს, შლევანს,
 გადიდგულდება, გადაიშლის მწვანე ნაპირებს,
 ფერად ყვავილთა ნიაღვრები ამოსკდებიან.

უკვე დრო არის... ალბათ მალე გამოიდარებს,
 ატმის ხეები სიხარულით გაიკვირტება,
 გულო, ერთხელაც გაუძელი ქარიან ღამეს,
 ხვალ წავა მარტი და მოიყვანს აპრილს ტიტებად.



ზაირა ფრუიძე

* * *

ნაწვიმარ დილას ეტყობა მოწყენა,
 სამარესავით სიჩუმე მაშინებს.
 ეს დილა გათუნდა რაღაც სხვანაირი,
 ეს დილა სულ არ გავს რატომღაც მაშინდელს...

მაშინ ხომ მივსდევდით წვიმისგან სველ ქუჩებს,
 მაშინ ხომ სიცოცხლე ჩქეფდა სხვა ელფერით,
 ვხატავდი სამყაროს მოგონილ ფერით და
 არავის ჰქონია სევდაც სხვას ჩემფერი.

ქუჩებს დარჩენია ჩვენი ნაკვალევი,
 წვიმაც ბევრჯერ იყო და ვერ წაუშლია,
 მხოლოდ სიყვარული ფერებ დაკარგული
 მოუპარია და სადღაც წაუღია.

ფიქრებს არ აწვალებს უკვე მონატრება,
ფიქრებს აწამებენ მხოლოდ სინანული.
წლები გამიფრინდა სადღაც უგზოუკვლოდ
და დროს გაპყოლია ჩვენი სიყვარული.

* * *

ჩემს სახლის წინ სევდიანო,
ალუბლის ხევ, შიშველო,
ალბათ აწი მალე მოთოვს,
ნეტავ, როგორ გიშველო.

მახსოვს იდექ ამაყად და
სხვას ატკობდნი ნაყოფით,
შენც ხარობდნი სხვასთან ერთად,
გესხა ყველას სამყოფი.

ახლა დგახარ თავდახრილი,
ზამთრის მოსვლა გაშინებს,
არ გიხდება წელში მოხვრა,
სულ არ გავხარ მაშინდელს....

ქარი ბოლო ფოთოლს გაცლის,
კანკალებ და შიშველები,
მეც შენსავით სევდიანი,
ნეტავ, რითი გიშველი.

* * *

ნეტავი, ადრე მწვეოდი მუხად,
სიტყვა მექარვა, ლექსად მეწერა,
ამ უსამართლო წუთისოფელში
მომთმენით ვმონებ, რაც დამეწერა.

ახლაც, რასაც ვწერ მრავალ წლის მერეც,
დამიჯერე, რომ ყველა შენია,
გაცამტკვერებულს, ფეხქვეშ გათულილს,
სხვა ამის მეტი რა დამრჩენია.

ფარ-ხმალს ვერი, ვხვდები ძალა არ მერჩის,
სვლას დროებისას, მშვიდად ვნებდები,
„ყველაფერს თავისი დრო აქვსო ჩემო“,
დავიღალე თუ, მართლა ვბერდები.

სიყვარულისთვის გულანთებული,
მღვრიე მორევში ხარბად ვეშვები,
თუკი გიყვარდი, როგორც ამბობდი,
ნეტავი, თავის დროზე გაგეშვი...

* * *

დამლამებია გზაზე,
მზე ჩაკარგულა ზღვაში,
ოცნებაც ჩაიყოლა,
ცრემლი ჩამდგარა თვალში...

ბინდმა მოიცვა გზები,
შორს ქარი კივის მთებში,
შემოდგომაა ახლა,
დაზამთრებულია თმებში...

დამძიმებულია ტვირთი,
და სული კვნესის, მტკივა,
დამე კანკალებს ქარში,
მეც დამესავით მცივა.

მოკლე გამხდარა გზები,
გზაზე მივდივარ მარტო,
გამეთურებია თმები
და მიკვირს, ჯერ ხომ არ თოვს,

ვისვენებ გადაღლილი,
დარდს თითისტარზე ვართავ,
მერე შავ-თეთრი ძაფით,
მე ჩემს ცხოვრებას ვქარავ.

ნაქარგს ვამატებ მუქ ფერს,
დაკარგულ წლების ცვენას
და დრო კი მტაცებს ურჩად:
იმედს, ოცნებას, რწმენას...

და ჩემი მზე კი არ ჩანს,
თავი დაიხრჩო ზღვაში,
ოცნებაც ჩაიყოლა
ცრემლი ჩამდგარა თვალში.

* * *

ცაზე წრიალებს ღრუბლები,
ეტყობა ისევ ავდრდება,
ვისთვის დღე ახლა იწყება,
ვისთვის კი იქნებ მთავრდება.

მოიქუფრა და გამალა,
თავისი შავი სუდარა,
მზე იმალება, არ ჩდება,
არ ჭრის ხვეწნა და მუდარა.

შემომეჩვია წვიმები,
ვნატრობ დღეს მზიანს, დარიანს,
ქარს რაღა უნდა ნეტავი,
დამკარვა, ამრი-დამრია.

რომელ გზას გაყვე ნეტავი,
რომ დავემალო ღრუბელს,
საადროდ გამზადებულია,
ვინ იცის გულს რა უდევს?!..



მამუკა ორიონი

ქართველი ქალი

დარწეულა ქარში ხე და
კვლავ იღება ამ დღის კარი,
მთლად უმტვერო შარაზედა,
ქალი მოდის შხის სადარი.

ნიაგქარმაც არ იკადრა,
აუჩეჩოს თმა და კაბა
და სიამით დაბანგული,
ორღობეში გაინაბა.

ქალი, ქალი შხისა დარი
„გაგაზივით მოქნეული“,
საროსა და ლერწმის ტანი,
თავზე თავშალმოხვეული.

ძუ ვეფხვივით მოსხლეტილა
მტრისას, სიტყვაც გაუბელო
მასზე ფიქრით სულ არ სძინავს,
მომაეალში მის საბედოს.

მოდის, მოაქვს სურნელება
დანამული ტურფა ვარდის,
გული მასზე ფიქრით დნება,
ზვავად მოდის, კი არ დადის.

დაარწია ქარმა ხე და
უნანაებს ღამე ნათევს,
მთლად უმტვერო შარაზედა
ქალი შხისებრ მონათებს.

ძუ ვეფხვივით მოსხლეტილი,
არვის ამჩნევს, არვის ხედავს,
სიტყვის თქმა და გულსწადილი,
ღღემდე ვერვის გაუბედავს.

ხის ტოტებში როგორც სურო
ჩამოწნულა თმები ქარის,
ღმერთმა არ თქვას გაახუნოს,
სილამაზე ქართველ ქალის!

მომევლინა ამ დღის მზედა...
გულს სწვავს ფიქრის ნალგერდალი,
მთლად უმტვერო შარაზედა,
ქალი მოდის შხის სადარი!

ყბილოზა

ფიქრი ნისლად მომეხვევა
ღამენატებს სხეულზე,
დარჩა მცირე ჩამორხვეად
ღამე ცისკრის ხვეულზე.

ნელა-ნელა ვარსკვალებიც,
გაპარულან ზეციდან,
ფიქრით მე რომ მაწვალებდი,
გულს უშენოდ შესცივდა.

სულმა ვედარ დაივანა,
წმინდა ღრუბლის გრილოზე,
მთები დგანან აივნებად
მიწის მწვანე ტილოზე.

გატეხილი ღამის სურა,
ბნელეთს ხათრით ეკიდა,
წადილი რომ აისრულა,
ცისკარს გამოეკიდა.

ფიქრი ნისლად მოხვეული,
სხეულს აკანკალებდა.
ღამე მოშლილ-მორღვეული
მოთმინებას დალევდა.

გატეხილი კუნაპეტი,
უსაშველოდ მსხვრევადი,
რა ვიაურვო ამის მეტი,
გული ნაკლებ დელვადი.

გატეხილი ღამის სურა
ბნელეთს ხათრით ეკიდა,
წადილი რომ აისრულა,
ცისკარს გამოეკიდა.

ემიგრანტის წერილი

აქაც აცივდა გულცივობს მარტი,
ზეციდან წვეთებს თავს გვაყრის წვრილად
მამულო! ტკივილს გწერ ემიგრანტი
და შენსკენ ვგზავნი ლექსებს წვრილად.
ოცი წელია სხვის მიწას ვტკეპნი,
ოცი წელია რაც გაგეყარე.
შენ ჩამოგშორდი, შენ მკერდს ვერ ვეკვრი
ღვთისგან ნაკურთხო სამშობლო მხარე.
აქ ჩემთვის ყოფა გაუფერულდა,
შენთან დავტოვე დღენი ნათელი,
ვიცი, რომ გინდა, წარსულშიც გსურდა
კალთებქვეშ გყავდეს ყველა ქართველი.

აქაკი დაუშვილი - 60

ჩვენს ძვირფას თანამოკალმესა და მეგობარს, შესანიშნავ პროზაიკოსსა და მთარგმნელს – აქაკი დაუშვილს ვულოცავთ საიუბილეო თარიღს, დაბადებიდან 60 წლის და პირველი მოთხრობების გამოქვეყნებიდან 35 წლის იუბილეს.

აკაკი სხვადასხვა წლებში იყო ლიტერატურულ აღმანახ „თელავის“ მთავარი რედაქტორი, ლიტერატურულ აღმანახ „ალაზნის“ პასუხისმგებელი მდივანი, სალიტერატურო გაზეთ „ათინათის“ მთავარი რედაქტორი, ჟურნალ „ღვინჯუას“ რედაქტორი; ხოლო 2004 წლიდან სალიტერატურო ჟურნალ „ოლეკ“ მთავარი რედაქტორია. ის არის აგრეთვე ქრისტიანული პოეზიის ფესტივალის – „წმინდანინოს ჯვარი“, დამფუძნებელი და აღმასრულებელი დირექტორი. ამჯერად ჩვენს მკითხველს ვთავაზობთ აქაკის ახალ თარგმანს:



ელენა დოლგოპიატი

პროზაიკოსი, კინოდრამატურგი ელენა დოლგოპიატი დაიბადა 1963 წელს რუსეთის ქალაქ მურომში. 1963 წელს დაამთავრა მოსკოვის სატრანსპორტო-საინჟინრო ინსტიტუტი. 1993 წელს მოსკოვის სერგეი გერასიმოვის სახელობის კინემატოგრაფიის ინსტიტუტის სასცენარო ფაკულტეტი. არის კინოს მუზეუმის მეცნიერ თანამშრომელი.

პრემია „ნაციონალური ბესტსელერის“ ნომინანტი (2017), ისააკ ბაბელის ლიტერატურული პრემია (2020).

ქალაქი

ტანია ფანჯარასთან მივიდა. ხედი ძალიან მოსწონდა: მინდორი, ბილიკი, პატარა ველოსიპედისტი, ჰორიზონტზე მუქი ტყე მოჩანს, ღრუბლები კი უზარმაზარი კომპიოთაა. ტანიამ სარკმელი გამოაღო და სუფთა ჰაერი ჩაისუნთქა. ივნისის დაუსრულებლად გაწელილი საღამოა, თბილა. საათი თავისას მიერეკება: დინ-დონ, დინ-დონ. ტანია შებრუნდა და ციფერბლატს შეხედა.

მერე კვლავ ფანჯარაში გაიხედა და მინდორის ადგილას ქალაქი დაინახა. განაპირას პატარა სახლი დგას, ადამიანები ავტობუსს უცდიან. სახლი ნაცრისფერია, თუნუქის სახურავით, საკვამურიდან ბოლი ამოდის. ქალაქში ცივა, შემოდგომაა, ქარი ნაგავსა და გამხმარ ფოთლებს მიაფ-

რიალებს. ადამიანები გაჩერებასთან ქარს ზურგს აქცევენ, საყელოს იწევენ. ქალაქი ძველია, დიდი, შორს მოჩანს მდინარე, ეკლესიათა გუმბათები და ეშმაკის ბორბალი, რომელიც ნელა ბრუნავს.

თაროზე მობილური აწკრიალდა. ტანია შეკრთა, მობილურს ხელი დაავლო.

– ხედავ? – აღტაცებული ყვირის ბიჭი, – ხედავ?!

– რას?

– ქალაქი. ფანჯარაში გაიხედე! ქალაქს ხედავ?!

– ვხედავ. ნუ ყვირი.

– მეგონა, მარტო მე ვხედავდი.

– მირაჟია.

– არა.

– აბა, რა არის?

– შეხედე, ავტობუსი გაჩერდა.

– ძალიან ძველია.

– იქ შემოდგომაა.

ავტობუსი წავიდა, გაჩერებასთან, ძელსკამზე ჩამომჯდარი დედაბერი კი დარჩა.

– ეს ქალაქი მე გამოვიგონე. წარმოსახვა დავაბე და ჩვენს მინდორზე გაშენებული წარმოვიდგინე. მერე ფანჯარასთან მივედი და მინდორზე ზუსტად ისეთი ქალაქი დამხვდა, როგორც გონებით დავინახე. რატომ დუმხარ? ეი, ტანია!

– დედაბერი რატომ ზის?

– აუ, ეს რანაირი კითხვაა!

– ავტობუსი წავიდა, ის კი დარჩა.

– მერე რა?

– რატომ დარჩა?

– სხვა ავტობუსს უცდის.

– მართლა?

– არ ვიცი.

– აი, ვიდაც დეიდა მიუახლოვდა, გვერდით მიუჯდა და რაღაც ჰკითხა, დედაბერმა უპასუხა. რაზე საუბრობენ?

– საიდან უნდა ვიცოდე?

– ქალაქი შენი გამოგონილია და არ იცი?

– არ ვიცი.

– კარგი ერთი.

- მართალს გეუბნები.
- არც ამ დეიდას იცნობ? ენერგიული დეიდაა.
- არა, არ ვიცნობ.
- არადა, უნდა იცნობდე. რატომ დუმხარ?
- ჩემი არ გჯერა. კარგი, ფანჯარას არ მოსცილდე.

ტანიას ფეხი არ მოუცვლია.
მათთან ზაფხულია, ქალაქში კი ცივი ქარი ქრის. ავტობუსი გაჩერებასთან მიზრიგინდა და დეიდა გაიყოლა.

დედაბერი კი ისევ სკამზე ზის. შესაძლოა ვინმეს ელოდება. პეტია სადარბაზოდან გამოვარდა, ტანიას თეთრი ხელისგული დაუქნია და ქალაქისკენ მოკურცხლა. ქალაქში შესული კი სიცივისგან მოიბუზა.

„სულელი, - გაიფიქრა ტანიამ, - ქურთუკის წაღება როგორ არ მოაფიქრდა“.

პეტკა დედაბერს მიუახლოვდა, გვერდით მიუჯდა და რაღაც ჰკითხა. დედაბერი სახით ბიჭისკენ შეტრიალდა. მერე ავტობუსი ჩამოეფარათ და როცა წვიდა ტანიამ ცარიელი სკამილა დაინახა. ძაღლმა ჩაირბინა. თუნუქის სახურავიანი სახლის ქვეშ ფანჯარა განათდა.

ტანია ბინიდან აჩქარებით გამოვიდა, კარი მიიხურა, ლიფტს არ დაუცადა, კიბეებით ქვევით ჩაქანდა და ბილიკით ქალაქისკენ გაიქცა. თუნუქის სახურავიანი სახლი ახლოვდებოდა. განათებულ ფანჯარაში კატაც კი შეამჩნია. ტანიამ დაახანა, რათა რკინის წითელ გაზისბალონებიან სატვირთო მანქანას ჩაეველო და ნაცრისფერ ასფალტზე შეაბიჯა.

გზა აღარ იყო. ტანია ბილიკზე იდგა, მინდორში. ღრუბლები უზარმაზარ ცაზე მიცურავდნენ, გადაფრენილი თვითმფრინავის თეთრი კვალი იფანტებოდა, სადღაც შორს მატარებელმა დგანდგარით ჩაიქროლა. ქალაქი გაუჩინარდა. მზე ტყის განაპირას ჩადიოდა. ტანიამ ერთხანს ბილიკზე იხეტიალა და შინ დაბრუნდა.

დილით, საუზმობისას, დედამ ჰკითხა, ხომ არ იცოდა პეტია სად წვიოდა.

- ვალენტინამ სად აღარ ეძება, მორგშიც გადარეკა. პეტია აღარ დაბრუნებულა. ტანიას ხანდახან ახსენდებოდა ქალაქი, რომელიც ბიჭმა თავისთვის გამოიგონა.



არბუ ქარაღალი

ძახილი

გამომეცხადე იმ დღეს, როცა დავიწნაუ დალაღს და მოვიქარგავ გულმკერდს ჭრელაჭრულა კენჭებით.

გამომეცხადე, ვიდრე ჯერაც ღიმილით დავალ, ბუნდერს ზიანს ვერ მომიტან ამ გამოჩენით.

გამომეცხადე, ნამტირალევს, მომაკვდავს, როცა მე ქალაქებით ვიხორცებ და ვიხვევ ჭრილობებს.

გამოჩნდი, ვიდრე მოლოდინი წამართმევს გონსაც, მერე კი იქნებ შენი მოსვლა აღარც მინდოდეს...

ვინძლო, ყოველი აირიოს, სანამ შენ მოხვალ, მე იქ ვიქნები, სადაც კრთიან თვალთა გიშრები.

გამოჩნდი, წყარო სიყვარულის ნუ დაგიშრება, და მიუძღვინი უპატრონო საფლავეებს ლოცვა.

გამოჩნდი... მოდი... ვარსკვლავებიც ჩნდებიან როცა...

არფის ჩიტები

რომელ იავნანას მიმღერდი, დედა, ჩიტები ჩემს სარკმელს რომ აღარ სცილდებიან... ისინი გალობენ, თუ ჩამესმის შენი ხმა, სუნთქვა... ჩაძინებული მიმატოვეს, დე, შადრევნებმა...

რომელ იავნანას მიმღერდი, დედა, კვლავ ტკივილებით გატანჯული დავეძებ მოყვასს... ველარ ვერევი ამ გზებს, ამ მკლავებს... თითქოს მოვდივარ ძალზედ შორიდან...

რომელ იავნანას მიმღერდი, დედა, დავიწყებული მელოდია არ იკურნება, დღეს შენი სახლი მიწა გახდა, მას ჩავეხუტო?

დავცქერი ფოტოს, შენს ხატებას და ვფიქრობ, დედა,

მარმარილოზე პური დავდო და ვიმღერო გლოვის სიმღერა - ჩიტუნა, ჩიტო ...

ჩიტები, ქუჩები, ადამიანები

ნეტავ, ჩიტებიც იღლებიან გადაფრენისას? მე დავიქანცე, საკუთარ თავს დაეშორდი როცა... ისინი გუნდად მიფრინავენ, მე ვარ ეული, ისინი მზერას ენდობიან და მე კი - ლოცვას ... ნახეტიანობით ქუჩებსა და ვიწრო ჩიხებში მე მხრები მშრალი გადამრჩა, მათ - ფრთები სველი დარჩათ ისევე, როგორც გული დამრჩა მე მასთან, ვისაც მივეხდე, მივეახლე, ის კი გაფრინდა ... ყველა მათგანი დღეს მაგონებს სათუთ სალოცავს, ისინი ტურფა ვარდნი იყენენ, მე - შემოდგომა,

მათ სამკაულად სიტყვა ჰქონდათ, მე – ჩუმი სევდა.
 ბავშვობის ხსოვნად
 ამ ქალაქში დამრჩალა რამე?
 ჩიტები? გზები? თუ მოკვდავნი?
 ვცხოვრობ საკუთარ თავს გაყრილი, გაძევებული,
 ფიქრის ჟამი დგას,
 ნუ გამაღვიძებს, ამ დღით, დედა...

დავინყება

სიცოცხლევ, მე შენკენ რა გზებით ვიარე,
 ან რა ქუჩა იყო,
 ანდა რა გზა-მიწა,
 სისხლიან ფეხებით?
 რა გულით?
 რა გონით?
 სულ გადამაგიწყდა.

მოვდივარ საიდან,
 ჩიხიდან გამოსულს
 ჩიხები მელის კვლავ?
 რა დარდის სანაცვლოდ,
 რა ჭირის კვალდაკვალ,
 სულ გადამაგიწყდა.

არც ვინმემ თითებზე ნიშანი შემაბა,
 არც ვინმემ გაკვალა გზა შენკენ მაგალი,
 არც შორი ხმები,
 მისხალიც არ მიჩანს
 ძველი სიხარულის –
 ტკივილიც არარი.

სიცოცხლევ, მე შენკენ როგორ მოვდიოდი,
 ხურჯინი, მძიმე რომ მეგონა, მეძმატა,
 საიდან მოვდივარ, მივდივარ მე სადა –
 სულ გადამაგიწყდა.

ხმას მოვდევი სირენის?
 ქალების? ბავშვების?
 ხეების, ჩიტების?
 აქ როგორ მოვედი?
 ეს ხმები თითქოსდა ჩემს ნაცნობ ხმებს არ ჰგავს...
 ვით გპოვე, სიცოცხლევ...
 შიშებით?
 ხსოვნებით?
 ეს გული ფეთქავდა?

სიცოცხლევ, მე შენით როგორღა ვკვდებოდი?
 ვეღარ ვცნობ სანახებს,
 ფიქრები დამიწყდა,
 საიდან მოვდივარ, ან საით, როგორ, ვით?
 რას ვჩადი,
 ვინა ვარ,
 ანდა ვინ ვიყავი,
 სულ გადამაგიწყდა.

... სიცოცხლევ, მე შენთან მოვედი საიდან?

ღია ვერანდა

ქარიან ღამეს მოუხდება ღია ვერანდა,
 რომ ფეხქვეშ ქარი რიალებდეს, სულში ავდარი
 როგორც სასმისი, გამოცვალოს რამემ ვერანგმა,
 პოეტებსა და ქურდებს სწყალობთ ჟამი ამგვარი.
 ეულთ ღამეებს მოუხდება ღია ვერანდა,
 სიცარილეს რომ შეჰკიდონ ქალებმა თვალი...

თურქულიდან თარგმნა
ნინო მოღერეკილაძემ



ნიზარ ხაბანი
(XX საუკუნის სირიელი პოეტი)

მფუმარე ქაღისაფში

ილაპარაკე... ილაპარაკე...
 მშვენიერო მუნჯო ასულო,
 სიყვარულიც ისევე, როგორც თეთრი ყვავილი,
 უფრო ტკბილია,
 მაშინ, როცა ჭურჭელში დებენ...
 როგორც ფრინველი ზეცაში
 და ვით თევზი წყალში...
 შენიანად მიმიღე
 და განა ჩვენ შორის
 არსებობენ საიდუმლონი?
 დაგვაშორა ორმა წელმა ნუთუ ერთმანეთს?
 კიდევ დაგვრჩა საიდუმლონი,

ილაპარაკე:
 ყველა ფიქრზე, გონებაში რაც კი გიელვებს:
 სახლის კატაზე,
 საყვავილეზე,
 დობილებზე,
 დღისით რომ ნახე
 და სპექტაკლებზე, რასაც უყურე.
 ამინდზე და მგზავრობებზე...
 მელაპარაკე
 იმ ლექსებზე, რომლებიც გიყვარს.
 ღრუბლის დაბრუნებაზე
 და წვიმის სურნელზე,
 მომიყევი ბეირუთზე
 და ჩვენს
 ქვიშაზე და მონეტებზე ამოკვეთილ სიყვარულზე,
 მელაპარაკე უმარტივეს საგნებზე და
 ყველაზე უფრო მცირე საგნებზე,
 შენს ახალთახალ კაბაზე და
 საზამთრო ქუდზე,
 რამდენიმე ყვავილზე,
 წითელ ქუჩაზე რომ გიყიდი,
 მომიყევი იმაზე, რაც ღღეს გააკეთე,

მაგალითად, ძილის წინ რა წიგნი იკითხე,
 შაბათ-კვირის დასვენება სად გაატარე,
 რა ფილმი ნახე
 და რომელი სანაპიროდან
 ცურავდი ზღვაში?
 განა წელსაც, როგორც ყოველ წელს,
 თუთუნის და ვარდის ფერი ისევ დაგედო?
 მელაპარაკე, მელაპარაკე...
 ამ შაბათს ვინ დაგპატიჟა წვეულებაზე,
 რომელი კაბით ცეკვავდი
 და რომელი ყელსაბამი გეკეთა ყელზე.
 და ყოველი შენი ამბავი, –
 მბრძანებელი ჩემო
 და ამბების მბრძანებელი,
 ჩვეულებრივი
 გეჩვენება საგნები და
 ზედაპირული
 გეჩვენება საგნები, თუმცა
 ეს არ მალეღვებს:
 შენ ხარ საგნებთან,
 ხარ საგნებში,
 შენ ხარ საგნებში...



ემინ არ - რეიკვანი
 (XX საუკუნის ლიბანელი პოეტი)

სამყმი

გაფიცებ შენს ღმერთს, მიწვივ არსებულს,
 და იმას, რასაც ფიქრობ, რომ ჰგვიეს მარადიულად.
 მე შემომეხსმა რაღაცა ხმა ვენახებიდან,
 მაგრამ ვენახებს დაუარა სამუშის ქარმა,
 გადახმა მიწა და იქცა მრავალნახეთქიანად,
 ყურძნის მტევნები ჩამოცვივდა
 და ფოთლები ღრუბლებისკენ ააფრიალა
 ხმამ, ვარსკვლავებში უეცრად რომ დაიზრიალა:
 რა გგონია, რომ გაგრძელდება მარადიულად?

* * *

ამ ზვიადი და დიდებული გოდოლებიდან,
 ამ მოყვავილე, კურთხეული წალკოტებიდან,

ამ ვებერთელა, თვალსაჩინო კომკურებიდან,
 ან ამ ახალი და თუნდ ძველი სარწმუნოებიდან
 რა გგონია, რომ გაგრძელდება მარადიულად?

* * *

მდინარის ქვეშა, განათებული გვირაბებიდან,
 ვაგონებიდან, დენი ან ორთქლი რომ ამოძრავებთ,
 ზღვის ზედაპირზე მონანავე ხომალდებიდან,
 იმ ფლოტთაგან, ყოვლის მოსვრით რომ იმუქრებიან,
 ქალაქების ძეგლებისაგან,
 რა გგონია, რომ გაგრძელდება მარადიულად?

* * *

მიწის კანქვეშა გვირაბებიდან, რომელთაც
 გასაოცრად ამოძრავებს ყველგანშემღწევი წვეთი,
 გუმბათებიდან ღრუბელთა შორის რომ დასხმიათ რეტი
 რა გგონია, რომ გაგრძელდება მარადიულად?
 ვეება წყლებზე აღმართული ხიდებისაგან,
 უშველებელ წყლებზე მონანავე კუნძულთაგან
 და ძველ ზღვებზე წამომართულ მთათაგან
 რა გგონია, რომ გაგრძელდება მარადიულად?

* * *

მტკიცე და ურყევ კაშხალთაგან,
 ბუნების მიერ შექმნილ სრუტეთაგან,
 იმ არხთაგან, ზღვებს რომ აერთებენ
 და ქვეყნებსა და ქალაქებს რომ აკავშირებენ,
 რა გგონია, რომ გაგრძელდება მარადიულად?

* * *

კომკებიდან, რომელთა ბაღნიც მოხასხასეა,
 ძეფეთა და დიდებულთა დარბაზებიდან,

მდიდართა და მთავართა სასახლეებიდან,
უქონელთა და ღარიბთა ქოხებიდან
რა გგონია, რომ გაგრძელება მარადიულად?

* * *

რიტუალთა და ადათ-წესთაგან,
რწმენისა და ცრურწმენისაგან,
ქვეყნიებიდან და მთავრობებიდან,
ტომებიდან და ჯამათთაგან
რა გგონია, რომ გაგრძელება მარადიულად?
ოცსართულიან, ცასმიბჯენილ შენობათაგან,
უბნებიდან, სადაც თავს აფარებენ უიმედოთა ლეგიონები,
ტაძრებიდან, სადაც არ დარჩა რწმენის ნასახიცი
ადგილებიდან, სადაც მართალთა ხმა არ გაისმის,
რა გგონია, რომ გაგრძელება მარადიულად?
ხმა ღრუბლების მიღმა მგრავინავი,
სამუშის ბრღვეინვა ხაფად, ტყიურად,
რა გაგრძელება მარადიულად?

რაღაცა ხანი, მეგობარო, რაღაცა ხანი,
ყოველივე, რაც კი არი ამ სამყაროში...
არ გაგრძელება მარადიულად არაფერი
გარდა სულის ბუნების სანაქებო თვისებებისა.
კაცობრიობის სულის ბრწყინვალე თვისებებისა.
იმ დღეს, როდესაც გაუქმდება ყველა კამათი,
დაიკარგება მორჭმულობის დიდებულება,
როს კაცთ შეკრებენ და იმედები განდიდებიან,
სწორედ იმ დღეს კრებულნი პირქვე დაემზობიან
და ტირანთა და მოძალადეთა პირობანი შეირყვიან
და მიწაზე დაუბერავს ავი ქარი, ყოვლისმღვწველი...

ჭეშმარიტად, ეს ყველაფერი დროებითია –
საათი ან ხანი დროისა,
იმ დღემდე, როცა გადაიხსნება არსებობანი
და არაფერი აღარ დარჩება,
გარდა გარჯისა და ცოდნისა,
სიკეთისა და ქველის საქმისა.



აპარჯი
(თანამედროვე სირიელი პოეტი)

* * *

ყოველი ჭუპრი, რომელიც ცახცახებს, მბადებს მე...
მე ამ პეპლის ეფექტი ვარ, ჩრდილი, ხოლო იმისა, მესა-
მის, – მტვერი.

ისევ დამე...
და მე ჩემი ადათისამებრ,
ფანჯარას ვაღებ და
სამყაროს ვუგდებ ჩემს სხეულს
ისე, თითქოსდა,
მასში
მთავარ თესლს ვაგდებდე
ბოროტების ყვავილებისა.
ხანდახან ხდება, ვცახცახებ და
მხოლოდ იმიტომ,
რომ ნიაგმა, მე რომ სულაც არ შემხებია,
ააცახცახა ფურცელი, ან ხანზალაკი ანდა ფანჯარა...

რომელ იის ყვავილში მალავს
მისი თვალები
მტირალ საფუძველს შემოდგომისთვის...
არცერთი პირი
არ მესაუბრება ღამით,
ჩემივე ფანჯრის გარდა,
რომელიც კნავის
და მე საკუთარ ხორცს
შიგ ნაჭერ-ნაჭერ ვტენი.
როცა მოგკვდები,
რომელ ჩაბნელებულ მინდორში
იქცევა ჩემი ძვლები
შხამიან სუროდ?
რა იცი შენ მთვარეზე?
ოდესმე გინახავს იგი,
ფსიქიატრულის ფანჯრიდან
მგლებს რომ გაჰყმოდა?
ვინ კენესის ხეში?
ალვის ხე,
ქარი რომ არყვეს,
თუ ქარი, ალვის ხეს
თუთრი კბილებით რომ ჩაჰფრენია?
მშვიდად სძინავს ახლა
ჩემს მკლავებში
თავისი სრული ქერათმიანობით
შემოდგომას,
რომელსაც გუშინ
ტახტი ჩამოვართვი.
არ ვიცი,
ორი თხილია თუ ორი კაკალი
შენი თვალები, მაგრამ ვიცი,
რომ გული მათ წინ
მიხტის
ციყვივით...

არაბულიდან თარგმნა გიორგი ლობჯანიძემ

აბულ ფარაჯი

გრიგოლ იოან აბულ-ფარაჯ ჰარ-ებრეი — შუა საუკუნეების სირიული ლიტერატურის ერთ-ერთი ყველაზე გამოჩენილი წარმომადგენელი და მისი საყოველთაოდ აღიარებული კლასიკოსია. აბულ-ფარაჯის მდიდარი ლიტერატურული მემკვიდრეობა დღემდე იპყრობს აღმოსავლეთმცოდნეების ყურადღებას, მისი საუკეთესო ნაწარმოებები ნათარგმნია ევროპულ და აღმოსავლეთის ხალხთა ენებზე.

იმ ეპოქაში, როდესაც ცხოვრობდა და მოღვაწეობდა აბულ-ფარაჯი, ახლო და შუა აღმოსავლეთის ქვეყნებში შემოიჭრნენ მონღოლთა ურდოები ჰულაგუ-ყაენის მეთაურობით. მათ დაიპყრეს მთელი წინა აზია და შეუერთეს იგი მონღოლეთის იმპერიას.

მონღოლთა ბატონობამ თავისი ბეჭედი დაასვა მაშინდელი საზოგადოებრივი ცხოვრების ყველა სფეროს. ძველი, დიდი ხნის წინ ჩამოყალიბებული ეკონომიკური და პოლიტიკური კავშირების ნაცვლად მოვიდა ახალი ურთიერთობები. ათასობით ადამიანი იყრებოდა შეჩვეული ადგილებიდან, სადაც ცხოვრობდნენ მათი მამები, პაპები, წინაპრები და მიემართებოდნენ სხვა ქვეყნებში თავშესაფრისა და ლუკმა-პურის საქმებელად.

ამ სიფათიან დროში დაიწყო აბულ-ფარაჯმა თავისი ლიტერატურული, მეცნიერული და საზოგადოებრივი საქმიანობა.

იგი დაიბადა 1226 წელს ქალაქ მელიტენში (ამჟამად ქალაქი მალატია მდებარეობს თანამედროვე თურქეთის ტერიტორიაზე), ცნობილი ექიმის ოჯახში. ნათლობისას ბიჭს იოანე უწოდეს, შემდგომში კი, როდესაც ეპისკოპოსი გახდა — გრიგოლი. ამგვარად მისი სრული სახელია — გრიგოლ იოან აბულ-ფარაჯ ჰარ-ებრეი.

მშობლები შეეცადნენ გაეზოკათეს ფართე და ყოველმხრივი განათლება მიეცათ. ბავშვობაში იგი სირიულის გარდა არაბულსაც სწავლობდა. ამ ენის ცოდნა იმ დროში აუცილებელი იყო ყველა სწავლულისათვის, შემდგომში იგი გაეცნო სპარსულ, ბერძნულ, ძველებრაულ, მონღოლურ და სომხურ ენებს. ენების ცოდნა მისთვის ხელმისაწვდომს ხდიდა იმ დროისათვის აღმოსავლეთში არსებულ ფართო მეცნიერულ ლიტერატურას.

თავისი მამისა და სხვა ცნობილი ექიმების ხელმძღვანელობით აბულ-ფარაჯი გულმოდგინედ სწავლობდა მედიცინას. იგი ასევე მეცადინეობდა საღვთისმეტყველო მეცნიერებებში და ფილოსოფიაში.

1243 წელს მომავალი მწერლის მშობლიურ ქალაქს მიუახლოვდა ჰულაგუ-ყაენის ლაშქარი. დაიწყო პანიკური გაქცევა ქალაქიდან. აბულ-ფარაჯის ოჯახიც ვერ გაექცეოდა უსახლკარო ლტოლვილობის ხვედრს, რომ არა მამამისის საექიმო დიდება. იგი დაინიშნა ერთ-ერთი მონღოლი მხედართმთავრის კარის ექიმად და რამდენიმე თვის განმავლობაში განუყრელად თან ახლდა ყველა ლაშქრობაში. მაგრამ გარკვეული ხნის მერე აბულ-ფარაჯის ოჯახმა მოახერხა ქალაქ ანტიოქიაში გადასვლა, სადაც შედარებით უხიფათოდ იყვნენ. აქ აბულ-ფარაჯმა გააგრძელა განათლების მიღება, შემდგომში კი მონაზვნად აღიკვეცა.



უნდა გავითვალისწინოთ, რომ შუა საუკუნეების აღმოსავლეთში მონასტერი წარმოადგენდა საგანმანათლებლო ცენტრს, უძველეს ხელნაწერ კოლექციას მფლობელ ფილოსოფოსთა, ისტორიკოსთა, გრამატიკოსთა, ბუნებისმეტყველთა თავშესაფარ ადგილს.

ანტიოქიის შემდგომ აბულ-ფარაჯს ვხვდებით ტრიპოლისში, სადაც იგი აგრძელებს მედიცინის და რიტორიკის შესწავლას.

1246 წლის ბოლოს მონასტრის ოცი წლის აღსაზრდელი იმდენად შთამბეჭდავ წარმატებებს აღწევს ყველა მეცნიერებაში, რომ ინიშნება გუბოხის (პატარა ქალაქი ქალაქ მალატეას ახლოს) ეპისკოპოსად. აქედან იწყება მისი სასულიერო კარიერა. აბულ-ფარაჯმა მიადწია მონოფიზიტების (იაკობიანელების) მეთაურის მაღალ მდგომარეობას.

აბულ-ფარაჯი გარდაიცვალა სამოცი წლის ასაკში, 1286 წლის 30 ივლისს, ქალაქ მარაღში (დასავლეთ აზერბაიჯანი).

ამ დროისთვის აბულ-ფარაჯის, როგორც მწერლის, გრამატიკოსის, ექიმის, ასტრონომის, ფილოსოფოსის და ღვთისმეტყველის პოპულარობა იმდენად დიდი იყო, რომ მის დაკრძალვაში მონაწილეობდნენ არა მარტო ერთმორწმუნე იაკობიანელები, არამედ ნესტორიანელები, ბერძნები და სომხები.

დიდია აბულ-ფარაჯის ლიტერატურული მემკვიდრეობა. აბულ-ფარაჯის ძმის, ბარ-საუმის მიერ შედგენილ ნაწარმოებთა ნუსხა ითვლის ოცდათერთმეტ წიგნს, მაგრამ ეს სულაც არაა სრული ჩამონათვალი.

აბულ-ფარაჯის წიგნები გვამღვწევს საშუალებას, ვიმსჯელოთ მასზე, როგორც ჩინებულ მწერალზე და ენციკლოპედიური ცოდნის მქონე სწავლულზე. მაშინდელი საზოგადოებრივი ცნობიერების თითქმის ყველა მხარე

პპოვა თავისებური ასახვა მის ნაწარმოებებში, რომლებიც იძლევიან უმდიდრეს მასალას ისტორიკოსთათვის, ფილოსოფოსთათვის, ლინგვისტთათვის თუ ეთნოგრაფთათვის. ეს შრომება გვეხმარება უკეთ გავიგოთ სირიისა და მისი მოსაზღვრე ქვეყნების ჩვევები და ადათები, სარწმუნოება, კულტურა და სოციალური ურთიერთობანი.

რაც შეეხება აბულ-ფარაჯის უდავოდ საუკეთესო ნაწარმოებს — „თავშესაქცევ ამბავთა წიგნს“, იგი არის მწერლის საბოლოო ნაწარმოები, რომელიც გვიხატავს ავტორს ახალი მხრიდან — როგორც ფოლკლორის დაუდალავ შემგროვებელს. მახვილი გამონათქვამის, მარილიანი ხუმრობის, აზრიანი იგავის, ლაკონური ანდაზის, მოკლე იუმორისტული და ჭკუისასწავლებელი მოთხრობის მცოდნესა და დამფასებელს. იუმორის გრძობა აბულ-ფარაჯის ორგანული თვისება იყო და ეს მქლავნდებოდა ყველაზე მოულოდნელ გარემოებებშიც. თვითმხილველთა გადმოცემით, აბულ-ფარაჯი თვით სასიკვდილო სარეცელზეც კი არ იშლიდა ხუმრობას და გარსშემოკრებილ მოსწავლეებს სახალისო ამბების თხრობით ართობდო.

თავშესაქცევ ამბავთა წიგნი

ფასანყისი წინა ნომრებში

ბარქან ფილოსოფოსთა სასარგებლო გამონათქვამები

62. ვახაღვი საკუთარ თავს!

პიპოკრატემ თქვა:

ჭკვიანი კაცისათვის სასარგებლოა დროდადრო სარკეში ჩაიხედოს; თუ მისი სახე უღამაზოა, დაე, უკეთური ქცევით მეტად ნუღარ გასვრის, ხოლო თუ სახე ლამაზია, დაე, ნუ შეურაცხყოფს მას უღირსი საქციელით.

63. ყველაზე კარგი სწავლება

— რომელი სწავლებაა ყველაზე უკეთესი? — ჰკითხეს ერთ ფილოსოფოსს.

— ის, რომელიც სძულთ სულელებს, — უპასუხა მან.

64. ბავშვალთ აღვილება

ქალაქში სეირნობისას ერთი ფილოსოფოსი შეხვდა ხელმოცარულ მხედართმთავარსა და უცოდინარ ექიმს. მაშინ ფილოსოფოსმა ურჩია ამ ქალაქის მკვიდრთ:

— კარგი იქნებოდა მათთვის აღვილები შეეცვალათ. ჯარის სათავეში დააყენეთ ექიმი, — მას მკვლევლობაში დიდი გამოცდილება აქვს, ქალაქის ექიმად კი, მხედართმთავარი დანიშნეთ, ის ძალიან ფრთხილია, როდესაც საქმე ადამიანის სიცოცხლის ხელყოფას ეხება.

65. ორი სინჯი

პლატონმა თქვა:

ძალიან ცუდია უცოდინარი ადამიანი. მითუმეტეს, თუკი არ ცდილობს რაიმეს სწავლას. მასში ორი ნაკლია გაერთიანებული.

66. ვინ უფროა შიშველი ღირსი

ვილაცამ უთხრა სოკრატეს:

ძალიან მეცოდები, ასე ღარიბი რომ ხარ.

რომ შეგეძლოს იგრძნო სიცოცხლის ის სიხარული, რომელიც მხოლოდ ღარიბის ხვედრია და რომელსაც შენ მოკლებული ხარ, შეიცოდებდი საკუთარ თავს და არა მე, — უპასუხა ფილოსოფოსმა.

67. რამ შიშველია დაამწუხროს იგი

სხვა კაცმა მასვე შენიშნა:

შენს ნაუბარს ხალხი ვერ იგებს.

ეს მე არც თუ ისე მალეღვებს, — უპასუხა სოკრატემ, — მაგრამ ძალიან მეწყინებოდა, თუ მეტყვიდი, რომ ენა-ჩლუნგი ვარ.

თავი II

სვარსელ ბრძენთა სასარგებლო გამონათქვამები

68. ვინ ვის უფრო საჭროებს

კიროსმა მისწერა ბრძენ ჰობურმუხდს:

„მმართველებმა რომ იცოდნენ, რაოდენ საჭიროებენ ბრძენ მრჩეველებს, ხოლო ბრძენებს ესმოდეთ, რაოდენ დამოუკიდებელი არიან მმართველებისაგან, მაშინ გასაკვირი არ იქნებოდა, რომ მმართველები მუდამ აატალახებდნენ ბრძენთა კარებს. სიმართლე რომ ვთქვათ, მმართველები ხომ უფრო მეტად საჭიროებენ ბრძენებს, ვიდრე ბრძენები მმართველებს“.

69. გამარჯვება და „გამარჯვება“

ბოზუგრისმუ* თქვა:

სჯობს დროებით დამარცხდე, რომ ბოლოს და ბოლოს გაიმარჯვო, ვიდრე გაიმარჯვო ისე, რომ, საბოლოო ჯამში, ამ გამარჯვებამ სამუდამო დამარცხებამდე მიგიყვანოს. ხომ იყო ასეთი შემთხვევა, როცა ვილაც თავდაპირველად დამარცხდა, შემდეგ კი როგორც ტირანი, მეუფებდა ჩვენზე.

** ბოზუგრისმუ — მრავალრიცხოვანი აფორიზმების და გამონათქვამების ლეგენდარული ავტორი. მას თვლიან VI საუკუნეში მცხოვრები სპარსეთის მეფის ხოსროვან I ანუშირვანის ვეზირად.*

70. აშრაცხელი სიმდიდრე

მასვე ჰკითხეს:

რომელ დაუფასებელ სიმდიდრეს უგულვებელყოფენ ადამიანები?

თავმდაბლობას, — უპასუხა მან.

71. ყველაფერს აქვს საზღვარი

მანვე თქვა:

მოთმინება შესანიშნავი თვისებაა, მაგრამ ცხოვრება ძალიან მოკლეა იმისთვის, რომ დიდხანს ითმინო.

72. ვინაა სიმართლე სოქულს

ბრძენს ჰკითხეს:

მართალია, რომ სიმართლის მთქმელი სძულთ? მართალია, თუ ცილისმწამებლებს გულისხმობთ, — უპასუხა ბრძენმა.

73. გატყუარა თუ სულელი

ერთმა ბრძენმა თქვა: ყველას, ვინც კი ამბობს, რომ სიმდიდრე ეზიზღება, მატყუარად ვთვლი, სანამ არ წარმომიდგენს თავისი სიმართლის დამაჯერებელ მტკიცებებს, ხოლო როგორც კი დაურწმუნდები მისი სიტყვების ჭეშმარიტებაში, შემიძლია უყოყმანოდ განვაცხადო, რომ იგი სულელია.

74. ბედს ვერ შეცვლი

ერთ ბრძენს ჰკითხეს: როგორ მოვიპოვოთ კარგი ცხოვრებისათვის საჭირო სახსარი? მან უპასუხა: თუ ასეთი რამ შენი ხვედრია, ნუ იჩქარებ, ის თვითონ მოვა შენთან; ხოლო თუ არაა შენი ხვედრი, — ნუ იწვალბე, მაინც ვერ მიიღებ მას.

75. თუ სულელს სიკამითს უზამ

ერთმა ბრძენმა თქვა: ის, ვინც სიკეთეს უკეთებს სულელს, ემსგავსება კაცს, რომელიც თვალმარგალიტით რთავს ღორს, ან რომელიც თაფლს ასმევს შხამიან გველს.

76. ჭკვიანი და სულელი

ერთმა ბრძენმა თქვა: ჭკვიანი ადამიანი არსობის პურის ძიებაში მზადაა შორეულ მხარეში გაემგზავროს, სულელი კი საზრდოს მხოლოდ იმ ადგილზე ეძიებს, სადაც მშობელმა გააჩინა.

77. საბოლოო ჯამში

ერთმა ბრძენმა თქვა: ის, ვისაც ჰყოფნის ძალა ნებისა და გონიერებისა შეასრულოს კანონის მოთხოვნები*, საბოლოო ჯამში უფრო გაძლიერდება; ხოლო ის, ვინც ძალას ამჟღავნებს კანონის დარღვევასა და უზნეო ქცევებში, საბოლოო ჯამში დაკარგავს მას.

*— სჩანს, ლვითური კანონი იგულისხმება.

78. სამეჭო ქათინაური

ერთხელ ანუშირვან მეფემ გამოსცა ბრძანება, რომლის თანახმადაც იკრძალებოდა იმ კერძების ჭამა, რომლებსაც თვითონ მიირთმევდა და ისეთი სასმელების სმა, რომელსაც თავად სვამდა.

ამ ამბიდან ცოტა ხნის შემდეგ, ერთი მაღალი ჩინის პირმა მოამზადა სამეფო კერძი და სატრაპეზოდ სხვა მაღალჩინოსანი მიიპატიჟა. სადილის შემდეგ სტუმარმა მეფეს მისწერა დასმენის წერილი, რომელსაც ასე ამთავრებდა: „მე თავად ვიხილე ყოველივე და არ შემიძლია თქვენგან დაუფარო“.

მაბეზღარამ ანუშირვანისგან პასუხად შემდეგი წერილი მიიღო: „ჩვენ ვაქებთ შენს ერთგულ ქვეშევრდომულ გრძნობებს და მკაცრად ვკიცხავთ ბრძანების დამრღვევს,

განსაკუთრებით იმისათვის, რომ საიდუმლოს შენახვა არ შეუძლია და ანდობს ისეთ კაცს, როგორც შენა ხარ“.

79. ზინაა ყველაზე საყვარელი

ერთხელ მეფე ხოსრევანს ჰკითხეს: შენი ვაჟებიდან რომელი უფრო გიყვარს? მან უპასუხა: ის, რომელსაც უყვარს დისციპლინა, ეშინია სახელის გატეხვის და მუდმივად ესწრაფვის საზოგადოებაში უფრო მაღალი მდგომარეობის დაკავებას.

80. არა დამსახურებისამებრ

ბოზუგრისმუმ თქვა: ჩვენი საზოგადოების უბედურება იმაშია, რომ იგი ადამიანს დამსახურებისამებრ არ აჯილდოებს. აძლევს მას ან გაცილებით მეტს, ვიდრე ეკუთვნის, ან ბევრად ნაკლებს — ვიდრე იმსახურებს.

81. მფხეთა რისხვა

მეფე არტაშირმა შენიშნა: „მეფეთა რისხვის თანამდევნი უნდა იყოს მიმტევებლობა იმათ მიმართ, ვინც ეს რისხვა გამოიწვია და არა უღმობელობა“.

82. სახელმწიფოს შესახებ

მეფე არტაშირმა თქვა: რელიგია ქვეყნიერების საძირკველია, მმართველი კი — მისი დამცველი. ნაგებობა მტკიცე საძირკვლის გარეშე მალე ირღვევა, ხოლო დაუცველ სახლს გაძარცვის საშიშროება ემუქრება.

83. სამი სიბრძნე ათას ღინარად

ამბობენ, რომ ერთხელ ხოსრევანის მეფობისას ერთი ადამიანი დადიოდა ქუჩებში და გაჰყვიროდა:

ვის სურს შეიძინოს სამი სიბრძნე ათას ღინარად? მობრძანდით, შეიძინეთ!

მეფემ ეს რომ გაიგონა, მოაყვანინა ის კაცი და ჰკითხა: რა არის ეგ სიბრძნე?

დაალაგე ღინარები და მაშინ მოისმენ, — უპასუხა ბრძენმა.

როდესაც ღინარები მოიტანეს, მან დაიწყო: პირველი სიბრძნე ასეთია: „შენს სამეფოში არ არსებობს არცერთი ნამდვილად წესიერი ადამიანი“.

მეორე სიბრძნე ამბობს: „თუმცა ყველა კაცი ასეთია, მაგრამ შესაძლებელია მათ თავი აარილო და შენთვის იცხოვრო“.

მესამე სიბრძნე გამოძინარეობს წინა ორიდან: „მეფემ უნდა იცოდეს ადამიანებში არსებული ბოროტების ზომა, რომ მეტ-ნაკლებად განერიდოს მათ“.

მეფეს მოეწონა ბრძენის ნათქვამი. შეაქო იგი და ბრძანა მიეცათ მოწინააღმდეგე ღინარები, მაგრამ მან უარი განაცხადა.

მაშინ რატომღა ახსენებდი ფულს ასე დაჟინებით და ისიც კი ითხოვე, წინასწარ მოგვემზადებინა? — გაუკვირდა მეფეს.

მინდოდა შემემოწმებინა, კიდევ თუ მოიძებნებოდა ჩვენს ქვეყანაში ერთი კაცი მაინც, სიბრძნისთვის ოქროს რომ გაიღებდა, — უპასუხა ფილოსოფოსმა.

რუსულიდან თარგმნა გიორგი ნატროშვილმა



ნანი-85

ქალბატონი ნანის ბრეგვაძის მუსიკალური ცხოვრება საყოველთაოდაა ცნობილი. ჩვენ ამ ბლიც ინტერვიუში შევეცადეთ ისეთი კითხვები დაგვესვა, რომელიც მას უფრო სხვა მხრიდან დაგვანახებდა:

- 1. რას ნიშნავს თქვენთვის თბილისი?**
– თბილისი ჩემი სახლია, აქ ცხოვრობენ ჩემი საუკეთესო მეგობრები, მათ გარეშე ვერ წარმომიდგენია ცხოვრება.
- 2. თქვენი საყვარელი მწერალი?**
– ილია ჭავჭავაძე, ნიკოლოზ ბარათაშვილი.
- 3. ისტორიული გმირი?**
– დაეით აღმაშენებელი.
- 4. გამორჩეული მხატვარი?**
– ქართველი საუკეთესო მხატვრები.
- 5. რომელი კუთხის სამზარეულო გიყვართ?**
– საქართველოს ყველა კუთხის
- 6. სასმელი?**
– წითელი ღვინო ხვანჭკარა.
- 7 თქვენი საყვარელი კინო რეჟისორი?**

– ძმები ელდარ და გიორგი შენგელაიები, რეზო ჩხეიძე, თენგიზ აბულაძე, გიგა ლორთქიფანიძე, მერაბ კოკოჩაშვილი ყველას ჩამოთვლა შორს წაგვიყვანს.

- 8. სპორტის რომელი სახეობა გიტაცებთ?**
– ტანვარჯიში.
- 9 განსაკუთრებით რომელი დღესასწაული გიყვართ?**
– ახალი წელი და აღდგომა.
- 10.მთა თუ ზღვა?**
– განსაკუთრებით მხიბლავს მთის ბუნება.
- 11.თქვენი ჰობი?**
– სიმღერა.
- 12.ნატურის თვალი რომ გქონდეთ რას ინატრებდით?**
– გამარჯვებული იყოს ჩემი ქვეყანა. საუკეთესო პირობები, სიმშვიდე და სიყვარული სუფევდეს.
- 13.დედოფლის წყაროს მწიგნობართა ასოციაციის და საქველმოქმედო საზოგადოება „ამაგდარის“ მიერ მოსახლეობის გამოკითხვის შედეგად საუკუნის ლეგენდად დაგასახელეს, 2015 წლის 25 მარტს ეროვნული ბიბლიოთეკის საგამოფენო დარბაზში გაიმართა დაჯი ლდოების ცერემონიალი ოპერის წამყვანი სოლისტების მონაწილეობით ალბათ ეს დღე გემანსოვრებათ?**
– აღფრთოვანებული დაერჩით მე და ჩემი მეგობრები ამ ღონისძიებით კვლავაც ასე გააგრძელებთ თქვენ ქართულ საქმეს აკეთებთ
- ქალბატონო ნანი, დედოფლის წყაროს მუნიციპალიტეტის სახელით გილოცავთ სახელოვან იუბილეს, ჯანმრთელობას და დღევრძელობას გისურვებთ, დიდხანს ისმოდეს თქვენი სიმღერა მრავალ ქვეყანაში.**
– უღრმესი მადლობა, ძალიან მიყვარხართ მე საერთოდ ადამიანები მიყვარს.
- ქალბატონო ნანი დიდი მადლობა საინტერესო ინტერვიუსთვის.**
ესაუბრა
დედოფლის წყაროს მუნიციპალიტეტის ილია ჭავჭავაძის სახელობის მწიგნობართა ასოციაციის თანათავმჯდომარე, საქართველოს დამსახურებული ჟურნალისტი –
ნანა ჭიჭინაძე.

ნანა ჭიჭინაძე

ჰაქა აზარაშვილი - 85

სიმღერაა მთელი ჩემი ქონება

საქართველოს სახალხო არტისტი, რუსთაველის პრემიის ლაურეატი, საერთაშორისო კონკურსის ლაურეატი (პირველი პრემია), კონსერვატორიის პროფესორი, თბილისის, ბორჯომის, სიღნაღის და სხვა ქალაქების საპატიო მოქალაქე კომპოზიტორი ვაჟა შალვას ძე აზარაშვილი 1936 წლის 13 ივლისს თბილისში მოსამსახურის ოჯახში დაიბადა.

მან შექმნა სხვადასხვა ჟანრის ნაწარმოებები: ბალეტი „ხვეისბერი“ დაიდგა ქუთაისის საოპერო თეატრში (1982წ.). შვიდი ოპერეტა: 1969 წელი – „IX ტალღა“, 1973 წელი – „შვიდნი ძმანი გურჯანელნი“, 1975 წელი – „ბიჭუნა“, 1982 წელი – „ცეკვის მასწავლებელი“, 1983 წელი – „სოლომონ ისაკიძე მკვლანაშვილი“, 1985 წელი – „კახელები ბაშე“, 1995 წელი – მიუზიკლი „მეჩემე გაბო“. სამი სიმფონია. კონცერტები: სამი სავიოლინო კონცერტი, ჩელოს, ალფას, ფლეიტის, საყვირის, საფორტეპიანო ორკესტრთან ერთად. საორკესტრო ნაწარმოებები: საზეიმო უვერტიურა, ნოქტურნი, ნოსტალგია, ელეგია, რომელიც მიეძღვნა 9 აპრილს დაღუპულ ქართველებს, რეტრო ფორტეპიანოსა და ორკესტრისათვის. საკვარტეტო ციკლები: „მშობლიური მხარის სურათები“, „ძველი თბილისის სურათები“, „ორი სიმებიანი კვარტეტი“, „საფორტეპიანო კვარტეტი“, „საფორტეპიანო ტრიო“, სონატები სხვადასხვა საკრავებისთვის. პიესები ფორტეპიანოსთვის ოთხ ხელში, პიესები ორი ფორტეპიანოსთვის და მრავალი სხვა. ვოკალური ციკლები: შოთა ნიშნიანძის, იოსებ გრიშაშვილის, თეოდორ ტიუტჩევის, ნიზამი განჯელის, ანა კალანდაძის, მანანა დანგაძის, ტარიელ ჭანტურას ლექსებზე. მუსიკა ფილმებისათვის: მათ შორის „შხე



შემოდგომისა“ და მხატვრულ-დოკუმენტური ფილმისთვის „გაუმარჯოს ქართულ ფეხბურთს“. მუსიკა სხვადასხვა თეატრის სპექტაკლებისთვის: მარჯანიშვილის, გრიბოედოვის, ქართული და რუსული მოზარდ მაყურებელთა, ქართული და რუსული თოჯინების თეატრის, ქუთაისის ლადო მესხიშვილის, ახალციხის, გორის თეატრებისათვის და სხვა. საესტრადო სიმღერები: „დინამო“, „მუსიკა“, „ხვესურული ბალადა“, „ისევე წვიმს“, „დღეები მიდიან“, „პატარა გოგო“, „გზები-გზები“, „დამშრალ ნაკადულს“, „შხე ჩემი მეგობარია“, „დრო სათაყვანო“, „მამ გამარჯვება“, „დაუბერებელი ტანგო“, „სუბსარქისის ქარი“, „მასწავლე“, „სიმღერაა მთელი ჩემი ქონება“ და მრავალი სხვა.

წლების განმავლობაში ბატონი ვაჟა იყო საქართველოს კომპოზიტორთა კავშირის თავმჯდომარე. 2011 წელს გაუხსნეს ვარსკვლავი, მაგრამ, როგორც თავად ამბობს ყველაზე დიდ ჯილდოდ ხალხის სიყვარული მიაჩნია, რომელსაც ყოველ ფეხის ნაბიჯზე გრძნობს.

კომპოზიტორის შესახებ კომენტარი ვთხოვე ხელოვნების თვალსაჩინო წარმომადგენლებს და სხვადასხვა სფეროს ცნობილ ადამიანებს:

მედეა აშირანაშვილი – ბატონი ვაჟა ერთ-ერთი თვალსაჩინო წარმომადგენელია ქართველ კომპოზიტორთა პლეადისა. ქართველმა და არა მარტო ქართველმა შეიყვარა მისი მუსიკა. მთელი გულით და დიდი სიყვარულით. ვულოცავ ამ საიუბილეო წელს და ვუსურვებ ბევრი ახალი ნაწარმოები შექმნას, რომ კვლავაც გაახაროს თავისი ერთგული მსმენელი.

ნანი ბრეზვაძე – ვაჟა და მე ერთ კურსზე ვსწავლობდით კონსერვატორიაში. იგი ჩემთვის წერდა სიმღერებს. მიხარია რომ მთელი ახალგაზრდობა მის სიმღერებს „ისევე წვიმს“, „დღეები მიდიან“, „გზები, გზები“, „ხვესურული ბალადა“, „სიმღერაა მთელი ჩემი ქონება“ და სხვა ვმღეროდი. ვაჟას შემოქმედება მთელი ეპოქაა. მის სიმღერებს არა მხოლოდ XXI საუკუნეში იმღერებენ...

ბასა ფოცხიშვილი – ბატონი ვაჟა საოცარი კომპოზიტორია, არაჩვეულებრივი პიროვნება; განსაკუთრებით მიყვარს მისი სიმღერები. ჩემთვის ბედნიერებაა, რომ იგი



მამაჩემის და ჩვენი ოჯახის დიდი მეგობარი იყო. ბავშვობიდან მახსოვს როგორ მუშაობდნენ მამა და ვაჟა ერთად. კიდევ ერთხელ მინდა ვთქვა, რომ როცა რაიმე პროექტს ვაკეთებ, ვაჟას სიმღერებში ვეძებ რომელი ჩავერთო ჩემს შემოქმედებაში...

ერთად გვირბენია,
ერთად გვიკრეფია
ია, ენძელა და შრომანი.
ახლა ყველაფერი
შორს არის, შორს არის, შორს არის.

ბატონ ვაჟას ვუსურვებ ჯანმრთელობას, რომ კვლავ საოცარი სიმღერები შექმნას.

მაცაცო სმისკვირაძე – ცნობილი კომპოზიტორების ანდრია ბალანჩივაძის, შალვა შშველიძის, ოთარ თაქთაქიშვილის, სულხან ცინცაძის, რევაზ ლალიძის, ბიძინა კვერნაძის, გოგი ცაბაძის და სხვების გზას აგრძელებს იგი. ვაჟა ძალიან პატივსაცემი ადამიანია და საუკეთესო მეგობარია. უამრავი ჯილდოს მფლობელი, მისი შემოქმედება მრავალფეროვანია, საოცრად კარგი სიმღერების ავტორია. შეიძლება მსმენელების უმრავლესობამ მისი საფორტეპიანო და სიმფონიური ნაწარმოებები არ იცოდეს, მაგრამ „სიმღერაა მთელი ჩემი ქონება“ და „ხვესურული ბალადა“ ნანი ბრეგვაძის შესრულებით „ორერასთან“ ერთად ყველამ იცის. ერთ ინტერვიუში ვაჟას დახასიათებისას აღვნიშნე, რომ მას მელოდიების ფართო და ზღვასავით ულვევი სკივრი აქვს მეთქი, რის შემდეგაც, ხუმრობით, სკივრიანი შემარქვა!

ნუნუ ღულაშვილი – ვაჟა ჩემი ძმა და მეგობარია, მან შექმნა მრავალმხრივი ჟანრის ნაწარმოებები. ამის ჩამოთვლა შეუძლებელია და შორს წაგვიყვანს.

ლელა ლალიძე – ვულოცავ ამ ღირსშესანიშნავ თარიღს უსაყვარლეს და უნიჭიერეს ბატონ ვაჟას. მის სიმღერებს მთელი საქართველო მღერის და მუდამ იმღერებს. ერთნაირად ძვირფასია ყველა ქართველისათვის. მე შეამაყება, რომ იგი მამაჩემის კოლეგა და უახლოესი მეგობარი იყო.

თამარ ლიჩაილი – პიანისტი: მისი ძალიან ბევრი ნაწარმოები მაქვს შესრულებული, როგორც სოლო საფორტეპიანო, ასევე კამერული. საგანგებოდ მინდა აღვნიშნო, ძალიან ბედნიერი ვარ იმ ფაქტით, რომ ვარ მისი საფორტეპიანო კვინტეტის პირველი შემსრულებელი. ჩემი აზრით ეს ნაწარმოები არის ერთ-ერთი საუკეთესო ქართულ კამერულ მუსიკაში. ძალიან დიდი სიყვარულით მინდა მივულოცო ბატონ ვაჟას 85 წლის იუბილე და ჩემი და საქართველოს სახელით მადლობა გადავუხადო მისი შემოქმედებისათვის.

ბიორბი შავშავაძე – საქართველოს კომპოზიტორთა კავშირის თავმჯდომარე: საქართველო ბედნიერია რომ ასეთი შვილები ჰყავს. ვულოცავ ბატონ ვაჟას ღირსშესანიშნავ თარიღს, ვუსურვებ მრავალ წელს კვლავ ნაყოფიერ შემოქმედებით მოღვაწეობას. როგორც მთელი

საქართველოს გამორჩეული კომპოზიტორი ყველასათვის საყვარელი ადამიანია. მის სიმღერებს კარგად იცნობენ და ასრულებენ ცნობილი მომღერლები და მომავალშიც შეასრულებენ. მისი შემოქმედება გამორჩეულია ქართველ კომპოზიტორთა შორის. მისი ნაწარმოებები სრულდება ამერიკაში, იაპონიაში, გერმანიაში, საფრანგეთში, რუსეთში, პოლონეთში და ბევრ ევროპულ ქვეყანაში. მე ძალიან ვამაყობ, რომ მისი თანამედროვე ვარ და მასთან, როგორც უფროს მეგობართან, შემოქმედებითი ურთიერთობა მაკავშირებს. მრავალჯამიერ! მრავალჯამიერ! მრავალჯამიერ! ბატონ ვაჟას.

თამარ მოკვირავილი – საქართველოს მასშტაბით გამოვლენილი 2015 წლის „საუკუნის ლეგენდის“ ნომინანტი, „მოღებაძე და კომპანიის“ მმართველი: ვაჟა აზარაშვილი ქართველი კომპოზიტორების სიმბოლოა. მისი სიმღერების უნიკალურობა იმაში მდგომარეობს, რომ ერთნაირი წარმატებით ასრულებს როგორც სვედიან, ისე მხიარულ, სიმღერებს. მისი სიმღერის დროს ხმის საოცარ სურნელს ვგრძნობ. იგი შეუდარებელი, განუმეორებელი და უადრესად თბილი ადამიანია.

ინგა შიოლაშვილი – გაზეთ „შირაქის“ მთავარი რედაქტორი: ვაჟა აზარაშვილს პირადი შეხება აქვს დედოფლისწყაროსთან. ის ხშირი სტუმარი იყო „ფიროსმანობის“ სახალხო დღესასწაულზე სოფელ მირზაანში. როგორც გენიალური კომპოზიტორი თავად აღნიშნავს, მას ძალიან უყვარს დედოფლისწყარო, რადგან აქ დაიბადა დღეს უკვე მსოფლიოში აღიარებული მხატვარი ნიკო ფიროსმანი. ვაჟა აზარაშვილი მთელს საქართველოში გამორჩეული, საყვარელი კომპოზიტორია, დედოფლისწყაროელები კარგად იცნობენ, როგორც მას, ასევე მისი უმშვენიერესი მეუღლის პოეტ მანანა დანგაძის შემოქმედებას.

სულითა და გულით ვულოცავ ბატონ ვაჟას საიუბილეო თარიღს და კვლავაც შემოქმედებით წარმატებებს, ჯანმრთელ და დიდხანს სიცოცხლეს ვუსურვებ დედოფლისწყაროელების სახელით.

ამირან ქისტაური – საქართველოს მასშტაბით გამოვლენილი ნომინაციაში „გამორჩეული ადამიანი“. მიკრო ავტობუსის პროფესიონალი მძღოლი: ბატონ ვაჟა აზარაშვილზე, მის შემოქმედებაზე, საუბარი ჩემთვის სასიამოვნო და ამავე დროს საპასუხისმგებლო საქმეა. ბედნიერება მხვდა წილად მის საფორტეპიანო მუსიკის კონცერტს დავსწრებოდი დედოფლისწყაროს სამუსიკო სკოლის საკონცერტო დარბაზში. თამარ ლიჩაილიმ არაერთი ნაწარმოები შეასრულა საყვარელი კომპოზიტორის რეპერტუარიდან. თითოეულ ნომერს ხანგრძლივი აპლოდისმენტებით აჯილდოვებდა მსმენელი. მოგვიანებით, მსმენელის დაჟინებული თხოვნით, თავად ვაჟამ პოპულარული ქართული სიმღერები შეასრულა. მათ შორის „დინამო, დინამო“ და მასთან ერთად მღეროდა მთელი დარბაზი. მე ხშირად მიწევს ინტელიგენციის წარმომადგენლებთან

და უბრალო ადამიანებთან კონტაქტი. მგზავრობის დროს ყველაზე მოთხოვნილი ვაჟა აზარაშვილის სიმღერებია; ჩვენი საუკუნე მდიდარია საშემსრულებლო ტალანტებით, მაგრამ მათ შორის ბატონი ვაჟა შეუდარებელია; დიდხანს ესმოდა მისი ხმა ქართველ მსმენელს.

მერაბ რობიტაშვილი – საქართველოს მასშტაბით 2014 წელს გამოვლენილი მეტრის ნომინანტი. დედოფლისწყაროს მწიგნობართა ასოციაციის წევრი: ვაჟას უყვარს თავისი მსმენელი, მსმენელს უყვარს ვაჟა – ის აქ არის! მის საიუბილეო თარიღს მივესალმები ირაკლი აბაშიძის სტრუქტურებით: „მხოლოდ დიდება თქვენს გზა სავალზე, მხოლოდ დიდება დაგებდებოდეთ“.

პანო ნატროშვილი – დედოფლისწყაროს სამედიცინო კლინიკის აღმასრულებელი მენეჯერი, დედოფლისწყაროს მუნიციპალიტეტის ილია ჭავჭავაძის სახელობის მწიგნობართა ასოციაციის თავმჯდომარე: ბატონი ვაჟა არის ჩვენი მწიგნობართა ასოციაციის წევრი. გამგეობის წევრებთან და საზოგადოება „ამაგდართან“ ერთად მრავალმხრივ პროექტებს ვახორციელებთ დედაქალაქში. 2014 წლიდან დღემდე ოცზე მეტი ღონისძიება გვაქვს ჩატარებული საქართველოს პარლამენტის ეროვნულ ბიბლიოთეკაში, სამხატვრო აკადემიის საგამოფენო დარბაზში, თუშინიშვილის სახელობის სახელმწიფო თეატრში, მწერალთა სახლის სარკებიან დარბაზში და სხვა. ამ ღონისძიებებზე ყოველთვის ესწრება ბატონი ვაჟა, გარდა იმისა რომ დიდი კომპოზიტორია, უაღრესად გულისხმიერი ადამიანია, რისთვისაც დიდ მადლობას გადავუხდით მას. მწიგნობართა ასოციაციის სახელით ბატონ ვაჟას ვულოცავთ საიუბილეო თარიღს და იმ ბედნიერ დღეს, 13 ივლისს, დავლოცავ თქვენ რომ მოევლინეთ ამ ქვეყანას, იდეალურად მრავალჟამიერ.

პანა ცაბაძე – კომპოზიტორი: ვაჟა აზარაშვილი ცოცხალი კლასიკოსია, კომპოზიტორი, რომელმაც შექმნა ბევრი საეტაპო ნაწარმოები ქართულ მუსიკაში. ანდრია ბალანჩივაძის მოსწავლე ვიყავი. იგი ყოველთვის ამბობდა, როგორ შეუძლია ერთი და იგივე კომპოზიტორს დაწეროს „დინამო“ და კონცერტი ჩელოსთვის. ეს სიტყვები იმის დასტურია, რომ ბატონი ვაჟა მრავალმხრივი ნიჭით არის დაჯილდოვებული. მას რეგალიები არ სჭირდება, ეს ყველაფრის მთქმელია.

ქეთევან თავაძაძე – მევიოლინე: ქართველი კლასიკოსი, არაჩვეულებრივი პიროვნება, დიდი მეგობარი. დიდი სიამოვნებაა მისი ნაწარმოებების შესრულება. ნაწარმოები, რომელიც გულიდან ამოსული ჰანგებია. დიდი მადლობა, რომ გვეძლევა საშუალება შევასრულოთ თქვენი შედეგები.

მარინე მაჭავარიანი-ანჯაფარიძე – რაინდული სულის შემოქმედი, ბატონი ვაჟა – სიკეთით, ადამიანურობით, რაინდობითი შემართებითა თუ თანადგომისათვის მუდმივი მზაობით მთელი არსებით ქართულ მუსიკალურ სივრცეში ცხოვრობს. ამიტომაც ასე ბუნებრივად და უშუ-

ალოდ იღვრება ნიჭი, არაჩვეულებრივი ნიჭი. ვაჟა არის ლალი და შინაგანად თავისუფალი, უაღრესად კოლორიტული და ყველასთვის საყვარელი პიროვნება, როგორც დიდი ზურაბ ანჯაფარიძესათვის, ასევე სრულიად საქართველოსათვის. ზურაბ ანჯაფარიძის სახელობის ფონდი დიდი მოწინებით ვულოცავთ ამ ღირსშესანიშნავ თარიღს.

პირადად მე ერთ მნიშვნელოვან ამბავს გავიხსენებ. გასული საუკუნის 70-80-იანი წლებია. პარტიის რაიკომიდან, სადაც მე რაიკომის პირველი მდივნის პირადი მდივანი ვიყავი გადამიყვანეს სოფლის მეურნეობის დარგის პროფკავშირების რაიონულ საბჭოში ინსტრუქტორად. მთელი თვე ვტიროდი, არ ვიცნობდი ამ სფეროს. მერე დედამ დამამშვიდა და მითხრა: ზარის წკრიალზე როდემდე უნდა გერბინა?! მაგ ახალ სამსახურში შენი თავი იპოვე! მართლაც ძალიან კარგი ხელმძღვანელობა გვყავდა. საქართველოს სოფლის მეურნეობის დარგის პროფკავშირების რესპუბლიკური კომიტეტის თავმჯდომარე ჯერ ვასილ კავაძე იყო, შემდეგ რობერტ ურჯუშელაშვილი, რომლებიც დიდად აფასებდნენ ჩვენი რაიონული საბჭოს მუშაობას. ყველა კოლმეურნეობაში იყო განთავსებული განთავისუფლებული პროფკომიტეტის თავმჯდომარის შტატი. რაიონის კოლმეურნეობის თავმჯდომარეები მოსავალს რომ დააბინავებდნენ, კულტურის სახლის დიდ საკონცერტო დარბაზში იწვევდნენ ხელოვნების ცნობილ მუშაკებს. იმ პერიოდში ფილარმონია იყო ახლანდელი დავით აღმაშენებლის გამზირზე და მისი დირექტორი იყო მერაბ ღონაძე, ხოლო მისი უახლოესი მეგობარი ვაჟა აზარაშვილი. მე მათი რეპერტუარი მოვისმინე კომპოზიტორთა სახლის საკონცერტო დარბაზში და აღფრთოვანებული დავრჩი. რაიონის კოლმეურნეობების პროფკავშირების თავმჯდომარეებს: ლევან ქავთარაძეს, არსენ ბუჩუკურს, გივი ბიკაშვილს, ოთარ გონაშვილს, თამაზ ზურაშვილს და სხვებს ვურჩიე მოეწვიათ მერაბ ღონაძე და ბატონი ვაჟა. მართლაც, მათ თითქმის ყველა სოფელში ჩაატარეს კონცერტები, რომლის შემდეგ იმართებოდა ბანკეტი. ვაჟა არაჩვეულებრივი თამადა გახლდათ, იუმორით სავსე, მართლაც, რომ მისი გონება და სიმდიდრე ის სკივრია, როგორც მისმა კოლეგამ, მაცაცომ, აღნიშნა, რომელიც სავსეა ქართული მელოდიებით. წერილს დავამთავრებთ პოეტ ნანა საბანაძის ლექსით, რომელიც პოეტმა ექსპრომტად მიუძღვნა ვაჟა აზარაშვილს მის შემოქმედებით საღამოზე:

ვაჟა აზარაშვილს
დაფარფატებენ თეთრ კლაიმიზე თეთრი პეპლები.
მზე შემოდგომის სადაცაა უკვე ინათებს,
წამოიმართნენ ბუმბერაზი ძველი კერპები
და თავებს ხრიან მოკრძალებით ვაჟას წინაშე.
ქართულ მუსიკას წერს ქართველი ქართული ნიჭით,
ადიდებს ერსა, სამშობლოს თუ ბუნების მგოსანს;
კომპოზიტორო, თეთრ მწვერვალზე ამხედრებული,
შენ საქართველოს სიყვარულის მანტია გმოსავს!

ნანა ჭიჭინაძე

ნოდარ მამისაშვილი - 90

ნოდარ მამისაშვილი – კომპოზიტორი, ხელოვნების დამსახურებული მოღვაწე, საქართველოს მეცნიერებათა აკადემიის აკადემიკოსი, პროფესორი 1930 წლის 15 დეკემბერს დაიბადა თბილისში.

1956 წელს დაამთავრა თბილისის სახელმწიფო კონსერვატორიის თეორიულ-საკომპოზიციო ფაკულტეტი. იგი გახლდათ თბილისის მეოთხე (1955-1963) და პირველი (1963-1972) მუსიკალური სასწავლებლების მუსიკის თეორიისა და კომპოზიციის პედაგოგი. იყო თბილისის სახელმწიფო კონსერვატორიის მუსიკის თეორიისა და კომპოზიციის პედაგოგი, დოცენტი (1995 წლიდან), ბგერითი ეკოლოგიის ცენტრის მთავარი კოორდინატორი (1996 წლიდან), საინჟინრო აკადემიის წევრ-კორესპონდენტი და მრჩეველი (1997 წლიდან), ეროვნული აკადემიის აკადემიკოსი და პრეზიდიუმის წევრი, კომპოზიტორთა კავშირის გამგეობის მდივანი, სასულიერო აკადემიის ლექტორი. ავტორი მუსიკალური ნაწარმოებებისა: საბავშვო ოპერა „ბაქია ბაჭია“, „შვიდი სიმფონია“, ოთხი საფორტეპიანო კონცერტი, საგუნდო ორატორიები და ციკლები, პიესები ორკესტრისათვის, ორღანისთვის, ფორტეპიანოსთვის და სხვა. შექმნილი აქვს მუსიკა სპექტაკლებისა და კინოფილმებისათვის. არის მრავალი სამეცნიერო ნაშ-



რომის ავტორი, მათ შორის „სამფანზიანი კომპოზიციის მუსიკალური სისტემა, ასისტრია – ანუ სიცოცხლის ჰარმონია“, „ბგერითი ველის თეორია“ და სხვა. ავტორი საინჟინრო გამოგონებებისა: სიმფონიკური აპარატი, რეგულირებადი წყლის გამაცხელებელი, თერმო-სტიმულატორი, ანოდურ-კათოდური დამუხტვის აპარატი, პროფილირებული კომპიუტერი „ნონა“ და სხვა.

სამების საკათედრო ტაძრისთვის შექმნა ზარების მელოდური წყობა და 9 ზარი ქართული გალობის ჰარმონიაზე.

მისი ბიოგრაფია შესულია მუსიკის დიდ ენციკლოპედიაში (გერმანია); მუსიკისა და მუსიკოსების შესახებ ენციკლოპედიურ ცნობარში „ვინ ვინ არის საქართველოში“ (ინგლისი).

მისი ჰობია ინჟინერია. მისი გამოთვლით ჩამოსხმული 9 ზარის „მელოდია“ და ტონების ჰარმონია წმინდა სამების სამრეკლოში ბატონ ნოდარ მამისაშვილისათვის არის საქართველოს მომავალ სიახლეთა სიმბოლო.

ნოდარ მამისაშვილის შესახებ კომენტარი ვთხოვე ცნობილ საზოგადო მოღვაწეებს:

თეიმურ ჩალაბაშვილი – პოეტი: ბატონი ნოდარი გახლავთ ეროვნული სულისკვეთებით გაჟღერნილი სულით ხორცამდე ქართველი კომპოზიტორი, მისით მარად იამაყებს საქართველო.

ვაჟა აზარაშვილი – კომპოზიტორი: ნოდარ მამისაშვილი, ნუგზარ ვაჭაძე და მე თბილისის მეოთხე მუსიკალურ სასწავლებელში ერთად ვიყავით, აქედან დავახლოვდით, შემდეგ კონსერვატორიის სტუდენტები გავხდით. ნოდარმა დაწერა საბავშვო ოპერა „ბაქია ბაჭია“, რასაც დიდი წრმატება ხვდა წილად. მისი შემოქმედება გამორჩეულია, ნოვატორია, ქართულ მხატვრულ და ლოკუმენ-



ტურ ფილმებში ჟღერს მისი მუსიკა. მან დაუწერა გიული ჩოხელს სომღერა „მინდა ვაკოცო ღიმილს“, რომელიც დღესაც ძალიან პოპულარულია. ვულოცავ საიუბილეო თარიღს და ვუსურვებ ჯანმრთელობას და დღეგრძელობას.

მერაბ კოკოჩავილი – კინორეჟისორი: ძალიან დიდი ხანი ვთანამშრომლობ მასთან. არის შესანიშნავი კომპოზიტორი, მისი ნაწარმოებები მთელს მსოფლიოში სრულდება, მათ შორის ევროპის ბევრ ცნობილ ქალაქში. მან ზუსტად აუღო ალლო კინომუსიკას. ჩემთვის უადრესად ახლო შემოქმედი და მეგობარია, რომლის გარეშე ფილმი თითქმის არ გადამიღია.

მაცაცო სპინსკერაძე – კომპოზიტორი: ის არის უნიჭიერესი კომპოზიტორი, თავისი სამშობლოს სიყვარულით გამორჩეული ადამიანი, ჩემთვის ძალიან პატივსაცემი უძლიერესი პიროვნებაა...

ნუნუ ღუღუაშვილი – კომპოზიტორი: ნოდარ მამისაშვილი არის გამორჩეული პიროვნება. მამამისი იყო ძველი თაობის ინტელიგენციის ერთ-ერთი თვალსაჩინო წარმომადგენელი – ეკონომისტი, თავის დარგში უმნიშვნელოვანესი ლიტერატურა დატოვა. ამრიგად ნოდარისგან ჩამოყალიბდა ძალიან ღრმად მოაზროვნე ჯერ ადამიანი, შემდეგ მუსიკოსი. მას ეკუთვნის ძალიან ბევრი საინტერესო აღმოჩენა მუსიკის დარგში. ნოდარი, როგორც პიროვნება, იშვიათი მეგობარია. თანამდგომი, არათუ ძალიან გაჭირვებულისა, არამედ იმ ადამიანისა, თუნდაც სულ მცირე წინააღმდეგობებს, რომ განიცდის. იგი გასაფრთხილებელია, დასაფასებელია და პატივსაცემია. ვუსურვებ ყოველივე კარგს მის პირად ცხოვრებაში და საზოგადოებრივ ასპარეზზე.

ილღერ შენგელაია – კინორეჟისორი: დიდი ქართველი, დიდი ადამიანი, დიდი კომპოზიტორი.

თიშურ ჩხეიძე – რეჟისორი: დიდი კომპოზიტორია, რაც მთავარია მრავალმხრივია მისი შემოქმედება. მის ნაწარმოებებს ალტაცებაში მოვყავართ.

მამკალა სორბალაძე – კომპოზიტორი: იგი არის ქართველი ხალხის საყვარელი კომპოზიტორი, რომლის შემოქმედებაც საუკუნეებს გაუძლებს და ყველა დროში ახლებურად იჟღერებს.

ნანა ბროძელი – ეკონომიკურ მეცნიერებათა დოქტორი: ჩემი უსაყვარლესი კინორეჟისორის, საუკუნის ადამიანის ნომინანტის, მერაბ კოკოჩავილის ქართულ მხატვრულ და დოკუმენტურ ფილმებს ფონად გასდევს ნოდარ მამისაშვილის მუსიკა, მათი ტანდემი ოქროს ასოებით ჩაიწერება ქართული კინოს ისტორიაში.

მათი ბაბისიანი – კომპოზიტორი (ვი.ა. „შნიურის“ მეორე თაობის წევრი, იმედის არხის სატელევიზიო პროექტ „ავტოგრაფის“ პროდიუსერი):

კონსერვატორიაში მაგისტრატურაზე მისაღებ გამოცდას რომ ვაბარებდი, ჟიურის ყველა წევრმა დადებითი შეფასება მომცა, როდესაც აუდიტორიიდან უნდა გამოუსულიყავი ნოდარ მამისაშვილმა დამიძახა და მითხრა: ქეთი გაბისიანო, შენ არა ხარ ნიჭიერი; ფეხები მომეკვეთა, – ქეთი, შენ ხარ უნიჭიერესი! ეს ბედნიერი წამები არასოდეს დამავიწყდება. ჩემთვის ბატონი ნოდარი ერთ-ერთი უსაყვარლესი პიროვნებაა.

ბატონი ნოდარის შესახებ აზრის გამოთქმა ვთხოვე დედოფლისწყაროს მუნიციპალიტეტის ილია ჭავჭავაძის სახელობის მწიგნობართა ასოციაციის წევრს **მადონა გიგოლაშვილს**: სიცოცხლის მიზანი ეს არის იცოცხლო ისე, რომ სიკვდილის შემდეგაც არ მოკვდე.

ბატონ ნოდარ მამისაშვილი უდიდესი ქართველი კომპოზიტორია, მას შექმნილი აქვს მუსიკა, სპექტაკლებისა და კინოფილმებისათვის. მინდა აღვნიშნო რომ სამების ტაძრის ცხრა ზარის კომპოზიცია, მათი რეზონანსი და ტონთა სიხშირე კომპოზიტორ ნოდარ მამისაშვილის აკუსტიკური სისტემითაა გათვლილი. იგი ავტორია სამეცნიერო ნაშრომების, მიღებული აქვს უამრავი ჯილდო და პრიზები. ნათქვამია:

„ბევრი ცოცხალი არსებაა ფრიად ძლიერი, მაგრამ ყველაზე ძლიერია ადამიანი.“

„ყველაფერი ცვლება გარდა სიბრძნისა და სათნოებისა,“ ზუსტად ეს სიტყვები მიესადაგება ბატონ ნოდარ მამისაშვილს.

იგი არა მარტო კომპოზიტორია, არამედ დაჯილდოვებულია მრავალმხრივი ნიჭით. მას ბევრი კვლევები აქვს ჩატარებული, მათ შორის დაინტერესებული იყო კოსმიური ენერგიების კვლევით და ბუნებაში არსებული ქვების შესწავლით. ლაბორატორიულად იკვლევდა ადამიანის ტორსიულ ენერგეტიკულ და ინფორმაციულ ველს, ასევე თავის სხვადასხვა ინტერესებს იკვლევდა და ადასტურებდა ცდებით და ექსპერიმენტებით. მასზეა ზუსტად მორგებული ეს სიტყვები.

„ნამდვილად სწავლისაგან გამდიდრება სიმდიდრეზე უმდიდრესიაო.“

„მუდამ წყნარი და ხალისიანი, საყვარელი და თავაზიანი, ბუნებრივი და თანაც ჭკვიანი, ასეთი უნდა ადამიანი.“

მქონდა ბედნიერება, რომ ვყოფილიყავი ბატონ ნოდარ

მამისაშვილის მოსწავლე და დღემდე განუაგრძობ მასთან მეგობრულ ურთიერთობას, რისთვისაც მადლობას ვუხდის ჩემდამი დიდი გულისხმიერებისათვის და გაწეული შრომისათვის, ღირსეულ და მზრუნველ უბაღლო ადამიანს ბატონ ნოდარ მამისაშვილს, რომელიც ცნობად სახეს წარმოადგენს მსოფლიოში.

„არ ვიცი რა ვთქვა რანაირი გითხრათ ლექსები, ჩემ შექებაზე თქვენ მეტი ხართ მაინც ღირსებით.“

დაე, მრავალი დაბადების დღე მოგველოცოს დიდი სიყვარულითა და პატივისცემით, თქვენი უმცროსი მეგობარი მადონა.

დიდებულ კომპოზიტორს ჩვენც ვულოცავთ საიუბილეო 90 წელს. ვუსურვებთ დღევრძელობას და შემოქმედებითი მუხტის უკვდავებას.



მარიანა კოჯიაშვილი

გაზაფხული

დედაქალაქში „ერთი მხატვრის“ ნათელა იანქოშვილის მუზეუმში (რუსთაველის გამზირი – 26) გაიხსნა ტრადიციული საგაზაფხულო გამოფენა, მთელი აპრილის თვის განმავლობაში დამთვალიერებლებს საშუალება ჰქონდათ დაეთვალიერებინათ თანამედროვე მხატვართა ნამუშევრების გამოფენა.

მხატვართა ლიგის დირექტორმა – ნუგზარ მელაქემ, გახსნა გამოფენა და მონაწილე მხატვრებს საჩუქრად გადასცა კატალოგი – გაზაფხული 2021.

მხატვრების სახელით გოჩა ზირაქიშვილმა, ხათუნა სონღულაშვილმა, ჟურნალისტმა ნანა ჭიჭინაძემ დამსწრე

საზოგადოებას მიულოცეს ეს ღირსშესანიშნავი დღე და მადლობა გადაუხადეს მუზეუმის დირექტორს – ბატონ თემურ დვალისვილს (ნათელა იანქოშვილის შვილობილს), დამსახურებულ მხატვარს, ამ გამოფენის ორგანიზატორს, გია მარკოზაშვილს, იმ დიდი შრომისათვის, რომ მიუხედავად პანდემიისა ძალა და ენერჯია არ დაიშურეს, არ უღალატეს ტრადიციას და უმაღლეს რანგის ნამუშევრები იქნა წარმოდგენილი სამ ეტაპად (2-8-14 აპრილი).



ნუგზარ მელაქემ

სერიიდან : თბილისის ცის ქვეშ. სახლი ჩიტაიას ქუჩაზე. ზეთი, ტილო, 69/58



თეზოზ მიქონაცი
„ძველი თბილისი“. ტილო, ზეთი
77/107

გამოფენის შესახებ კომენტარი ვთხოვე ცნობილ ადამიანებს:

თეზოზ ჩალაბაშვილი – პოეტი: მხატვრობა უსიტყვო პოეზიაა, ნუგზარ ძეგლი დიდი ოსტატია, მეტრი, რომელიც ახერხებს მდიდარი ფერებით ხატვას, მისი ნამუშევარი სერიიდან თბილისის ცის ქვეშ, – „სახლი ჩიტაიას ქუჩაზე“ შედგენია, მეც მაგ უბანში ვცხოვრობ – ილიას მუზეუმის გვერდით და ვცოცხლობ თერგდალეულების იდეებითა და პოეზიით. თითოეულ მხატვარს, ვინც მიიღო (ან ვერ მიიღო) მონაწილეობა ამ გამოფენაში, ვუსურვებ ჯანმრთელობას და შემოქმედებით წარმატებებს

მარინე ცხველიაშვილი – პოეტი: დიდი ოსტატობით არის შესრულებული, როგორც ფერწერული ტილოები, ისე გობელინები; მაღალ პოლიგრაფიულ დონეზე არის გაკეთებული კატალოგი. ნახატებში სჭარბობს გაზაფხულის ფერები, ამიტომაც ჰქვია თანამედროვე მხატვართა ნამუშევრების გამოფენას – „გაზაფხული“.

ნანა ჭიჭინაძე – ჟურნალისტი, დედოფლისწყაროს საპატრიო მოქალაქე: გამოფენაზე პირადად მუზეუმის დირექტორმა თემურ დვალისვილიმა მომიწვია. უდიდესი სიამოვნება მომანიჭა თანამედროვე მხატვრების ნამუშევრებმა. თვალი ვერ მოვწყვიტე ნახატს „აჭარა“. აჭარის სილამაზე ისეა გადმოტანილი ტილოზე თითქოს მართლაც აჭარის ბუნებაში იმყოფებოდე. ამ თავისუფალ სივრცეში უბედნიერეს ადამიანად გრძნობ თავს. ბატონ თემურს ვთხოვე, რომ გაეცნო ჩემთვის ამ სურათის ავტორი. ეს გახლავთ ლუბოვ სეროგოვანცევა, თვითნასწავლი მხატვარი. ქალბატონმა ლუბოვმა მითხრა: მეც დედოფლისწყაროში (იმ დროს წითელწყაროში) დავიბადე, რუსთაველის ქუჩაზე, 83

ნომერში, ერთ პატარა სახლში, სადაც ჩემი დეიდა რაია კოზინა ცხოვრობდა და მუშაობდა სამხედრო ნაწილში. ახლაც დიდი რუდუნებით ვუვლი დეიდას მიერ დატოვებულ სახლს და ზაფხულობით მე და ჩემი მეუღლე ვლადიმერი ჩამოვდივართ ხოლმე. ქალბატონი ლუბოვი მწვრთნელია მხატვრულ ტანვარჯიშში, მას საქართველოს დამსახურებული მწვრთნელის ტიტული აქვს მინიჭებული.

ნიკოლოზ ბენიანიძე – ფერმერი, შპს „შირაქის“ დამფუძნებელი, საქართველოს მერძევეთა ასოციაციის თავმჯდომარე: გაზაფხულის ფერებით გაჯერებულ ნახატებში ჩემი ყურადღება მიიქცია ახალგაზრდა მხატვრის სალომე გეგეშიძის ფერწერულმა ტილომ „ზამთრის დილა“. ფაფუკ თოვლში ჩაფლული ნაძვები მთვარის შუქზე. ამ ულამაზესმა პეიზაჟმა დიდი შთაბეჭდილება დატოვა ჩემში. პანდემიის გამო საგამოფენო დარბაზები თითქმის მთელი წელი დაკეტილი იყო; დიდი მოწინააღმდეგეა გადავუხდი მაღლობას ამ გამოფენის ორგანიზატორს, დამსახურებულ მხატვარს – გია მარკოზაშვილს, მხატვართა ლიგის დირექტორს, შესანიშნავ მხატვარს, ნუგზარ ძეგლიძეს და მუზეუმის დირექტორს, ნათელა იანქოშვილის შვილობილს, თემურ დვალისვილს ამ სიამოვნების მონიჭებისთვის.

ნუგზარ ალუღოშვილი – ფერმერი, სოფელ მირზაანის ყოფილი კოლმეურნეობის თავმჯდომარე: მე დიდი მხატვრის ფიროსმანის სოფლიდან ვარ. თუკი ვინმეს შეეფერება ტერმინი – უტყვი მხატვარი – ეს ნიკო ფიროსმანია 56 წელი იცოცხლა და მისი ყოველი დღე იყო შეუპოვარი ბრძოლა იმისათვის, რომ მხატვარი ყოფილიყო და ბუნებით ხელოვნად დაბადებული მკაცრ ცხოვრებას რიგით მოქალაქედ, ხელზე მოსამსახურედ, ვაჭრად ან მოქვიედ

ყარაჩოხელად, არ გადაექცია .. როგორც დაიწყო, ისე დაამთავრა კიდევ – უტყხად, თავისი შინაგანი „მე“-ს ერთ-გულებით, განმარტოებით, შეუცნობლად...

დაიბადა სოფელ მირზაანში 1862 წელს გლეხის ოჯახში იზრდებოდა... ყოველ ცისმარე დღეს ხედავდა, მუხლჩაუხრელად შრომობდნენ მისი მშობლები თეკლე ტოკლიკიშვილი და ასლან ფიროსმანაშვილი. ასლანმა და თეკლემ ჯვარი ზემო მაჩხაანის მთავარანგელოზის ეკლესიაში დაიწერეს... სამი შვილი ეყოლათ: მარიამი, ფეფე და ნიკო. პატარა ნიკო სოფელში ცხოვრობდა, ფუნჯი და ფანქარი არც ენახა, თვალით და ფიქრით ხატავდა. სიცოცხლეში დაუფასებელი მხატვარი სიკვდილის შემდეგ დაფასდა. ვათვლიერებ ამ გამოფენას და გული სიხარულით მეკსება, ჩვენი მთავრობა ასე რომ ზრუნავს ხელოვნებზე, განახლებული სამხატვრო აკადემია გრიბოედოვის ქუჩაზე რესტავრაციის შემდეგ მსოფლიოს საოცრებაა; დღევანდელ გამოფენაზე ძალიან მომეწონა თენგიზ მიქოიანის ნამუშევარი – „ძველი თბილისი“, თვალწარმტაცი თბილისის ძველი უბანი, რიკულებიანი აივნები, ეს სახლები გადახურული საერთო აივნებით.

თამარ ივარი – ოპერი მომღერალი: მხატვარი ხათუნა ბაბუხაძე ოპერის მეგობარმა ნანა ჭიჭინაძემ გამაცნო. იგი წარმოჩენილია საქართველოს დამსახურებული ჟურნალისტის, საქართველოს ტექნიკური უნივერსიტეტის პროფესორის და ამავე უნივერსიტეტის ბიბლიოთეკის წამყვანი სპეციალისტის ნინო რეხვიაშვილის მიერ გამოცემულ წიგნში „სამყაროს სამკაული“. მართალია გამოფენას ვერ ვესწრებოდი, მაგრამ ხათუნამ ფეისბუქზე გამომიგზავნა თავისი ნამუშევრები. იგი მართლაც თანამედროვეობის ერთ-ერთი საუკეთესო მხატვარია.

ნანა ბროძელი – ეკონომიკის მეცნიერებათა დოქტორი: ხათუნა ბაბუხაძე დღეს დღეისობით უმაღლესი რანგის ახალგაზრდა მხატვარია. მე ყოველთვის ვესწრებოდი დედაქალაქში გამართულ გამოფენებს. მათ შორის საქართველოს ეროვნული ბიბლიოთეკის საგამოფენო დარბაზში, ექსპო-ჯორჯიაში და სხვაგან. ხათუნას პერსონალურ გამოფენებს და უდიდეს სიამოვნებას მანიჭებს როგორც მხატვარი და როგორც ადამიანი.

ვინაიდან დამთვლიერებელთა განსაკუთრებული ინტერესი გამოიწვია ახალგაზრდად მხატვრის ხათუნა ბაბუხაძის შემოქმედებამ, მას ვთხოვეთ უფრო ვრცლად მოეთხრო საკუთარი თავის შესახებ(აქვე შეგახსენებთ რომ აღმანახის უკანა ყდა მისი ნამუშევრებითაა გაფორმებული):

მე ხათუნა ბაბუხაძე ვარ გობელენის, ფარდაგის, ხალიჩის მხატვარ-დიზაინერი.

დავამთავრე თბილისის სახელმწიფო სამხატვრო აკადემია, გამოყენებითი ფაკულტეტი, მხატვრული და დეკორატიული ქსოვილების განხრით. 23 წელია ამ სფეროში ვმოდგაწეობ, თამამად შემიძლია ვთქვა ამ საქმის პროფესიონალი ვარ.

18 წლის ვიყავი პირველად რომ შევეხე დაზგას, შალის ძაფებს, რამაც ძალიან დიდი ინტერესი გამოიწვია ჩემში, ყველაზე მეტად მხიბლავდა, რომ არაფრისგან იქმნებოდა ულამაზესი მხატვრული ქსოვილი ნატურალური მასალისგან, ჩემი თითების მეშვეობით. პირველი ნამუშევარი 18 წლისამ შევქმენი და მას შემდეგ დღემდე არ გაჩერებულვარ. ხელოვნება ჭაობს გავს, რაც მეტს ვმუშაობდი, მით მეტად ვეფლობოდი მასში. ყოველი დასრულებული ნამუ-



ლუბო სარბოვანცევი
„აჭარა“. ტილო,
ზეთი 40/60

შევარი მუზაა ახალი ჯერ არ დაბადებული ნამუშევრი-სათვის. ძალიან ცოტა მხატვარია საქართველოში ამ დარგის მიმდევარი, თითქმის თითებზეა ჩამოსათვლელი. ეს არის პროფესია, რომელიც ფინანსებთან და ნიჭთან ერთად ძალიან დიდ ნებისყოფას მოითხოვს, როგორც მე ვიტყვოდი რკინის ნერვებს... ძირითადად ნატურალური

შალის ძაფით ვმუშაობ ძაფს მე ვამუშავებ, მე თვითონ ვღებავ, როგორც ბუნებრივი, ასევე ქიმიური საღებავებით .

2000 წლიდან აქტიურად ვარ ჩართული შემოქმედებით გამოფენებსა თუ ღონისძიებებში. როგორც საქართველოში ასევე საზღვრებს გარეთ.

მაია ჯელაური

1967 წლის 20 ნოემბერს სოფელ საკობიანოში დაიბადა. სწავლობდა ქალაქ დედოფლისწყაროს მე-2 საჯარო სკოლაში, ასევე მუსიკალურ სასწავლებელში. მაია სულით ხელოვანი ადამიანი იყო. ძალიან კარგად ხატავდა, მღეროდა, ხმის საოცარი ტემბრი ჰქონდა. ლექსებს ბავშვობიდან წერდა. ის 2007 წელს გარდაიცვალა და დაკრძალულია დედოფლისწყაროში. ჰყავს ქალ-ვაჟი და სამი შვილიშვილი. ამჯერად მაიას შემოქმედებას მისი რამოდენიმე ლექსით წარვუდგენთ საზოგადოებას.

* * *

სულში ეშვება ქარწაღებულ ფოთოლთა სევდა,
დიდი ალკები უმწეობით დახრიან თავთა,
გაზაფხულივით მენატრება ახალგაზრდობა,
დაკარგულ ფოთოლთ „ბარათებით“ მევსება კალთა.
თუ ასე მოკლე სარბიელი მარგუნე ღმერთო,
მაშ სულში რატომ ჩამისახლე ძალა გრიგალთა?!
რად დამანათლე სიყვარულის კელაპტრად ვენთო,
თუ ყველას ასე დაუკარგავდი ვინც კი მიყვარდა?!
რად ვეღარ, ვეღარ უპოვია მდინარეს ფონი,
რად აღარ, აღარ გაიცრიცა წვიმების ფარდა?!
ვერსად ვერ ვპოვე ვერც სიცოცხლის დასალიერი,
მომწეინდა...
რაც გსურთ მომისაჯეთ სიცოცხლის გარდა.

აღაზანს

მე კარგად ვიცნობ მშფოთვარ მდინარეს,
შეურიგებელს ბედთან და ღმერთთან,
ბევრჯერ მიგვრძენია ჩემს ბავშვობაში
ღამის წყვდიადში მისი ხმის ელდა.
მასთან დაიწყო ჩემი ცხოვრება,
ბევრი იქუხა, ბევრი იმღერა
და თან წაიღო ზღვის სილურჯეში
ბავშური შიში და გულისძგერა.
მთის მწვერვალიდან მოაქვს სიწმინდე
და უნაწილებს ცოდვილ ქვეყანას.



პირველად მასში ვიგრძენ სამშობლო,
ეს ლურჯი მთებიც მან შემყვარა.
დღეს არ მაშინებს მისი ხმაური,
რალაც საამო სევდასღა მომგვრის
და აქ მიგზავნის უხილავ ლექსებს
ხევი ტალღების ხმაურით მოღლილს.

მე მაინც თქვენთან მოვიდოდი

თამარ თამაზაშვილს

მაშინ ვერა და ახლა ვარჩევ ბოროტს და კეთილს,
მაშინ არა და ახლა ენანობ დაკარგვას თქვენსას.
ბრწყინა ქაოსში მიფარავდა თქვენი ღიმილი;
ახლა გულს მიკლავს კლავიშების „შიშველი სევდა“.
ხომ არ დაგდალათ ცხოვრებამ და ბოროტთან ბრძოლამ,
თქვენს აღსაზრდელებს ვეღარ ჰყავხართ იქნებ ნუგეშად?
გულგაციებულ ხალხის სიმრავლემ
ვაი, თუ სული გაგიუხეშათ...
ვაი, თუ აღარ გაქვთ სურვილი – ამავსოთ რწმენით,
ჯავრი, თქვენს გულს რომ შევატოვე, არა ნელდება,
მე მაინც თქვენთან მოვიდოდი ნოტებით ხელში,
ეს იქნებოდა ბედნიერება.

ნათია ჯიყაშვილი

ფსიქოლოგიური შეხვედრები.

გამარჯობა მეგობრებო. თქვენი სურვილით და ღმერთის დახმარებით მინდა გაგიზიაროთ ცოდნა და შესაძლებლობა, რომ ერთად დაგამარცხოთ ჩვენს ქვეყანაში ეპიდემიის მსგავსად გავცელებული ფსიქოლოგიური პრობლემები და წინააღმდეგობები, ვიპოვოთ ჩვენი თავი, ღმერთი და შესაძლებლობები.. ამ ახალ, არანორმანულ სიტუაციაში ვიღაც სახლში, ოთახში ჩაიკეტება, დეპრესიაში ჩავარდება, შიში, უძლურება, იმედგაცრუება და პანიკა შეიპყრობს, თავის თავს და გარემო საზოგადოებას სასიკვდილო განაჩენს გამოუტანს. ვიღაც კი, იგივე სიტუაციაში მყოფი, თავს გაიმხნეებს, საკუთარ ცხოვრებაზე პასუხისმგებლობას აიღებს, მისგან წარმატების ნაპერწკლებს, წარმატების მარგალიტებით გვირგვინს შექმნის და თავისი ცხოვრების ახალ რეალობას დაიწყებს. მჯერა ღმერთის, რომელიც ყველა ადამიანის შემოქმედი, ყველას აძლევს თავის წილ ტალანტს, ნიჭს, უნარს გაუმკლავდეს ცხოვრებას და შექმნას თავისი პიროვნების საინტერესო, ლამაზი და მნიშვნელოვანი ისტორია. მაგრამ, ზოგიერთი მათგანი წინააღმდეგობებისგან შეირყევა, დაეცემა და მიწაში დაფლავს თავისი ცხოვრების შესაძლებლობებს. ზოგიერთი მათგანი კი კვლავ აღემატება, მოცემულ ნიჭს გაზრდის, გაამრავლებს, და ყველასთვის სასარგებლოს და სამაგალითოს გახდის. თქვენი ვალდებულებაა ამ არანორმანულ სიტუაციაშიც იპოვოთ თქვენი თავი, ღმერთი და შესაძლებლობები. დაამარცხოთ წინააღმდეგობები და გამოხვიდეთ გამარჯვებულები. რადგან გადაივლის ეს ქარიშხალი და ცხოვრების ახალი რეალობა დაიწყება. მაგრამ ამ დროს ვინ იქნებით, სად და როგორი პიროვნებები გახდებით თქვენ? გამარჯვებულნი, გაძლიერებულნი, სიცოცხლის უნარიანი თუ მიწაზე გართხმულნი და საცოდავად მგმინავნი? ეს თქვენი არჩევანია, რადგან თქვენ და მხოლოდ თქვენ ხართ პასუხისმგებელნი თქვენს პირად ცხოვრებაზე.

ჩვენ ნიჭიერი ერი ვართ და ამავე დროს ღვთის რჩეულიც. ამას მოწმობს ჩვენი წინაპრების და ჩვენი ქვეყნის ისტორიაც, რომელმაც გაუძლო და მოგვიყვანა ამ დრომდე. ჩვენი მოვალეობაა გადავარჩინოთ და გავაგრძელოთ ჩვენი ოჯახების, ქართველი ხალხის და საქართველოს ისტორია.

დღეს, როგორც არასდროს გვჭირდება ღმერთი, მისი მცნებების სიყვარული და სიბრძნე. დღეს, როგორც არასდროს მთელი გულით ვითხოვოთ, რომ მოგვმადლოს ღმერთმა გონივრული განსჯა და ღირსეული ფიქრი



მონიჭებულზე, რომ სიბრძნით განვაგოთ ჩვენი ცხოვრება. მოგვეცეს ცოდნა ღვთის საქმეთა შესახებ, რომ გავიგოთ როგორ გამოვიდეთ ამ მძიმე და დამთრგუნველი სიტუაციებიდან. მხოლოდ ასე გადავრჩებით ჩვენც და ჩვენი ქვეყანაც. რადგან მძიმე ცხოვრებისეული ეტაპები გვერგო წილად არ ჩავარდეთ დეპრესიაში, არამედ „სიბრძნით აღემატებით“. აი რას ამბობდა ძველი აღთქმის ებრაელთა დიდებული მეფე სოლომონი ღმერთზე, ცხოვრებასა და სიბრძნეზე. მეფე ყველაზე მდიდარი, ძლიერი, დიდებული, ლამაზი, ბრძენი სოლომონი. მეფე, რომელმაც განაახლა იერუსალიმის დიდებული ტაძარი, სადაც ცხოვრობდა და დადიოდა დედა მარიაში ღვთისმშობელი და სადაც ქადაგებდა და ჯვარს ეცვა ჩვენი ტკბილი იესო ქრისტე, ძე ღვთისა, ჩვენი ცხოვრების მართლმადიდებლური სარწმუნოების დამფუძნებელი. (ვინც არ იცის ეს ის ადგილია, სადაც დღესაც ჩემულობენ და ლოცულობენ სხვადასხვა ქვეყნის, რელიგიის და მრწამსის წარმომადგენლები). მეფე სოლომონის დიდებული ნაწერებიდან ჩანს, რომ ღმერთის და მისი საქმეების შესაიდუმლეა ბრძენი ადამიანი, რომ „ღმერთია წინამძღვარი ბრძენთა და სიბრძნის წარმართველი. რომ ღმერთის ხელში ვართ ჩვენც და ჩვენი სიტყვებიც, ყოველი საქმის ცოდნა, ოსტატობა და დახელოვნება საქმეში.“ ის ამბობდა, რომ: „თუ სიმდიდრე სასურველი მონაგებია ცხოვრებისა, რა უნდა იყოს სიბრძნეზე უმდიდრესი, რომელიც ყველაფერს ქმნის? თუ გონება ძალმოსილია, მასზე უკეთესი ხელოვანი ვინდაა ცოცხლებს შორის. თუ ვინმეს სამართლიანობა უყვარს, მისი შრომა სიქველეა, რადგან კეთილგონიერებას და ჭკუას ასწავლის, სამართლიანობას და მხნეობას ასწავლის ხალხს, და ამაზე სასარგებლო კი ადამიანისათვის არაფერია ცხოვრებაში“. სოლომონ ბრძენი ამბობდა: უკვდავებაა სიბრძნეს-

თან წილნაყარობა, მასთან მოყვრობა კი ნეტარება, მასთან საუბარი გონიერება და სახელის მოხვეჭა. დავდიოდი და ვეძებდი გზას, როგორ შემეძინა ის. მთელი გულით მივმართე და შევევედრე ღმერთს: წარმოგზაუნე შენი სიბრძნე, რომ შევიცნო რა არის შენი მოსაწონი და ასე გადავრჩეო აი, ასეთ მნიშვნელობას ანიჭებდა სიბრძნის მეტყველებას და აქებდა ღმერთს სოლომონ მეფე, რამელმაც უკვდავყო, ცნობილი და წარმატებული გახადა არა მარტო თავის ცხოვრებაში, არამედ ახლაც ოცდამეერთე საუკუნეში. ის არის ნიმუში დიდებული მეფის აზროვნებისა. ის პირდაპირ ითხოვდა ღმერთისგან ჩვენთვის, ყველასთვის რომ „ასე წარმართე მიწიერთა აზრები, რომ ადამიანები მიხვდნენ შენს მოსაწონს და სიბრძნით გადარჩნენ“ და როცა ამას მიხვდებით თქვენც, ითხოვეთ ღმერთისაგან ეს სიბრძნე მისი ნების შეცნობისა, განახორციელებთ თქვენს ცხოვრებაში და გადარჩებით თქვენც და თქვენი ოჯახებიც. აიღეთ პასუხისმგებლობა საკუთარ ცხოვრებაზე. ნუ ჩაეფლობით ბოროტების მარწუხებსა და სასოწარკვეთილებაში. სარწმუნოებით გაძლიერდით და სიბრძნით დაამარცხეთ ეს წინააღმდეგობები.

დიდი ცვლილებები ხდება დღეს მსოფლიოში. რეალობამ აჩვენა, რომ ბევრი პროფესია გაუქმდება. ტექნიკისა და ინტერნეტ სფეროს გამოყენებით დისტანციურად მომსახურების სფეროს სამუშაოები აქტუალური გახდება. უნდა მოვემზადოთ ახალი რეალობისთვის. თქვენს ცხოვრებაში ცვლილებები თქვენი არჩევანიდან დაიწყება. ნებისმიერ დღეს, როცა მოისურვებთ შეძლებთ ახალი საქმიანობა დაიწყეთ. ნებისმიერ დღეს, როცა მოისურვებთ შეძლებთ თქვენი ცხოვრების შეცვლას. ეს შეგიძლიათ გააკეთოთ დაუყონებლივ, ან შემდეგ კვირაში, თვეს, წელს. ან ასევე შეგიძლიათ არაფერი აკეთოთ, მუდმივად დაძაბული და დეპრესიული განწყობილება შეიქმნათ და ამის საკმარის მიზეზებსაც აუცილებლად მალევე იპოვნით. თუ ფიქრი აუცილებელ ცვლილებებზე დისკომფორტის გრძნობას მოგიტანთ, შეგიძლიათ ყველაფერი ისევე დატოვოთ, როგორიცაა. შეგიძლიათ დასვენება და გართობა აირჩიოთ, დაჟინებული შრომისა და განათლების მაგორად, შიში და ეჭვიანობა კი, დამაჯერებლობის ნაცვლად. ეს თქვენი არჩევანია. მაგრამ, როცა არ მოგეწონებათ თქვენი ცხოვრება და შედეგები, ხელს ნუ დააფარებთ მიზეზებს. მას ვინც ეძებს უკეთეს ცხოვრებას მეტი პასუხები არ სჭირდება, მეტი დრო მოსაფიქრებლად როგორ მიადწიოს უკეთეს შედეგებს. თქვენი მიზანია აუცილებლად გააკეთოთ ახალი, სწორი არჩევანი, რომელიც სასიცოცხლო ძალას, ბედნიერებას და სიხარულს მოგიტანთ თქვენს ყოველდღიურ ცხოვრებაში. სწრაფად შეცვალეთ ის რაც

არ მოგწონთ, იმ შესაძლებლობებით რაც ხელთ გაქვთ!. თქვენ მცენარე არ ხართ, შეგიძლიათ მთლიანად გარდაქმნათ თქვენი ცხოვრების ნებისმიერი ნაწილი და ეს თქვენი არჩევანით იწყება.

მაგრამ, თუ რა სიძლიერით შეგიძლიათ შეცვლოთ თქვენი რეალობა და შედეგები დამოკიდებულია თქვენი წარმოსახვის უნარზე. ადამიანი შეუცნობლად ცვალება-და. ნებისმიერ ადამიანს შეუძლია იმ ადგილიდან, სადაც არის მივიდის იქ, სადაც უნდა რომ იყოს. ყველა ჩვენთანისთვის ეს გამოწვევაა. ნებისმიერი ოცნება რეალობად იქცევა, თუ გვეყოფა ვაჟკაცობა და ვიჯეროთ ის. შესაძლებელია დღევანდელი ჩაკეტილი, გაჩერებული, დაავადებული გარემო პირობების მიუხედავად ოჯახების და თვითთული ჩვენგანის ფეხზე დადგომა? რა თქმა უნდა შესაძლებელია. დაგეგმარებით, დიდი სურვილით, მონდომებით და დაჟინების უნიკალური შეთავსებით შესაძლებელია სასწაულების მოხდენა. საკითხავი ის კი არ არის იმუშავებს თუ არა წარმატების ფორმულა, არამედ ის თუ აიძულებთ ამ ფორმულას იმუშაოს თქვენთვის. მაგალითისთვის, ჯერ კიდევ 1960 წელს ერთი ადამიანის ოცნებამ, ვის გონებაშიც პირველად გაიელვა ადამიანისათვის კოსმოსურ სივრცეში მოგზაურობა, ტექნიკურად შეუძლებელი რეალური გახადა და ადამიანმა მთვარის ზედაპირზე გაიარა. ოცნების რეალობად გარდაქმნის სასწაული მექანიზმი მოხდა. შეუძლებელი რეალობად აქცია და ის საზოგადოებისთვის მნიშვნელოვან მიზნად გადაიქცა.

ბედნიერება ეს არ არის, რასაც მომავლისათვის გადადებთ. არამედ ის რასაც ამჟამად ქმნით. წარუმატებლობა ეს არ არის ერთჯერადი მოქმედების აქტი, არამედ ცდომილი რიგი აზრებისა და ქმედებებისა, რომელსაც ყოველდღიურად იმეორებთ. წარმატება შედეგად 20% ოსტატობასა და 80% სტრატეგიისაგან. მაგალითისთვის, თქვენ გაქვთ კითხვის უნარი, მაგრამ გაცილებით მნიშვნელოვანია თუ რის წაკითხვას აპირებთ თქვენი მიზნების და ცხოვრების გასაუმჯობესებლად, მნიშვნელოვანია როგორ სტრადეგიას აირჩევთ თქვენ.

იყავით პასუხისმგებელი საკუთარ ცხოვრებაზე. არ ისარგებლოთ თავის მართლებით. გახდით წარმატებული ადამიანის ფილოსოფიის მატარებელი. როდესაც გაგიჩნდებათ ახალი, საინტერესო და მნიშვნელოვანი იდეა, მაშინვე დაიწყეთ მისი განხორციელების გზების ძიება. სანამ ემოციები ძლიერია და იდეა დამაჯერებელი, ნათელი და აკვიატებული, შექმენით მოქმედებების შესასრულებელი გეგმა და თანმიმდევრულად მიყევით მას.

მინდა ვისაუბროთ დისციპლინის მნიშვნელობაზეც. დისციპლინა საშუალებას იძლევა ჯანსაღი აზრით მად-

ლა დადგეთ საკუთარ ემოციებზე, რათა განხორციელოთ თქვენი იდეა ცხოვრებაში. დისციპლინით თქვენ დაიწყებთ ახალ ცხოვრებისეულ პროცესს. სასურველია რაც შეიძლება სწრაფად იმოქმედოთ, სანამ ემოციები ჩამქრალა და იდეა არ შესუსტებულია. თუ დროულად არ იმოქმედებთ თქვენივე ჩამქრალი განზრახვის კანონზომიერი მსხვერპლი გახდებით. ყველაზე დიდი ცდუნებაა საკუთარ თავს უფლება მისცეთ მოდუნდეთ, იმის ნაცვლად რომ შესაძლებლობების მაქსიმუმი გააკეთოთ და უფრო ნაკლები აკეთოთ ვიდრე ეს შეგიძლიათ. ეჭვი არ შეგეპაროთ, რომ ასეთ დროს ყველაზე მარტივ გზას დაადექით საკუთარი ღირსების დაქვეითებისაკენ. პრობლემა მცირე უყურადღებობისგან წარმოიქმნება, პრობლემები კი აჩლუნგებს საკუთარი თავის პატივისცემის გრძნობას. ყველაფერი, რაც თქვენ მოგეთხოვებათ, არის იმოქმედოთ გადაუდებლად. დაიწყეთ ყველაზე მარტივი მოქმედებისგან, რომელიც თქვენს საკუთარ ფილოსოფიას შეესაბამება. დააკავეთ საკუთარი თავი პასუხისმგებლობით, შთააგონეთ თქვენს თავს დისციპლინირებულად იმოქმედოთ ყველა თქვენი მიზნების მისაღწევად, რომ ახლო მომავალში საკუთარი წარმატებებით იზეიმოთ. თანამიმდევრული მოქმედება ეს არის კავშირი დასახულ მიზანსა და მის მიღწევას შორის. ჩვენ ყველანი ორიდან ერთი „ტკივილით“ ვიტანჯებით: ან დამარცხებული დისციპლინის ტკივილით, ან შემდგომი სიბრაღულის, სინდისის ქენჯნით. სხვაობა

მხოლოდ არის ის, რომ დისციპლინის ტკივილი გრამებს იწონის, ხოლო სინანულის ტკივილი კი ტონებს. არც ისე ბევრი რამის შეცვლა მოგიწევთ, რომელიც შედეგებში სხვაობას მოგიტანთ. რამოდენიმე მარტივი მოქმედებების დისციპლინირებულად განხორციელებით იმოქმედებთ იმ შედეგებზე, რასაც ცხოვრება მოგიტანთ ბოლო 90 დღის განმავლობაში, რომ არაფერი ვთქვათ მომავალ 12 თვეზე ან შემდგომ 3 წელიწადზე. დისციპლინა ეს ფუნდამენტია, რომელზეც წარმატება შენდება. ის თავისთავად ატარებს მომავალი სასწაულების მოხდენის პოტენციალს. თქვენი ნებისმიერი მიზანი დაყავით მარტივ სამოქმედო გეგმად და ზედმიწევნით, დაუყონებლოდ შეუდექით მის შესარულებას. ნებისმიერი ხელოვნების ნიმუშის შესაქმნელად, საჭიროა დრო. ზრდისა და განვითარებისათვისაც საჭიროა დრო. ცხოვრება რომ თქვენთვის საინტერესოდ ააწყოთ, საჭიროა დრო, თქვენი საკუთარი ოცნებების რეალიზებას დაუთმეთ საჭირო დრო, რამდენსაც იმსახურებს და რამდენსაც საჭიროებს. რამდენჯერ უნდა სცადოთ თქვენი მიზნების განხორციელება? მანამ, სანამ არ მიაღწევთ მას, მაგრამ მოუთმენლობა და დროის ხარჯვის სიძუნწე, ასე ძალიან, რომ გვიპყობს, მომაკვდინებელია წარმატების მიღწევაში, გაითვალისწინეთ, გისურვებთ ღმერთის მოსაწონი თქვენი მიზნების განხორციელებას და ბედნიერების განცდას თქვენი ცხოვრების ყველა ეტაპზე. ეს შესაძლებელია და თქვენ მიიღებთ მას.



ლალი ბასილაშვილი

დედოფლისწყაროს ისტორიული ნარსულის ნაკვალევზე

დედოფლისწყაროს მუნიციპალიტეტი მდებარეობს მაღლობზე, რომელიც ეკვრის ალაზნის ველს. მის ჩრდილოეთით გადაჭიმულია კავკასიონის მთავარი ქედი. ეს მაღლობი ძირითადად შედგება კირქვების ფენებისაგან. კირქვის ასეთ მარაგს ამიერკავკასიაში სხვაგან იშვიათად თუ ნახავთ.

დედოფლისწყაროს მაღლობი წარმოადგენს კავკასიონის მცირე ქედის გაგრძელებას. იგი წარმოქმნილია იურიული და ცარცული პერიოდების ზღვარზე. ხმელეთის წარმოშობისას კირქვის მასა, რომელიც წარმოიქმნა ამ ადგილებში ზღვის არსებობის დროს, იცვლიდა ფორმას, იღებდა კლდის, გორაკის და სხვა სახეს. ახლადწარმოქმნილი მაღლობის გარშემო შესაძლებელია დარჩა მტკნარი და მლაშე ჭაობები. ამის დადასტურებაა ალაზნის ველზე

და კახეთის მაღლობზე მლაშე ნიადაგები, აგრეთვე ვაშლოვანის დაბლობი და მდინარე იორის ველი.

მუნიციპალიტეტის ცენტრი დედოფლისწყარო მდებარეობს ისტორიული ქიზიყის ტერიტორიაზე. მისი საშუალო სიმაღლე ზღვის დონიდან 650 მეტრია. თუმცა თავად ქალაქი დედოფლისწყარო 836 მეტრზე მდებარეობს, ხოლო ელიის მთის სიმაღლე 1001 მეტრია. დედოფლისწყაროს ჩრდილოეთით ესაზღვრება ყარაღაჯის მთა (931 მ), შირაქის ველის სამხრეთით მთა ყარაღარა (916 მ), შირაქის ველის სამხრეთ-აღმოსავლეთის საზღვრებთან დელიჩა (954 მ).

ძველ საისტორიო წყაროებში „ქიზიყი“ კამბეჩოვანის სახელწოდებას ატარებს. პირველი საუკუნის ბერძენი გეოგრაფის სტრაბონის დახასიათებით „კამბისენ“ – უწყლო და უსწორო ტერიტორიაა, რომელიც მდებარეობს მდინარე ალაზნთან.“ ხოლო XVIII საუკუნის გამოჩენილი მეცნიერს ვახუშტი ბატონიშვილს შემდეგი ცნობა აქვს დაცული: „არამედ საქვაბე (საქობო) ასანურამდე არს ადგილი ქიზიყისა, რომელი მოხვევია მთასა, ცივის მთიდან ჩამოსულსა, ამას ეწოდა პირველ კამბეჩოვანი, კანბეჩთა სიმრავლისათვის“.

V საუკუნეში ვახტანგ გორგასალმა ქალაქი ხორნაბუჯი სამეპკვიდროდ გადასცა თავის შვილს დაჩის. აქვე დაარსდა საეპისკოპოსო კათედრა.

523 წელს ირანელებმა მეფობა გააუქმეს იბერიაში, ქვეყანა დაიყო ირანის იმპერიის სამხედრო ადმინისტრაციულ ერთეულებად, ე. წ. „კუსტაკებად“. ერთ-ერთი „კუსტაკის“ მმართველის რეზიდენცია გახდა ხორნაბუჯი. აქ იდგა მძლავრი ირანული გარნიზონი.

VII საუკუნეში სასანიანი ირანელები მაჰმადიანმა არაბებმა შეცვალეს. მათ დაიწყეს ისლამის გავრცელება, მაგრამ ახალმა რელიგიამ ფეხი ვერ მოიკიდა კამბეჩოვანში. ეს მხარე რელიგიური ბრძოლის ფორპოსტად იქცა.

XII საუკუნეში მეფეთ-მეფე თამარის ხანაში ხორნაბუჯი სხედან მახატლისძეები. ისინი იმდენად ძლიერი ყოფილან, რომ „ყრმა ვერ აუტირდებოდა დედასა მახატლისძეთა შიშითა.“

XII-XIII საუკუნეებში კამბეჩოვანში 70-80 ათასი კაცი ცხოვრობდა. თვით ხორნაბუჯში, სავარაუდოდ – 10-15 ათასი. ქალაქი წარმოადგენდა ვრცელ ანსამბლებს – ცალკე უბნების სახით – ჭოეთი, კოდოთო, ყარაღაჯი. XII-XIII საუკუნეებში ხორნაბუჯის საერისთავო დიდების ზენიტშია. არქეოლოგიური გათხრებით და შემთხვევით აღმოჩენილი მასალების მიხედვით ხორნაბუჯი ყარაღაჯთან ერთად ჩაბმული იყო საერთაშორისო ეკონომიკურ-სავაჭრო ურთიერთობაში. აქ ერთმანეთს ხვდებოდნენ ვაჭრები ირანიდან, არაბული სამყაროდან, შუა აზიიდან, ჩრდილო კავკასიიდან, რუსეთიდან. აქ აღწევდა საქონელი ინდოეთიდან და ჩინეთიდან.

სამწუხაროდ, XIII საუკუნის მეორე მეოთხედიდან უდიდესი საფრთხე დაემუქრა ხორნაბუჯის საერისთავოს. მონღოლთა შემოსევებმა გაანადგურა არა მარტო კამბე-

ჩანის მწარმოებელი საზოგადოება, არამედ ფიზიკურად ამოწყდა და გადაშენდა თვით ხორნაბუჯელთა საქვეყნოდ სახელგანთქმული საგვარეულო. ამიერიდან აღარ არსებობს ხორნაბუჯის საერისთავო. გაუქმდა საეპისკოპოსო კათედრა. ქიზიყის ცენტრი ჯერ ბოდბის მონასტერი გახდა. 1441 წლიდან მალარო, 1764 წლიდან ქალაქი სიღნაღი. ჩამოყალიბდა თავისუფალი ქიზიყი – სოციალური და პოლიტიკური თავისთავადობისათვის მუდამ შემართული გასამხედროებელი თემი. დავიწყების წყვილადში იძირებოდა დიდი ქალაქი ხორნაბუჯი. მას იშვიათად იხსენიებდნენ.

XIX საუკუნეში ხორნაბუჯ-ყარაღაჯის სტრატეგიულ ადგილზე მუდმივად დაბანაკდა რუსეთის რეგულარული არმიის ნაწილები. ჯერ ყარაბაღის, მოგვიანებით კი ნიჟეგოროდის 44-ე დრაგუნთა პოლკა. რუსი დრაგუნები განლაგდნენ ყარაღაჯში. ცალკეულმა რაზმებმა დაიკავეს პოზიციები ალაზნის გასწვრივ და ხორნაბუჯ-დედოფლისწყაროს სანახებში.

სამხედრო დასახლებამ კვლავ გააცოცხლა დაცარიელებული მხარე. 1826 წლიდან დედოფლისწყაროში მოხვდა ბევრი ცნობილი დეკაბრისტი. ერთი მათგანის გადამდგარი ოფიცრის გრიგოლ ნეჩელოდოვის სახლი (ამჟამად დედოფლისწყაროს ხალხთა მეგობრობის მუზეუმი) ლიტერატურულ-პოლიტიკური ცხოვრებით სუნთქავდა, აქ იმართებოდა სალონური შეხვედრები, თეატრალური დადგმები.

დედოფლისწყაროში ბევრმა უცხოელმა იმოგზაურა და ყოველ მათგანს სხვადასხვა ინტერესი ამოძრავებდა. მათ შორის ისეთებიც იყვნენ, რომლებიც წლების განმავლობაში ბრუნდებოდნენ არა მხოლოდ მეცნიერული ინტერესების, არამედ იმ მეგობრულ ურთიერთობათა გამო, რაც მათ ქართველებთან აკავშირებდათ.

გერმანელი მოგზაური და მეცნიერი ანტონ გიულდენშტედი, ფრანგი მოგზაური – ვაჭარი ჟაკ-ფრანსუა გამბა, ფრანგი არქეოლოგი და ეთნოგრაფი ჟოზეფ დე-ბაი, გრიგორ გაგარინი – თავადი, მხატვარი, ფოტოგრაფი (მის მიერ გადაღებული ერთ-ერთი ფოტო ასახავს ელიაობის დღესასწაულს).



საინტერესო აღწერა დაგვიტოვეს იტალიელმა მისიონერებმა, ასევე ძმებმა სიმენსებმა, რომლებმაც ამიერკავკასიაში პირველი ნავთობის მომპოვებელი საწარმო და ნავთობგადამამუშავებელი ქარხანა დედოფლისწყაროში აამოქმედეს; აქ მუშაობდნენ ასევე გერმანელი ეთნოგრაფი-მკვლევარი ჰენრიხ იულიუს კლაპროტი, ესპანელი სამხედრო პირი ვან-გალენი, გერმანელი ნატურალისტი – ვილჰელმ ეგერი, მეცნიერმა ელჟარდ ივანეს ძე ეიხვალდმა გამოიკვლია დედოფლისწყაროს ტბის წყალი. დედოფლისწყარო მოინახულეს: ა. გრიბოედოვმა, ა. პუშკინმა, მ. ლერმონტოვმა, ფრანგმა მწერალმა ალექსანდრე დიუმა და ეს არასრული ჩამონათვალია.

ისტორიკოსი, პოეტი, იაკუბოვიჩი თავის წიგნში „რუსეთის მმართველობის დამკვიდრება კავკასიაში“ წერს, რომ გადმოსახლებული განათლებული დეკაბრისტების ინიციატივით სამხედრო ნაწილებთან იხსნებოდა სკოლები. განსაკუთრებით კარგად იყო განვითარებული ყარაღაჯის დრაგუნთა სკოლა. ასეთ სკოლებში ზოგჯერ ადგილობრივ მცხოვრებთაც იღებდნენ. კერძოდ, ყარაღაჯიდან თუქურმიშაში (ასე ერქვა დედოფლისწყაროს მცირე პერიოდში მთიელი მებრძოლის, ბუქური მიშას, საპატივსაცემოდ, რომელმაც დიდი დახმარება გაუწია ადგილობრივ მოსახლეობას ლეკების წინააღმდეგ ბრძოლაში) გადატანილ დრაგუნთა სკოლაში აღიზარდნენ: მწერალი და ხალხოსანი დიმიტრი მაჩხანელი (ნადირაძე), ენათმეცნიერი, ეთნოგრაფი, საზოგადო მოღვაწე, პროფესორი მოსე ჯანაშვილი.

მოსახლეობა ძალზე ნელა იზრდებოდა, დედოფლისწყაროში რამოდენიმე ქართველი ცხოვრობდა (ეს კარგად ჩანს 1886 წლის აღწერიდან). შემდეგში თანდათანობით დაიწყო გადმოსახლება მირზანელებმა, ზემომჩხანელებმა, არბოშიკელებმა.

ჩვენი დაინტერესების საგანი გახდა დედოფლისწყაროში არსებული სახლი ბულვარის ქუჩაზე, ამჟამად რუსთაველის IV შესახვევში დგას სახლი, რომელიც არანაირ ყურადღებას არ იქცევს გარეგნული ეფექტებით. საერთო ფართობით იგი საკმაოდ დიდია. დღეს ამ სახლში რვა ოჯახი ცხოვრობს. ერთ-ერთ ოჯახში შემორჩენილია ამ სახლის ძველი დიდების ნაშთი: ბუხარი, რომელიც აშენებულია ძვირფასი მასალით გარეგნულად ხელოვნების უმშვენიერეს ნიმუშს წარმოადგენს. აღსანიშნავია მისი ნაკეთობა, ჩუქურთმები, მოხატულობა და შეხამებული ფერები; ასევე ძველი უზარმაზარი სარკე, მარმარილოს ფეხებიანი დასადგამით. ეს სარკე აქ მცხოვრებთა გადმოცემით პარიზში უნდა ყოფილიყო დამზადებული; ძვირფასი შანდალი დაგერმანელი მხატვრის მიერ შესრულებული ნახატი.

XIX საუკუნის ბოლოსთვის „ცარსკოე-კოლოდცში“ (დედოფლისწყაროში) იმყოფებოდა რუსეთის იმპერიის



ნოვგოროდის და ტვერის პოლკების 28-ე დივიზიის 42-ე დრაგუნის ოფიცერთა კორპუსი. პოლკოვნიკის მეუღლეს ალექსანდრა ივანეს ასულ ციციანოვას(ციციშვილს) მიეცა მიწის ნაკვეთი 2710 კვადრატული საჟენი (საჟენი: 2 მ და 13 სმ). ამ ფაქტის შესახებ 1893 წელს გაცემულია მოწმობა „ცარსკოე-კოლოდცის“ გარნიზონის უფროსის მიერ. აღნიშნულ მიწის ნაკვეთში შედიოდა სხვადასხვა შენობები და ნაგებობანი. მათ შორის ზემოხსენებული სახლი, რომელიც გაკეთებული ყოფილა გერმანული პროექტით – მორებისაგან.

ზემოხსენებული მოწმობის თანახმად ეს მიწის ნაკვეთი ალექსანდრა ციციანოვას გადაეცა ღრობით სარგებლობაში და აღნიშნული მიწის ნაკვეთი მაინც რჩებოდა ხაზინის განუყოფელ ნაწილად.

1919 წელს (როცა ხელისუფლება შეიცვალა) ალექსანდრა მამაცაშვილმა საკუთრების ნაწილი გაყიდა სოფელ მირზანანში მცხოვრებ წყალობა ივანეს ძე ლაპიაშვილზე, რომლის შთამომავალნიც დღეს ამ სახლში ცხოვრობენ. ამ აქტის შესახებ არსებობს პირობის ხელწერილი, რომლის თანახმად ალექსანდრა ციციანოვ-მამაცაშვილმა წყალობა ლაპიაშვილს გადასცა სახლი ეზოთი, ბაღით, აბანო თავისი გამართულობით (სააბაზანოთი მიღებით), გასაშლელი მაგიდა, ერთი ჭავლი სამი პულპულით. პირობის თანახმად ალექსანდრა მამაცაშვილი აქ იცხოვრებდა 1919 წლის დეკემბრისთვის (ოქტომბრის) გასვლამდის. მისგან სახლები



შეიძინეს აგრეთვე გიგო ივანეს ძე ლაპიაშვილმა და ბესო მიხაკოს ძე ალუღიშვილმა.

გადმოცემით ალექსანდრა ივანეს ასული უნდა ყოფილიყო ყვარლელი თავადების – ჭავჭავაძეების ახლო ნათესავი. მისი ქალიშვილობის გვარი ზუსტად არ არის ცნობილი, სავარაუდოდ – შალიკაშვილი. თავდაპირველად იგი გათხოვილა თავად ციციშვილზე, ხოლო მეორედ იქორწინა მეფის არმიის ოფიცერ მამაცაშვილზე. კნენა უშვილო იყო. იგი დედასთან და დისშვილ კატუშასთან ერთად ცხოვრობდა. ალექსანდრა მეტად განათლებული ქალი იყო. იცოდა გერმანული, ფრანგული და რუსული ენები. კნენა და მისი დისშვილი გაკვეთილებს ატარებდნენ უცხო ენებსა და მუსიკაში. მას ჰქონდა შესანიშნავი ფრანგული როიალი, რომელიც ბოლშევიკებმა ჩამოართვეს.



ამ დიდებულ სასახლეში იმართებოდა ბალები. კნენა, როგორც აქ მცხოვრებნი ამბობდნენ, მაღალი გემოვნების ქალი ყოფილა. ტანსაცმელს საფრანგეთში აკერინებდა. მას დიდ პატივს სცემდნენ. ქალბატონის ძილის დროს აკრძალული ყოფილა ურმების გაელა-გამოვლა, რათა მათ ხმაურზე ქალბატონს არ გაღვიძებოდა. დღესასწაულებზე უძვირფასესად იმოსებოდა და ისე გამოდიოდა გარეთ თანმხლებითურთ.

მისი სასახლე შედგებოდა 14-15 ოთახისაგან. დიდი დარბაზი, საძინებელი, ჩაის დასალევი ოთახი, ჩასაცმელი ოთახი, კნენას დედის მოსასვენებელი ოთახი, მოსამსახურეთა ოთახი და ა. შ. აღსანიშნავია, რომ სამზარეულო



და აბანო მარმარილოთი ყოფილა მოპირკეთებული. დღეს მათ ადგილას ჩვეულებრივი ოთახებია. ქალბატონს ჰქონია უძვირფასესი ავეჯი, ჭურჭლეული, ჭადები.

როგორც ზემოთ აღვნიშნეთ სახლი გაიყიდა 1919 წელს. დიდგვაროვანი ქალბატონი დედოფლისწყაროში დარჩა, რადგან ბოლშევიკების შემოსვლის მერე ემიგრაციაში წასვლა ვერ მოასწრო და სიღარიბეში გარდაიცვალა.

ასეთია ამ ოდესღაც ბრწყინვალე სასახლის და მისი უიღბლო, მაგრამ დიდებული ქალბატონის ისტორია, რომელიც ასახავს XX საუკუნის 30-იან წლებამდე დედოფლისწყაროს ისტორიულ წარსულს.

ბათონა ზაზუნაძე

მე ნათუნა ზაზუნაძე ვარ გობელენის, ფარდ-აგის, ხალიჩის მხატვარ-დიზაინერი. დავიბადე 1979 წლის 29 აპრილს გურჯაანის მუნიციპალიტეტში სოფელ მუკუნანში. დედა ანა ზაზუნაძე, ფორტეპიანოს მასწავლებელია, მამა, მალხაზ ზაზუნაძე – ელექტრო ინჟინერი. მყავს და და ორი უფროსი ძმა, უფროსი ძმა გარდაიცვალა 1993 წელს, 18 წლის ასაკში. მისმა გარდაცვალებამ ჩემი ცხოვრება რადიკალურად შეცვალა. 1996 წელს დავამთავრე გურჯაანის მესამე საჯარო სკოლა. 1997 წელს სწავლა გავაგრძელე თბილისის ა. ქუთათელაძის სახელობის სამხატვრო აკადემიაში, გამოყენებით ფაკულტეტზე, ტექსტილ დიზაინის განხრით (მხატვრული და დეკორატიული ქსოვილები). 2003 წლიდან ვიწყებ ნაყოფიერ შემოქმედებით მოღვაწეობას. სისტემატიურად ვიღებ მონაწილეობას საზღვარგარეთის, რესპუბლიკურ, ჯგუფურ და რეგიონალურ სამხატვრო გამოფენებსა და ფესტივალებზე. მნახველთა ყურადღებასა და დიდ ინტერესს იპყრობს ჩემს მიერ შექმნილი ხალიჩები, ტექსტილის, გობელენის ნამუშევრები. 2009 წელს საპატრიარქოს ტელევიზიამ გადაიღო დოკუმენტური ფილმი, სადაც ასახულია ჩემი შემოქმედებითი ცხოვრება. 2014 წელს გავხდი საქართველოს მხატვართა კავშირის წევრი. როგორც მხატვარი აქტიურად ვმოღვაწეობ საქართველოს მხატვართა კავშირისა და მრავალი ორგანიზაციის მიერ მოწყობილ გამოფენებში, პლენარებში, სიმპოზიუმებში, არტ-გენებში და სხვადასხვა საქველმოქმედო აქციებში. 2015 წელს 24 თქტომბერს საქართველოს მხატვართა კავშირმა გამოსცა ანთოლოგია-2014-15 წლის ქართველი მხატვრები, სადაც წილად მხვდა ბედნიერება შევსულიყავი.



23 წელია ამ სფეროში ვმოღვაწეობ, თამამად შემიძლია ვთქვა, ამ საქმის პროფესიონალი ვარ.

აქვე მინდა აღვნიშნო, ფეხი გურჯაანის სამუსიკო სკოლაში ავიდგი, სადაც დედა მუშაობდა ფორტეპიანოს მასწავლებლად, საათობით მიწევდა გაკვეთილებზე ჯდომა და მოსმენა, რაც ძალიან მსიამოვნებდა, ალბათ აქედან იღებს ჩემი უზომოდ დიდი სიყვარული ხელოვნებისადმი და განსაკუთრებით კლასიკური მუსიკისადმი. მამა ძალიან ნიჭიერია თავის პროფესიაში, მე მეძვეიდრებით მერგო ეს ნიჭი მამისგან. 18 წლის ასაკში შევეხე დიდი მოწიწებით ხელოვნების ამ ულამაზეს დარგს, რომელსაც დეკორატიული, მხატვრული ქსოვილები ეწოდება და დღემდე შეუჩერებლად ვმუშაობ. როგორც ყველა ხელოვნის ცხოვრებაში ჩემს ცხოვრებაში არის რთული დღეები, მაგრამ, ყველაფერს ვაკეთებ ამ სუსტი, სიფრიფანა თითებით, ვიბრძვი და არ ვჩერდები. ვარ დასათვალიანებელი, რატომღაც არ მაქვს პირადი ცხოვრება, შესაბამისად, არც შვილები მყავს, მაგრამ 5 ბავშვი მაინც გავზარდე, ორი დის და სამი ძმის. მომავალში მაქვს სურვილი, რომ მათ გადავცე ჩემი ცოდნა და დაგასაქმო.



ფარდაგი



მწუსრი. გობელინი




სვანეთი. ბატიკა



ობობა. სალინა




გზაფხული. გობელინი



მუნა. გობელინი

მთვარის მთვარეობა.
სალინა



გზა. სალინა

